

მღვთნებანი

პატივი

1963

წინასიტყვა

განსვენებულ ჩემ მეუღლეს, ვალოდია გოგუაძეს თავისი მოგონებანი ვრცლად ჰქონდა დაწერილი; იქ იყო არა მარტო დაწვრილებითი მოთხრობა ამბავთა, არამედ მათი განმარტება და დახასიათება. სამწუხაროდ, მოხდა ერთი უბედური შემთხვევა — გერმანელთა ჯარის შემოსვლისას ვ. გოგუაძემ რატომღაც ცეცხლს მისცა ჩუმად თავისი დიდი ხელნაწერი მოგონებათა და მე ვეღარ მივუსწარი იგი გადამერჩინა.

მაგრამ შემდეგ, არქივის გადათვალიერებისას, აღმოჩნდნენ დაულაგებელი, გაფანტული ფურცელნი მოგონებათა, რომელთაც ბევრი რამ აკლდა. მაინც მოხერხდა აღწერილ ამბავთა ერთი მეორეზე გადაბმა, თუმცა ეს ის აღარ არის, რაც უკვე იყო ვამზადებულ დიდ ხელნაწერ დედანში.

ეს წინამდებარე წიგნი არის მოთხრობა მეტად მოკლე იმ ამბავთა, რომელთ თვით დედანში დასრულებული და განმარტებითი სახეც ჰქონდა, მაგრამ მაინც მგონია, ეს მოკლე მოთხრობა ამბავთა ინტერესს მოკლებული არ უნდა იყოს და ამასთან, ვფიქრობ, იგი ისტორიულ მასალასაც წარმოადგენს, რაც იქნებ გამოიყენონ მომავალში, ჩვენი ხალხის მეოცე საუკუნის, პირველი მეოთხედის, მღელვარე და აბოზოქრებული ცხოვრების გასაცნობად.

ამ იმედით ვბეჭდავ ჩემი განსვენებული მეუღლის ვ. გოგუაძის ამ მცირე მოგონებათ.

ნამეტია ბერძენიშვილის ასული

გოგუაძისა

პარიზი, ოქტომბერი 1963 წლ.



ვ. გოგლაძე
1880 — 1954

ახალ თაობას მოგიძღვენ
ჩემი თავგადასავალი;
ავწერე ჩემგან ნახული
ტანჯვა-წამება მრავალი.

თანამებრძოლთა რიგებში
მეც მქონდა ჩემი ადგილი;
გვრწამდა სიმართლე საქმისა
და გამარჯვება ნამდვილი.

სიმართლის დროშა ავმართეთ,
გავედით ბრძოლის ველზედა;
ხალხის მტრები და ორგულნი
სულ გადაეყარეთ კლდეზედა.

ვ. გოგუაძე

3. გოგუაძე

მოგონებანი

დავიბადე 1880 წელს სოფელ ქანჭთაში (გურია); ჩემი მშობლები, ელისაბედი და საბა, მიწის მუშა იყვნენ. მამა ჩემს თერთმეტი შვილი ჰყავდა, — აქედან ოთხი ყვავილით დაეხოცა; დავრჩით ხუთი ვაჟი და ორი ასული.

დედმამა მძიმე შრომას ეწეოდა და ჩვენც, შვილები, ვიზიარებდით გლეხის აუტანელ შრომას. დედა ჩემი მარტოხელა ქალი იყო და ამიტომ ოჯახის მთელი სიმძიმე მას აწვა კისერზე. საკმელის მომზადება, ტანსაცმელისათვის მატერიის მოქსოვაც, მისი შეკერვა (იმ დროს ყველაფერს სახლში ქსოვდნენ და ხელით ჰკერავდნენ) და სხვა მრავალი, მისი საქმე იყო.

მე დედა-ჩემს ვეხმარებოდი ბავშვების მოვლაში, ბოსტანის დამუშავებაში და სხვა წვრილმან საქმეში.

მამა-ჩემი კარგი მეურნე იყო, კარგი აღზრდილი, საუკეთესო მომღერალი, თავის დროზე მოქეიფეც და იშვიათი თამადა.

ჩვენ საკმარისი ადგილ-მამული არა გვქონდა, ამიტომ იჯარით ვიღებდით მიწას სოფელ ნიგოთში, თავადი მაქუტაძესაგან, სოფ. გრიგოლეთში — თავადი გურიელისაგან და სოფ. ლეკიანში — თავ. ნაკაშიძესაგან; ასე რომ შრომა ჩვენი იყო, ხოლო შემოსავალას დიდი ნაწილი სხვის ზღელში მიდიოდა.

შვიდი წლის რომ შევიქენი სასწავლებელში შემიყვანეს. პირ-

ველად ჩემი მასწავლებელი იყო ჩემი დეიდას მეუღლე, ირაკლი ში-
ვარდნაძე, რომელიც შემდეგ შესცვალა ლავრენტი ჩიმაკაძემ.

ორივე კარგი მასწავლებელი იყო და ჩვენც ისინი ძალიან გვი-
ყვარდა. სკოლაში გავატარე სამი წელიწადი. გვასწავლიდნენ ქა-
თულად და რუსულად.

სიღარიბის გამო სწავლის გაგრძელება ვეღარ შევძელი. წიგნის
მონატრული — 11 წლის ყმაწვილი — მოჯამაგირედ ვუდგები ზიძა
ჩემს, რომელსაც ტყის „პოდრათი“ ჰქონდა აღებული; იგი აწარმო-
ებდა შეშის დამზადებას სუფსის რაიონში, სოფელ ხაჯალიაში.
ჩემი მოვალეობა იყო ორმოცი მუშის კარავის დასუფთავება-დალა-
გება, ხუთი სულის საკმელის მომზადება და ერთი ხარის მოვლა.
მეტად მძიმე პირობებში მიხდებოდა მუშაობა; ზამთარში „ბლუ-
ზის“ ამარა, უქვეშსაგებლოდ და თითქმის ფეხშიშველი...

როცა 12 წლისა გავხდი წავედი ქარხანაში სამუშაოდ, ქალაქ
ბათუმში. ქარხანაში სამუშაო ვერ ვიშოვნე და სამი თვის შემდეგ,
ციებ-ცხელებით შეპყრობილი, დაებრუნდი შინ. განკურნების შემ-
დეგ ისევ ბათუმს დავბრუნდი და დავდექი მუშად რიხნელის ქარხა-
ნაში. ჩემს მოვალეობას შეადგენდა ნავთიან ყუთებზე მაშით „კის-
ლატიან კაპსულების“ დაფარება. დღეში ვმუშაობდი აერთმეტ სა-
ათს და ხელფასად მეძლეოდა ორი აბაზი. ამ ქარხნის მუშების უმე-
ტესობას შეადგენდა ქართველობა. ხელფასის მიღებისათვის ისი-
ნი გარბოდნენ სამიკიტნოში; მოითხოვდნენ აუარებელ ღვინოს, ზოგს
დალევდნენ, ზოგს კი დაღვრიდნენ იქვე, ფულს „თავმომწონედ“
იხდიდნენ და შემდეგ სხვა სამიკიტნოში გადადიოდნენ; არღანითა
და ეტლით მთელ ქალაქს შემოივლიდნენ. სტეხცდნენ აურზაურს,
ჩხუბს; მიიწევდნენ ერთმანეთზე ხანჯლით და სხვა. გურულები მეგ-
რელებს სცემდნენ, მეგრელები — იმერლებს და ერთმანეთს ხანჯ-
ლის ჭრილობით აჯილდოვებდნენ. განთქმული მოქეიფე-ხანჯლოს-
ნები ლომთათიძის და თავართქილაძის ჯგუფი იყო. ეს ყმაწვილები
ამდენი უაზრო ქეიფის შემდეგ ქარხანას უკაპეიკოდ უბრუნდებოდ-
ნენ და მეორე დღეს პურის ფულს სესხულობდნენ. ეს ხანჯლოს-

ნები მოზარდებს უდიერად გვეპყრობოდნენ და ცდილობდნენ ჩვენს გარყვნას. ქარხანაში იყვნენ მოწინავე-შეგნებული მუშებიც: ივანე მგელაძე, კოწია წულაძე, ძმები დუდუჩავა, პლატონ ბერძნიშვილი და სხვებიც; ისინი კითხულობდნენ წიგნებს და გაზეთებს. მოქეიფე ყმაწვილები ამათაც დასცინოდნენ, რასაკვირველია.

საცხოვრებელი ბინა მუშებს ცუდი ჰქონდათ; ერთ ოთახში შვი-ღი-რვა კაცი ვცხოვრობდით, რაც არა ჰიგიენური იყო და ხშირად ავადმყოფობას იწვევდა.

ერთი წლის შემდეგ გადამიყვანეს გატეხილი ყუთების შემკე-თებელად. ჩემი უფროსი იყო ჯპარსელი ჰუსენია, რომელიც ძალიან კარგი კაცი იყო; ჯამაგირს მაძლევდნენ დღეში ათ შაურს.

რიხნელის ქარხანაში მუშაობამ იკლო, რის გამო გადავედი როტშეილდის ხერხის ქარხანაში. ჩემს მოვალეობას შეადგენდა ყუ-თების ჰედვა. ჯამაგირი მეძლეოდა დღიურად თოთხმეტი შაური. აქაც იკლო მუშაობამ და 18 წლისა, დავბრუნდი შინ.

გლეხი-კაცის მოსვენება არ არის. მე ვაგრძელებ მძიმე შრო-მას: ზაფხულში ყანას ვამუშავებ, ხოლო ზამთარში შეშას ვჭრი სუფსის რაიონში და ქალადიდში.

მოჯამაგირედ დავუდექი თეიმურაზ წულაიას, რომელიც შეშას ამზადებდა გრიგოლეთის მიდამოებში. ჩემი მოვალეობა იყო კამე-ჩებით შეშის გამოზიდვა ტყიდან, ფური კამეჩების მოვლა-მოწველა, ნავებში შეშის ჩატვირთვა და მისი გატანა მდინარე სუფსით გრი-გოლეთში, საიდანაც ეს შეშა გემებით გაჰქონდათ. აუტანელი შრო-მა მქონდა.

მართალია, ჩემი „ხაზინი“ კეთილი კაცი იყო. გულჯხვი, პურ-მარილიანი, მაგრამ მუშაობაში ძლიერ სასტიკი. მას ჰქონდა ექვსი იალქნიანი გემი, რომელიც წინა წლებში დაეღუპა. ეს რომ გაახ-სენდებოდა, გიყს დაემსგავსებოდა ხოლმე; დაუწყებდა კამეჩებს ცე-მას, სიცივეში გარეთ გაგვყრიდა სამუშაოდ და მე ხშირად მეტყო-და — შვილო! მე რომ ფულს გაძლევ, იმას არც სცივა და არც სცხა-ვსო. წელიწადში მაძლევდა ას მანეთს.

მთელი ზამთარი ტყეში გავატარე, სადაც აუაზებელი/მგელი იყო და ცოტა არ იყოს, მეშინოდა კიდევ. ზაფხულში ციება და მიწყო, რის გამო მასთან მუშაობას დავანებე თავი და დედ-მამასთან დავბრუნდი. ამის შემდეგ ოცი წლის შესრულებამდე ოჯახში დავრჩი.

მამაჩემი ხშირად გვეტყოდა ხოლმე შეილენს — მართალია, სიღარიბის გამო სწავლა ვერ მივალდებინეთ, სამაკიეროდ მუშაობა და ცხოვრების წესები უნდა ისწავლოთო. იგი ხშირად მივეითი-იებდა შრომაზე, სიმართლე-პატიოსნებაზე; გვასწავლიდა სტუმრობის დროს სუფრაზე თავის დაქერას — როგორ უნდა გვექამა და გვესვა, როგორ გვეთამადა; ჩხუბი არავისთვის არ უნდა გვექნა სუფრაზე: ქამის დროს ძაღლები ჩხუბობენო! — გვეტყოდა. თუ მაინც და მაინც ჩხუბს სხვა აგვიტეხდა — გალახული არ უნდა მოვსულიყავით, ჩხუბის ამტეხი და მტყუანი ჩვენი მოპირდაპირე უნდა ყოფილიყო.

მამაჩემს უყვარდა წიგნების კითხვა: ილია ჭავჭავაძე, აკაკი წერეთელი, ეგნატე ნინოშვილი — მისი საყვარელი მწერლები იყვნენ. მამას სოფელში პატივისცემით ეპყრობოდნენ; მას მართალ კაცს ეძახდნენ. იგი ხშირად იყო საზოგადოებაში როსამართლედ და სკოლის მზრუნველად. მას ხშირად მოსდიოდა უთანხმოება სასულიერო პირებთან. სასტიკი მოწინააღმდეგე იყო მათი გაუმადლობისა, ეწინააღმდეგებოდა მრავალ უსამართლო გადასახადს, რომელიც ჩვენს გლეხობას მძიმე ჯღლად აწვა კისერზე. მღვდლები მამაჩემს „ულმერთოს“ ეძახდნენ და ციმბირით ემუქრებოდნენ.

როგორც კი შემისრულდა ოცი წელი, გამიწვიეს სამხედრო სასახურში, გამაწესეს ქალაქ ოდესაში, მეოთხე მსროლელ ბრიგადაში. ბრიგადის უფროსი იყო გენერალ-პოლკოვნიკი რეპინსკი (ნასახური ქუთაისში). მთელ ბრიგადაში ჩვიდმეტი ქართველი ვიცავით. ქართველები რუსეთში პირველად იყვნენ, ამიტომ უფრო-

სები კარგად გვეპყრობოდნენ. რუსი ჯარისკაცების ნაწილი ჩვენ თათრებს გვეძახდნენ და დედას გვაკინებდნენ. ქართველებისათვის დედის გინება ძალიან ძნელი ასატანი იყო, რის გამო ხშირად ცემა-ტყეპამდე მიდიოდა საქმე. რუსებს კი ძალიან უკვირდათ, რომ ჩვენ, ქართველებს, ასე პატარა რამეზე გული მოგვდიოდა! საქმე ისე გამწვავდა, რომ არმიის უფროსი იძულებული გახდა გამოეწვია ბრძანება ჩვენს მიმართ დედის შეგინების აკრძალვის შესახებ! წინააღმდეგ შემთხვევაში ჩვენ პასუხს არ ვაგებდით.

სამხედრო წრეთნა სასტიკი იყო: გათენებამდე წამოგვეყრიდნენ და ყინვაში გიმნასტიკას გვათამაშებდნენ; შემდეგ ყაზარმას დავასჯდით, ჩაის დავლევდით და იარაღზე მაცადინობას დავიწვევდით. 12 საათზე სადილს გვაკმევდნენ; ათი კაცი ერთ თეთშზე ვკამდით; რუსები ცხელ ბორშჩს და სუპს ჩქარა შეიკამდნენ ხოლმე; მე კი რადგან არ შემეძლო ცხელი საკმელის ჩქარა კამა, მშიერიც ვრჩებოდი ხოლმე. ამის შედეგად ძლიერ გავხდი. ექიმმა მიზეზი მკითხა; მეც ავუხსენი მიზეზი; ამის გამო მე საკუთრად მძლევდნენ ჩემ წილ კერძს და მეც მოვიკეთე. სხვათა შორის ექიმმა მირჩია მეკამა ღორის ქონი. მე კი ღორის ხორცს არ ვკამდი შემდეგი მიზეზის გამო —

ერთხელ მამაჩემმა საახალწლოდ ღორი დაკლა; მე მაშინ შვიდი წლის ვიქნებოდი; შეეხედე, დაკლულ ღორთან მივიდნენ გოჭები და მას ძუძუს წოვა დაუწყეს. მე ეს რომ დავინახე, ტირილი დავიწყე, რის გამო მამამ მაგრად გამწკვებლა. მას შემდეგ ღორის ხორცი არ მიკამია, მიუხედავად ბევრი ხვეწნისა და მუქარისა. მე ავუხსენი ეს ექიმს; მან ბევრი იცინა, მაგრამ მიბრძანა: როგორც წამალი, ისე შეჭამე ღორის ქონიო. რას ვიზამდი, დავემორჩილე.

1901 წლის გაზაფხულზე მთელი ბრიგადა წაგვიყვანეს სასროლ მინდორზე. ვისროდით 200—1500 ნაბიჯზე. სროლაში კარგი შედეგი მივიღე; გიმნასტიკაში ბევრს ვჯობნიდი და ყველანი კარგი თვალთ მიყურებდნენ, განსაკუთრებით უფროსნარი

ჩვენ გვასწავლიდნენ სამხედრო საქმეს. დისკუსიისას მსჯელობდა

სხვა წესდებას. საღამოს 9 საათზე დაგვაწყობდნენ, დაგვთვლიდნენ, დაგვათვალაიერებდნენ და შემდეგ ძილინებისას გვისურვებდნენ.

1901 წლის ივნისში გამოგვიცხადეს მანჯურიაში სარმრად უნდა წახვიდეთო. ივნისის 15-ს მოგვამზადეს. ქალაქ ოდესას კულიკოვის მინდორზე გამოვემშვიდობეთ; საღვთოლოებამ დაგვლოცა, მეფე და სამშობლოზე გველაპარაკა; ორკესტრით ნავთსაღვთრამდე მიგვაცილეს.

ჩვენ, მეთოთხმეტე პოლკი გემ „პიზა“-ზე მოგვათავსეს ჩვენი ბარგი-ბარხანით. კარგი დარი იყო.

17 ივნისს ტრაპიზონში შევჩერდით, შემდეგ დღეს სტამბოლი-საკენ ვაეწიეთ და 20 ივნისს იქ მივედით. სტამბოლი ზღვიდან მშვენიერ სანახაობას წარმოადგენს. განსაკუთრებულ ყურადღებას იქ ცევედა სულთანის და პრინციების სასახლეები. ჩვენ, ჯარისკაცებს არ გვცილდებოდა პორუჩიკი მალინოვსკი და ამ უცხო ქვეყნის ამბავს მოგვითხრობდა. სხვათა შორის მან გვითხრა: რუსეთის მეფე რომ კვდება, შვილს ანდერძს უტოვებს — „სტამბოლი აიღე და სამარეში ჩამომძახე ეს ბედნიერი ამბავი“-ო.

სტამბოლიდან მარმარილოს ზღვა გავიარეთ და პორტსაიდში მივედით. შემდეგ გავცურეთ სუეცის არხი, გავედით წითელ ზღვაზე, რომელიც შორიდან მართლაც წითლად მოსჩანს. ახალგაზრდა არაბები გვთხოვდნენ მათთვის გადაგვეყარა ფული წყალში. ჩვენც შაჰრიანებს ვისროდით ზღვაში და ისინი ყვინთით იჭერდნენ ჩვენ მიერ ნასროლ ფულს, ზემოდ ამოცურდებოდნენ და მას გვიჩვენებდნენ ხოლმე. შემდეგ შევედით ადენის შესართავში; აქედან ინდოეთის ოკეანში ამოვყავით თავი. ინდოეთის ოკეანე აღელვებული შეგვგზავდა, ცისა და წყალის გარჩევა ძნელი იყო. ჯარისკაცებს გვეგზავნა ტრიუმში ჩავსულიყავით და ზევით არ ამოვსულიყავით. 10 დღე გავატარეთ დიდ ლელვაში. წითელ ზღვაში საშინელი სიციხისაგან და ინდოეთის ოკეანეში დიდი ლელვისაგან სამოცი ჯარისკაცი გარდაიცვალა. მიცვალებულებს ტილოებში ხვევდნენ, რკინას მია-

ბამდნენ, მღვდელი წესს აუგებდა და ზღვაში გადაუძახებდნენ ხოლმე. დიდი გაჭირვების შემდეგ კოლუმბოს ნავთსადგურში მივედით. კოლუმბო ცეილონის კუნძულთან არის. ცეილონი იშვიათი ლამაზი კუნძულია. ტროპიკული მცენარეები, ლამაზი შენობები, კეთილმოწყობილი ქუჩები ამშვენებენ ცეილონს. ორი დღე დავრჩით კუნძულზე; უფროსებმა ქალაქის დასათვალიერებლად წაგვიყვანეს. ადგილობრივ მცხოვრებლებს ჩვენთან მოჰქონდათ გასაყიდად ბანანი, ანანასი და კოკოსის კაკალი. ძვირი არ იყო და ჯარისკაცებიც მას ბლომად ვყიდულობდით.

ცეილონიდან მალაგის პატარა სრუტეში შეეცურდით და რამოდენიმე დღის შემდეგ სინგაპურში ვიყავით, სადაც ორი დღე დავისვენეთ და მეძმე შეეცურდით ჩინეთის სამხრეთის ზღვაში, იქიდან ყვითელ ზღვაში და მივედით პორტარტურში. ოდესიდან პორტარტურამდე დაგვკირდა 37 დღე.

პორტარტური ძლიერ მოხეტხებულნი ნავთსადგურია. აქ დავრჩით ერთი კვირა. პორტარტურის ქალაქი ძველებურია; ყველა შენობას გარს შემოვლებული აქვს ქვის კედლის სიმაგრე. ეტლებში ცხენების მაგიერ ჩინელები არიან შებმული და ისანი განსაცვიფრებელი სისწრაფით მიაქროლებენ მგზავრებს, — ეს ადამიანი ცხენები! ერთი კვირის შემდეგ პორტარტურიდან წავედით ქალაქ შახესაკენ. ივლისის დამლევს შახეს მივეუახლოვდით. მალლობზე მტერი გამოჩნდა. ჩვენი რაზმის უფროსი გენერალი მიშჩენკო იყო, რომლის ბრძანებით ჯარი საომრად მოემზადა. რამდენიმე საათის შემდეგ მტერი დამარცხდა და ჩვენც ქალაქ შახეში შევედით.

28-ს დილით (1901 წლ.) ბუთი შეპყრობილი ჩინელი მხედარი მოიყვანეს. ჩინელი ჯაშუშები მათ პირში წარუდგინენ. ერთი მხედართანი ჯაშუშს ყელში ეცა და დაახრიობდა, რომ არ მივშველებოდით. ჩინელმა მხედრებმა ჯაშუშებს ზიზლით გადახედეს და უთხრეს: ჩვენ ვკვდებით სამშობლოსათვის და გამყიდველები რა კაცები ხართო! სამხედრო სასამართლომ ხუთივეს ჩამოხრიობა გადაუწყვიტა, რაც მაშინვე სისრულეში მოიყვანეს.

მე მორწმუნე ახალგაზრდა ვიყავი; ამ საშინელების დანახვაზე ცოტა არ იყო ღმერთზე უკმაყოფილო დავრჩი, იმ ადგილს მოვცილდი; რუსის ჯარისკაცები კი ჩამოხრჩობილებს ფეხებზე ეკიდებოდნენ და მათ ვარშემო ცეკვა-თამაშს მართავდნენ.

შახედან ქალაქ ლიაონისაკენ გავსწიეთ. მე ათი კაცი ჩამაბარეს და მზევრავ რაზმში გამგზავნეს. მზევრავ რაზმს გზა აგვებნა და მტრის ბანაკში ამოუყავით თავი. რამოდენიმე დღის შემდეგ, შეღამებისას, ძლივსძლივობით მოვახერხეთ ბანაკიდან თავის დაბრუნება და ნაშუალამევს ჩვენ ნაწილთან ვიყავით.

30 იელისს ლიაოიანს მივუახლოვდით; ძლიერ დაქანცული ვიყავით და ამიტომ ერთ მაღლობზე დაგვასვენეს. აქ ამიხიარდა ერთი ჯარისკაცი, გვარად იაცენკო — „კუტაისკაია და კიტაისკაია, ეტო ვსიო რაენო, ჩერეზ ვას მი სტრადაემ“-ო! ეს ველარ მოვითმინე, იაცენკოს თავზე თოფის დუგლუგი დავკარი და თავგატეხილი ხრამში გადაგორდა იგი. ჩხუბზე ჩვენი უფროსები მოყიდნენ, საქმე გამოიძიეს და მე გამამართლეს, ხოლო გამაფრთხილეს — რამდენი კაცია გეოგრაფიის უცოდინარი და თუ ყველას თავი გაუტეხე, ჩვენ ჯარისკაცი აღარ დავგრჩებო!

ჩინელების სოფლები მჭიდროდ დასახლებული არიან. ყველა სახლს და სოფელს დიდი ქვის გალავანი არტყია. ოჯახი მათ პატრიარქალური აქვთ, თითო ოჯახში სამოც სულამდე ცხოვრობს. ჩინელი მამაკაცები გრძელ დაწნულ თმას ატარებენ, ახალგაზრდები წვერულვამს იპარსავენ, ხნიერებს კი გრძელი უღვაშები აქვთ. ოჯახს განაგებს უფროსი მამაკაცი. ქალები მძიმე შრომას ეწევიან. მათ კარგად იციან ქსოვა და კერვა; ქსოვენ აბრეშუმს, ბამბის მატერიას, შალსა და ლერწამს. მიწის სივიწროვის გამო ბოსტანი სახლის სახურავზე აქვთ გაშენებული. სახლის სახურავი სწორია და ზედ მიწას აყრიან. მიწისთვის სასუქს ბლომად ხმარობენ. ჩვენ ბანაკთან „ვედროებით“ მოდიოდნენ ჯარისკაცთა „ოქროსა“ მოსაგროვებლად, რაზედაც ერთმანეთში ხშირად ჩხუბიც მოადიოდათ ხოლმე. ჩინელებს ყველა სოფელში სამლოცველო აქვთ. მიცვალებულს მი-

წის ზემოდ დასდგამენ და ქვითა და ცემენტით აშოაშენებენ. სასა-
ფლაო სუფთად აქვთ, ეკლესიაც კარგი ხელოვნებისაა. ქალებს პა-
ტარა ფეხები აქვთ; აქაურებს პატარა ფეხები ძალიან მოსწონთ. ამ-
ბობენ, როცა ქალი დაიბადება, ფეხებს მაშინვე ხის კალაპოტში ჩა-
უდებენ რომ არ გაეზარდოთო. ჩინელები იკვებებიან ბრინჯით და
სალათით. სვამენ არაყს, რომელსაც „სულეიმა“-ს უწოდებენ. ყვე-
ლა ოჯახს რამდენიმე ბოჭკა აქვს ეს სულეიმა.

ქალაქ ლიაოიანში მარიობის თვის პირველ კვირას შევედით.
ყველა გახიზნულიყო; სახლში არაფერი იყო. რუსის ჯარი შეიქრა
სახლებში; რაც იქ მოეწონათ ტომრებში ჩააწყვეს, დანარჩენი კი
დაამტვრიეს; დაიწყეს სულეიმას სმა. რის შედეგად ყველა გაღე-
შილი ეყარა. ასე რომ მთელი გარნიზონის განიარაღება ბავშვებსაც
შეეძლოთ.

სულეიმით მთვრალი ერთ კვირას ვერ მოდის გონზე. დავრჩით
ფხიზლად მხოლოდ ქარველები და ებრაელები და მთელ გარნიზონს
ჩვენ ვყარაულობდით. ჯარისკაცები შედიოდნენ სამლოცველოში,
ყვიროდნენ: ეს რა ქრისტიანების ეკლესია არისო და ამტვრევდნენ
შიგ ყველაფერს...

მანჯურიის ტერიტორია რუსებს ეჭირათ; ჩინელებს უნდოდათ
მათი აქედან გარეკა; რკინისგზის სადგურები და საწყობები ჩინე-
ლებმა გადასწვეს, თვით რკინისგზა გააფუჭეს და სხვა. სამაგიეროდ
რუსის ჯარმა და კაზაკებმა მთელი მანჯურიის კარმიდამო გადა-
ბუგეს და მცხოვრებლების დიდი ნაწილი ამოჟლიტეს.

ლიაოიანში დავრჩით ოქტომბრის ოცამდე. ჩვენი მოვალეობა
იყო სანგრების კეთება, სადარაჯოზე გასვლა და ზანდაზან სურსა-
თის მომტან ნაწილის დამცველად გაყოლა. მივეყვებოდით აგრეთვე
ჩინელ მოიჯარადრეებს 15 ჯარისკაცით. ერთმა მოიჯარადრემ
გზაში მითხრა: ამ სოფელში ბევრი ჯორია, წაართვით, მომიყვანეთ
და ფულს მოგცემო. გადავწყვიტე მომეტყუილებინა იგი, ის ქუჩი
მოიჯარადრე. გავიამხანავე ერთი უკრაინელი, მოვიპარეთ ჩვენი
მოიჯარადრის ჯორი და ვაცნობე მოიჯარადრეს წაეყვანა მოპა-

რული ჯორი. მოიჯარადრე სიხარულით ცას ეწია და 50 მანეთი წემთავაზა; მე კი 80 მანეთი ვთხოვე. ბნელოდა. ის თავის ჯორს ვერ ამჩნევდა. მეორე დღეს ჩინელი გაჯავრებული გადმომხედავდა ხოლმე, მაგრამ რას გაბედავდა! მისი ჯორი მას მიჰყავდა, ჩვენ კი 50 მანეთი ვიხელთეთ. 21 ოქტომბერს ჩვენი ათასეული ქალაქი იანსტაში გადაიყვანეს. აქედან ისევ პორტარტყრნი დაგვაბრუნეს, სადაც ვასრულებდით საგუშაგო სამსახურს.

1902 წელს, იანერის ხუთს, რუსეთისაკენ ვქენით პირი. იგივე გზა. იგივე სუბათი; მხოლოდ ინდოეთის ოკეანე დაწყნარებულნი შეგვხვდა. ამ ზამთრის თვეში პორტსაიდამდე პერანგის ამარა ვიყავით. შემდეგ კი ჯარისკაცის ფარაჯაშიც ვერ ვთბებოდით. თებერვალში ოდესაში მივედით. იგივე ყაზარმა, იგივე მეცადინეობა.

ერთ დღეს ჩვენი ათასეულიდან საუნტეროფიცრო სკოლაში გაგზავნეს 80 კაცი; ამათ შორის რამოდენიმე ქართველიც ვიყავით. ჩვენი უფროსები იყვნენ კაპ. ბაულინი და „ფელავებელი“ შჩეზბაკოვი. ბატულინი იშვიათი ადამიანი იყო: კარგი მსროლელი, გიმნასტიკის კარგი მცოდნე. შჩეზბაკოვიც კარგი თვისების კაცი იყო. გიმნასტიკაში და სკოლაში მე ბევრს ვჯობნიდი. სამაგიეროდ, თეორიულ მეცადინეობაში, რუსული ენის საკმაოდ უცოდინარობის გამო, ჩამორჩენილი ვიყავი, მაგრამ ბევრს ვმაცადინობდი და მაინც წინ მივიდიოდი. მე და მგელაძე გამოცდებზე პირველი ვიყავით, პირდაპირ ნაცვლობის სახელწოდება მივიღეთ და ჩვენს ასეულში დავბრუნდით.

სკოლაში გამართულ შეჯიბრში პირველი ჯილდო მივიღე. ერთხელ საზაფხულო ბანაკში ტანთვარჯიშობა გაჰართეს. შეჯიბრს ოდესის მთელი არმია დაესწრო. შეჯიბრში მეც ვიღებდი მონაწილეობას. ჩემი ჯგუფიდან მე პირველმა მივალწიე დანიშნულ ადგილზე. ქება დავიმსახურე, ესტრადაზე წარჩინებულ პირებთან მიმიყვანეს; გენერალ-პოლკოვნიკმა საჯაროდ შემაქო, როგორც ქართველი და ჯილდოდ მომცეს 80 მანეთი.

კურსკის გუბერნიაში ტარდებოდა ეკრეთ წოდებული „მეფის

მანევრები“, რაშიაც ჩვენც ვიღებდით მონაწილეობას. ჯარი ორად გაჰყვეს. ერთ ნაწილს თვით მეფე ნიკოლოზი ხელმძღვანელობდა, მეორეს კი დიდი გენერალი (გვაჩი აღარ მახსენდება). მთელი გზებრნია შემოკვარბენინეს, მოსამკალი ყანები სულ გავანადგურეთ. გლეხები თმას იგლეჯდნენ ყანების გაოხრებისათვის, მაგრამ ყურადღებას არავენ აქცევდა მათ; თუ რამეს გაბედავდნენ, ამათრახებდნენ კიდევ. მანევრებმა ძლიერ დაგვქანცეს და ცოცხალ-მკვდარი ოდესაში დავბრუნდით.

1902 წელს გიორგობის თვეში ორი თვის წებულება მომცეს. შევიკერე ახალი ტანთსაცმელი და გურიაში მიველი მოსირმული მუნდირით და მკერდზე სხვა და სხვა ჯილდოთი. მწობლებმა და ნათესაებმა დიდი სიყვარულით მიმიღეს.

წებულების დათავების შემდეგ ისევ ოდესაში გავბრუნდი და სამსახური განვაგრძე. ერთგული და წესიერი სამსახურისათვის წარჩინება მივიღე. ხელქვეითებისათვის სასტიკი ვიყავი, მაგრამ უსამართლო — არასდროს. მაგალითად. ქურდობისათვის ვსჯიდი, ოღონდ სასამართლოში არ ვაძლევდი. ერთხელ ჩემი ხელქვეითი ვილაც ოფიცერმა გამილახა. ოფიცერს თოფით გავეკიდე. ხიშტზე ღნდა წამომეგო. ამისთვის პასუხისგებაში მიმცეს. ჩემი უფროსები რომ არ დამხმარებოდნენ, ჩემი საქმე ცუდად გათავდებოდა. ყაზარმიდან სასაიეროდ იშვიათად გავდიოდი, საგუშაგო სამსახურს სასტიკად ვასრულებდი; ამიტომ „სლუჟებისტს“ მეძახდნენ.

სამსახურის უკანასკნელი დღეები ძალიან ნელა მიდიოდა, ჩვენ კი სამშობლოში დაბრუნება გვეჩქარებოდა.

ოდესაში მუშათა დიდი გაფიცვა მოხდა. გაფიცვის ჩასაქრობად ჩვენ მიგვიყვანეს; გენერალ კულბასოვმა სიტყვით მოგვმართა და თან გვიბრძანა: მოლაღატეებისათვის თოფიც გვესროლა, თუ საჭირო იქნებოდა. ჩვენმა ჯარმა მუშების წინააღმდეგ სროლაზე უარი განაცხადა, რის წემდეგ გაფიცულებს კაზაკები მიუსიეს. ჩვენ კი სასჯელად ერთი თვით კაზარმებში ჩაკეტვა მოგვისაჯეს.

გავიგე, რომ ოდესის უნივერსიტეტში ჩემი დეიდაშვილი, მიხაკო ზევეარდნაძე სწავლობდა. ნათესავ სტუდენტს ვეწვიე; მან მაშინვე პოლიტიკაზე ჩამომიგდო ლაპარაკი: აძაგებდა მეფეს და არსებულ წყობილებას. მე ვთხოვე, ჩემთან მეფის ძვირი არ ეთქვა. მაშინ თავი მონარქისტად მომქონდა; ისიც მომერიდა და საუბარი სხვა საგანზე გადაიტანა.

მწიფობისთვის ბოლოს სამსახური გავათავე და 17 ქართველი მუსიკით ოდესის ნავთსადგურამდე მიგვაცილეს და ბათუმისაკენ ვავემგზავრეთ. ამ დროს რუსეთში და ამიერკავკასიაში დიდი რევოლუციური მოძრაობა იყო. კავკასიის მოძრაობაში ბათუმის მუშები მოწინავე როლს ასრულებდნენ. მე მაშინვე დამიწყეს ქადაგება ახალი იდეისა, მაგრამ არ მომწონდა. რადგან მოქადაგენი მეფეს ცუდად იხსენიებდნენ. ბათუმიდან ჩემ სოფელს წავედი. იგივე სიხარული და ქეიფი! ქრისტესშობის თვეში გადავწყვიტე მემუშავა რკინის გზაზე, ამიტომაც შევედი თბილისის რკინის გზის სასწავლებელში. სამ თვეში გამოცდები დავიჭირე და ბაქოში გამგზავნეს. ვმუშაობდი საბარკო მატარებლის კონდუქტორად ბაქოდან აჯიკაბულამდე. მაშინ რკინის გზის მუშაობა ცუდ პირობებში გვიხდებოდა, განსაკუთრებით კონდუქტორებს; გადაუხურავ ვაგონზე მუხრუჭთან ჯდომა იწვევდა გაცივებას და მძიმე ავადმყოფობასაც. უბრალო საქმე იყო მუხრუჭთან კონდუქტორის სადგომის გადახტვა, მაგრამ თავს ამის გამო არავინ იწუხებდა.

ჩემი ამხანაგების უმეტესობა პოლიტიკურ მუშაობას ეწეოდა; მე პოლიტიკის არაფერი გამეგებოდა; ამიტომ მათგან განზე ვიდექი. შემდეგ დავიწყე პოლიტიკური წიგნაკების კითხვა; ვკითხულობდი გაზეთ „ისკრა“ს. რომელიც საზღვარგარეთიდან შემოდის; ვცნობობდი არა ლეგალურ პროკლამაციებს, ვესწრებობდი ბაქოს მუშების დემონსტრაციებს, რაც ისე ხშირი იყო იმ ეამად.

ერთ მხარეზე იყო მშრომელი ხალხი, მეორე მხარეზე იდგა მეფე თავისი პოლიციით, შეიარაღებული ჯარით, ჯვარით ხელში

და მუსრს ავლებდა მუშა ხალხს კანონიერი მოთხოვნებისათვის: ასახლებდა, გზავნიდა კატორღაში, ალპობდა ციხე-ციმბირში; სამღვდელეობა ამ ძალმომრეობას ლოცვა-კურთხევას უკზავნიდა. დავრწმუნდი, რომ ხდებოდა ცხადი უსამართლობა — სიმაჴთლე მშრომელი ხალხის მხარეზე იყო.

გადავწყვიტე შევსულიყავი რევოლუციურ ორგანიზაციაში და 1904 წლის ნოემბერში კიღევაც შევედი ბაქოს რკინის გზის სოციალ-დემოკრატიულ ორგანიზაციაში. რეკომენდაცია მომცა ახალგაზრდა ნიგოითელმა გოგეშვილმა.

მახსოვს, ერთ-ერთ კრებას დაესწრო პარტიის ორმოცი წევრი; მათ შორის პროპაგანდისტი „მიშა“ (ებრაელი), რომელმაც მოხსენება გააკეთა თანამედროვე მომენტზე. შემდეგ კრებებზე კი დალიოდნენ: ისიდორე რამიშვილი, პავლე საყვარელიძე, დავით ღამბაშიძე, სეით დევედაზიანი, ძმები შჩენდრიკოვ, ალიოშა ჯაფარიძე და სხვანიც. მე ახალ მოღვაწე-მოციქულებს დიდი სიყვარულით ვეპყრობოდი და თვითეულ მათ სიტყვას გულდასმით ვუსმენდი. მინდოდა დამემსახურებინა მათი ყურადღება ჩემი ერთგულობით.

1905 წელში რევოლუციურმა მოძრაობამ იმატა, რასაც ხელი შეუწყო რუსეთ-იაპონიის ომმა და ამ ომში რუსეთის დამარცხებამ. 1905 წლის თებერვალში ამიერკავკასიის რკინის გზის დიდი გაფიცვა მოხდა. საქმე ძლიერ გამწვავდა. ერთ-ერთ კრებაზე გადაწყდა რამოდენიმე პროვოკატორ-ჯაშუშის თავიდან მოცილება. ამ საქმის გამო შევიკრიბეთ ხუთი კაცი; ტერორისტული გეგმა უნდა შეგვემუწავებინა; მაგრამ ჯაშუშებმა გაგვცეს და საღამო ეამს პოროხოვის ქუჩაზე ჟანდარმერიამ და კაზაკების რაზმმა ალყა შემოგვარტყა. ჩვენ იაზალი თან არა გვქონდა, ამიტომ დავნებდით. ჩვენთან ერთად დააპატიმრეს: ვახტანგაძე, ბერეჟიანი, ფუტკარაძე და სხვ. ჩაგვსვეს ბაილოვის ციხეში. პოლიტიკურ ტუსალებს შედაებით კარკად ეპყრობოდნენ; ჩვენს კამერებს სისხლის სამართლის დამნაშავეებს ასუფთავებინებდნენ; საქმელსასმელსაც ისინი გვიზიდავდნენ. ჩვენთან ერთად იჯდა სხვა და სხვა პარტიის წევრი. ჩვენთან

ერთად იყო ცნობილი სეით დევდარიანი; ფაქტად ნიჭიერი და მეტად კარგი ადამიანი. რომელიც დიდი ავტორიტეტით სარგებლობდა; სხვათა შორის იგი ლექციებსაც გვიკითხავდა ტუსალებს. ამ დროს პეტერბურგიდან ბაქოს ჩამოვიდა სენატორი კუზმინი. მან ტუსალებს ყველაფერი გამოგვიკითხა და დახმარება აღვვითქვა.

ციხეში რეჟიმი მძიმე იყო. დღეში ერთხელ გვიშვებდნენ სასეირნოდ; ვთამაშობდით გიმნასტიკას, თოკზე მალლა ხტომას და სხ. მე ისე მალლა ვხტებოდი, რომ ციხის უფროსმა ორი გუშაგი მომიჩინა იმის შიშით, რომ ციხის გალაყანაზე არ გადახტეს და არ გაიქცესო!

45 დღის შემდეგ განმათავისუფლეს და აღდგომის დღე მეგობრებში თავისუფლად გავატარე. ციხიდან რომ გამოვდიოდი, მაშინ დავიფიქვე: აქ აწი ცოცხლად ვერ მომიყვანებენ-მეთქი. ციხის კედლებში ჩემი სული არ ეტეოდა, სუნთქვა მიჭირდა, ჰაერი არ მყოფნიდა.

განთავისუფლების შემდეგ ისევ რკინის გზაზე დავიწყე მუშაობა. კონდუქტორების მეტი ნაწილი ქურდობდა, მიჰყავდათ უბოლეთო მგზავრები, სტეხდნენ ვაგონებს და იპარავდნენ საქონელს. ერთხელ აჯიქაბულში, დასასვენებელ სახლში, კამის დროს ჩემმა ამხანაგმა კალიაევმა ფული მომაწოდა და მითხრა — ეს ფული გერგო დღეს უბილეთოდ რომ მგზავრები წაიყვანეთო! მე ძლიერ გავბრაზდი და ვუყვირე — ვის უბედავ შენ ნაქურდალის შეძლევას?! მე მას ცხელი წყლით სავსე ჩაიდანი თავზე დავარტყი, ცხელი წყალი მას თავზე გადაევლო და საავადმყოფოში წაიყვანეს იგი. კალიაევმა საჩივარის აღძვრა ველარ ვაბედა, რადგან მე მას ქურდობას დავუმტკიცებდი.

სოც.დემოკრატიულმა ორგანიზაციამ დამავალა: ბაქოდან აჯიქაბულამდე არა ლეგალური ლიტერატურის გავრცელება, რის შესრულებას ენერგიულად შეევუდექი.

ბაქოს დებოში ერთი ჯაშუსში, გვაზად ვანოესკი აშკარად მო-

ქმედებდა. გადაწყდა მისი მოკვლა. ამ მიზნით მას ბალახანის ქუჩაზე შეხვდა შეიარაღებული კ. იმედაშვილი, მაგრამ რევოლვერმა უმტყუნა და ვანოვსკი სიკედილს გადაარჩა. ჯაშუღი შიშით მიწაზე გაიშხლართა.

ბაქოს რკინის გზის რაიონში ხელმძღვანელ რევოლუციურ როლს თამაშობდნენ ნიკიჩა ვარდოიანი, სოლომონ ყაზბეგი, ძმები შალვა და ნოე რამიშვილი. ძმები ვაშაიძე და სხ. ხშირად იმართებოდა კრება, დემონსტრაცია, მანიფესტაცია.

1905 წელს, გაზაფხულზე რევოლუციური მოძრაობა თანდათან იზრდებოდა. იმა წლის 17 ოქტომბერს მეფის მთავრობამ გამოცხადდა მანიფესტი, რომლითაც მეფე მთელი იმპერიის ხალხს თავისუფლებას პირდებოდა. რევოლუციურ მეთაურებს მეფის რეჟიმის არაფერი სჯეროდათ და ამიტომ ისინი ხალხს მეფის ჩამოსაგდებად მოუწოდებდნენ. ამ მიზნით ბაქოში გაიმართა დიდი მანიფესტაცია, რომელშიდაც მონაწილეობა მიიღო ორასი ათასზე მეტმა კაცმა. დემონსტრანტები გენერალ-გუბერნატორის სასახლისაკენ ვაემართნენ, გამოითხოვეს გუბერნატორი გენერალი ფადეევი. გამოვიდნენ ორატორები და მეფის რეჟიმი მიწასთან გაასწორეს. ფადეევი მოღობურალო კაცი იყო; მან დემონსტრანტებს უთხრა — შეილებო! რაც თავისუფლება მოგენიქათ, ღმერთსა ვთხოვ, ის რიგიანად მოგენმართოთ! გენერალ-გუბერნატორს მოსთხოვეს გაელო ციხის კარები და ყველა პატიმარი გაენთავისუფლებინა. პატიმრების განთავისუფლებაზე გენერალ-გუბერნატორმა უარი განაცხადა, განსაკუთრებით სისხლის სამართლის დამნაშავეების შესახებ. განრისხებული ხალხი ციხისაკენ წავიდა, რათა ტუსაღები ძალით გაენთავისუფლებინათ. მოწინავე რევოლუციონერები შეიარაღებული წინა რიგში ვიყავით. საათის ოთხზე ბაილოვის ციხეს მივადექით. აქ კი პოლიცია და სალიანის ათასეული გადაგველობა. წრე მაინც ვაეაღვიეთ და ციხეს მივადექით. გუბერნატორმა მდგომარეობას ანგარიში ვაუწია და ციხის კარი გააღებინა.

ამ გამარჯვებამ დიდი სიხარული გამოიწვია. მაგრამ, როგორც შემდეგ გამოირკვა, გუბერნატორს არ გაენთავისუფლებინა გაბო

ხუნდაძე. ამან ხალხი ისე ააღელვა, რომ ისევ ციხეზე მისვლა ვადასწყვიტა. მთავრობამ დაპირება მოგვცა, ხეალ უაცილებლდ ვათავისუფლებთო; ხუნდაძემ კი ციხიდან წემოგვითვალა — ჩემი გულსათვის სისხლს ნუ დაღვრითო. რევოლუციონერები სამხედრო ციხისაკენაც გაემართნენ, რათა ტუსალი ჯარისკაცები გაენთავისუფლებინათ. აქ კი შეიარაღებული შეტაკება მოხდა. ორივე მხრით იყვნენ დაჭრილ-დახოცილები. გამარჯვება მაინც დემონსტრანტებს ღარჩათ და ჯარისკაცი ტუსალები გაანთავისუფლეს.

ბაქოს შეიარაღებულ რევოლუციონერებს სოც.დემოკრატიული მუშათა პარტიის „მეომარი ლაშქარი“ ერქვა. იყვნენ სხვა და სხვა პარტიის შეიარაღებული ჯგუფებიც, რომლებსაც ჩვენთან კავშირი ჰქონდათ. მე ვიყავი რკინის გზის რაიონის შეიარაღებული რაზმის მეთაური.

1903 წელს. ლონდონში, შესდვა რუსეთის სოციალდემოკრატიული მუშათა პარტიის ყრილობა. ამ ყრილობაზე თავი იჩინა ორმა მიმდინარეობამ. ერთს სათავეში ჩაუდგა ლენინი, მეორეს — პლებანოვი. ლენინი დიქტატურის მომხრე იყო. ის ამტკიცებდა, რომ მშრომელი კლასი უნდა განთავისუფლდეს დიქტატურის გზითო. პლებანოვი და მისი თანამოაზრენი კი იყვნენ მშრომელი ხალხის დემოკრატიული გზით განთავისუფლების მომხრე. ამ ნიადაგზე ატეხილმა დაეამ პარტიაში განხეთქილება გამოიწვია. ლენინმა სამი ხმით მეტი მიიღო და ეწოდა მის მიმდინარეობას „უმრავლესობა“ (ბოლშევიკი); პლებანოვს — „უმცირესობა“ (მენშევიკი). დელეგატების რუსეთში დაბრუნების შემდეგ ყველგან ვაცხოველებული კამათი გაიმართა; პარტია ორად გაიყო; ერთი ოჯახი განაწილდა.

ბაქოს მუშების უმრავლესობა მხარს უჭერდა „მენშევიკებს“.

1904 წლის ნოემბერში ვაიმართა ბაქოს რკინის გზის რაიონში კრება. მას დაესწრნენ ორივე მხარის წარმომადგენლები; ვაიმართა კამათი. მუშების დიდი უმრავლესობა მენშევიკებს მიემხრო, რამაც ბოლშევიკები ძლიერ გააბრაზა.

1905 წლის რევოლუციური მოძრაობა თანდათან გაძლიერდა. ჩვენს რაზმს კი იარაღი საკმარისი არ ჰქონდა. ზაქოს საბაზგო სადგურში მოვიდა რუსეთიდან ორი ვაგონი თოფი და ვაზნები. გავივიგეთ ეს. ორივე ვაგონი გავიტაცეთ და მთელი იარაღი შევინახეთ ყაზბეგის და ექსტავის ბინაზე. ასე ვაძლიერებდით ჩვენს შეიარაღებულ ძალას. მუშებს ვასწავლიდით იარაღის ხმაზეას; ვვარჯიშობდით ასაფეთქებელ ხელყუმბარაზე; გავდიოდით მინდვრად და ვსწავლობდით სროლას.

ჩვენს რაზმში შემოსვლას ბევრი ცდილობდა. მოხდა ისე, რომ რეკომენდაციით შემოვიდა რამდენიმე ყაჩაღი. რეკომენდაციის პირები გვეუბნებოდნენ — რევოლუციაში ყველა უნდა გამოვიყენოთო. მე პირადად ამის სასტიკი წინააღმდეგი ვიყავი, რადგან არა მრწამსდა ქურდ-ყაჩაღების რევოლუციონერობა. მიუხედავად ამისა, ათი, არა საიმედო, შეიარაღებული ყაჩაღი, ნესტორ სურგულაძის მეთაურობით, შემოყვანილ იქმნა ჩემს რაზმში. ეს ყმაწვილები მუუბნებოდნენ — თუ გამოსვლები იქნეს. მაშინ ჩვენ. სადაც ხაზინა არის, იქით გაგვავაზავნეო. მე ამათგან დიდი ნაწილი მალე მოვიშორე თავიდან.

ზალახანის რაიონში მეფის აგენტებმა მოჰკლეს მოწინავე მკ.შა, გვარად მონტინი. იგი იყო თბილისელი და ამიტომ ვადაწყდა მისი თბილისში დასაფლავება. ნოემბრის ბოლო რიცხვებში. საკუთარი მატარებლით, 30 შეიარაღებული რაზმელით და დელეგატებით ბაქოდან თბილისს გავემგზავრეთ. მატარებელი წითელი დროშებით იყო მორთული. ყველა სადგურზე ხალხი გვხვდებოდა და თანაგრძნობის სიტყვებს წარმოსთქვამდნენ, იხსენიებდნენ ზიჯლით მონტინის მკვლელებს და მეფის რეჟიმს. დილის 10 საათზე ნავთლულის სემაფორასთან გაგვაჩერეს. ალყა შემოგვარტყა კახაკების ასეულმა და ჟანდარმებმა. მატარებელი გაჩედან დაათვალიერეს. უფროსმა მატარებლის დანიშნულება გვკითხა. თურმე თბილისისათვის ეცნობებინათ — წითელი მატარებელი მოდისო! ჩვენთვის წინააღმდეგობა არ გაუწევიათ და თბილისის სადგურზე შევედით 11

საათზე. იქ დაგვხვდა ზღვა-ხალხი, დროშებითა და გვირგვინებით. წარპოითქვა მრავალი სიტყვა. ქართულად სიტყვა წარმოთქვა ვლასა მგელაძემ. მისმა მგრძნობიარე სიტყვამ დამსწრეებში ლელვა და ქვითინი გამოიწვია. კუბო ხელით აიტაცეს და პირველად ნაძალადევის რაიონში გასწიეს, რადგან იქ მუშების უმრავლესობა გვეგულეობდა. პროცესიას წინ ჩვენი შეიარაღებული რაზმი მიუძღოდა, შემდეგ მოჰქონდათ გვირგვინები, მერმე მოასვენებდნენ ცხედარს და უკან ზღვა-ხალხი მოდიოდა. ნაძალადევიც ბევრი სიტყვა წარმოითქვა. იქ დაგვხვდა ისიდორე რამიშვილი და ათასამდე შეიარაღებული რევოლუციონერი, სილიბისტრო ჯიბლაძის მეთაურობით. მონტინის კუბოთი მთელი თბილისი შემოვიარეთ. შემდეგ იგი მივასვენეთ მისი მოხუცი დედის სახლის წინ. დედა მისი მივიდა მოკლული შვილის კუბოსთან, ეამბორა ვაცივებულ მკვდარს და უთხრა — არ გტირი, შვილო!

მონტინი მიწას მივაბარეთ და ისევ ბაქოსაკენ გავწიეთ. ბაქოში მე ჩემი რაზმის წრთენა განვაგრძე. ბაქოს მთელ მიდამოებში გაჩაღდა რევოლუციური მუშაობა. მეფის ხელისუფლება ათას ხრიკს მიმართავდა ამიერკავკასიაში ერებს შორის შუღლის ჩამოსაგდებად და ხშირად შედეგსაც აღწევდა. მეფის „ოზრანკამ“ შესძლო შუღლის ჩამოგდება სომხებსა და თათრებს შორის, რაც ხოცვა-ჟლეტამდე მივიდა. ქართველები შუამავალის როლში გამოვიდნენ, რამაც არა ერთი და ორი ჩვენი ამხანაგი იმსხვერპლა. რკინის გზის რაიონში შემოიხიზნა მრავალი სომხის ქალი და ბავშვი, რომელთაც ჩვენი რაზმი იცავდა. თათრის შეიარაღებულმა ძალამ ჩვენზე იერიში მოიტანა; ჩვენ მას მოციქულები მივუგზავნეთ და ისინიც უკან გაბრუნდნენ.

1905 წლის ქრისტესშობის თვეში მოსკოვიდან და პეტერბურგიდან სამწუხარო ამბავი მოვიდა — დამარცხდა რევოლუცია, გაიმარჯვა რეაქციამ! მთელს რუსეთში გამოცხადდა სამხედრო წესები, ბაქოში კი საალყო წესები. შეიქნა რევოლუციონერების დაპატმრება. ხოცვა-ჟლეტა; რკინის გზის მუშები სახაზინო ბინებიდან

გამოაძევეს, სატუსალოები მოწინავე პირებით გაივსო. მთელი რუსეთი გლოვის ტიჩილმა მოიცვა; მეფის აგენტები არაფერს არ ინდობდნენ. გადაწვევით გადავსულიყავით არა ლეგალურ მდგომარეობაში.

ბაქოს სოც.-დემოკრატიულმა ორგანიზაციამ დაადგინა: ჩამოგვერთმია ჩვენი მხედრებისათვის იარაღი და საიმედო ადგილას შევვენახა. მოვიწვიე რაზმელები და გადავეცი ორგანიზაციის დადგენილება. მათ მე მოუწოდე გაეწიათ ანგარიში დადგენილებისათვის და იარაღი მოეტანათ. რომ მაგალითი მიმეცა სხვებისათვის, ავიყარე იარაღი და მაგიდაზე დაეწვეე. რაზმის ნაწილი არ მოელოდა რომ მე ამ დადგენილებას დავემორჩილებოდი და იარაღს ავიყრიდი. უმრავლესობამ იარაღი ჩამაბარა. ნაწილმა უარი განაცხადა განიარაღებაზე — გამოცხადდნენ პოლიციაში და თქვეს, თუ ვინ მისცა მათ იარაღი. ნაწილი ავაზაკად გაიქრა და ძარცვა-გლეჯას მიჰყო ხელი. გადაწვევით ზომების მიღება მათ წინააღმდეგ. ვინც ბაქოში დარჩა, ისინი განვითარდნენ.

ჩვენი რაზმი ინტერნაციონალური იყო: ქართველები, ებრაელები, სომხები, თათრები, ჩერქეზ-ლეკები და სხვ. დაგვიწყეს სასტიკი დევნა, რის გამო ბევრი რაზმელი ბაქოს მოშორდა. მოეშორდი მეც რკინის გზის რაიონს და გადავსახლდი ქალაქის რაიონში. კამენსტის ქუჩაზე, სადაც რვა ამხანაგი ცხოვრობდა. მათ შორის ორი რუსი ქალი, კატა და ანა. ეს უკანასკნელი შესანიშნავი ორატორი იყო.

სწორედ იმ ხანაში ებრაელი იაკოვლევი გაპროვოკატორდა და ბევრი ჩვენი ამხანაგი გასცა. იაკოვლევი მეტად ლამაზი შესახედავი იყო, კარგი მოსაუბრე და განათლებული. საჭირო გახდა მისი თავიდან მოშორება და ეს გადაწყვეტილება იქმნა მიღებული.

ერთ საღამოს ის ჩვენ ბინაზე მოვიდა და ყველა დაგვათვალერა. უკვე საღამო იყო, როცა გამოვვემზვიდობა. მე უკან გავყევი. ტრამეის რომ მიუახლოვდა, ნაცნობ ქალს შეხვდა და ლაპარაკი დაუწყო. იქვე ახლოს პოლიციელები იდგნენ მაუხეზით შეიძრადე-

ბული. მიუხედავად ამისა, მე მას მაინც ვესროლე და პროვოკატორი მიწაზე უსულოდ დაეცა. პოლიციელები დაიბნენ, მე კი ჩემს ბინაზე დავბრუნდი, საიდანაც მაშინვე სხვა ბინაზე გადამიყვანეს.

რკინის გზის რაიონში დაატუსაღეს სოციალისტების მეთაურები: მიკიჩა ვარდოიანი, სოლომონ ყაზბეგი, სპროგე, მამულაიშვილი. ილ. ყენია, ლ. შჩედრიკოვი, ნიკო ბერეჟიანი და სხვ. მოხდა დაპატიმრება სხვა რაიონებშიაც. ქალაქის რაიონში დააპატიმრეს ცნობილი ანდრია ვიშინსკი. ყველა გადასცეს სასამართლოს; გასამართლება მოხდა 1906 წლის მარტში; დამცველებად მოწვეული იყვნენ პეტერბურგიდან ვეჭილები; მათ შორის ცნობილი სოკოლოვი. მიუხედავად იმისა, რომ მე სასიკვდილოდ დამდევდნენ, პროცესს მაინც ვესწრებოდი. ბრალდებულთა მეტ ნაწილს ციმბირს გადასახლება გადაუწყვიტეს. დანარჩენები კი გაანთავისუფლეს, მათ შორის ანდრია ვიშინსკიც.

ამ რაიონში მუშაობის დროს მე გავეცანი ანდრია ვიშინსკის, ძმებ პოდოლსკებს, პ. საგატელოვს, ალიოშა ჯაფარიძეს, დავით დამაშიძეს და ყველა სხვა აქტიურ მომუშავეს. მაშინ სამხედრო ორგანიზაცია მენშევიკებსა და ბოლშევიკებს ერთად გვექონდა, მაგრამ წემდეგ ერთმანეთს დავშორდით ზაზინის ექსპროპრიაციის საქმის გამო.

ანდრია ვიშინსკი ნიჭიერი ორატორი და განათლებული იურისტი იყო. მისი მშობლები საზოგადო მოღვაწენი იყვნენ და მათ საზოგადოებაში კარგი სახელი ჰქონდათ; მისი უმცროსი ძმა კოლია იმ დროს სტუდენტი იყო. ანდრიას მეუღლე კაპიტალინა ისიდორეს ასული მასწავლებელი იყო; ვიშინსკის მამას აფთიაქი ჰქონდა. ანდრიას ოჯახი იყო რევოლუციონერების სულის ჩამდგმელი, დევნილების და გაკირვებულების დამხმარე. ვიშინსკის მეთაურობით მოწვეულ იქმნენ რვა რაიონის სამხედრო ხელმძღვანელები. არჩეულ იქმნა სამხედრო შტაბი ხუთი კაცისაგან შემდგარი. სოც.დემოკრატიული ორგანიზაციის მხრივ შტაბის ხელმძღვანელად დაინიშნენ: ის. რამიშვილი და ანდრია ვიშინსკი; ტექნკურ ხელმძღვა-

ნელად: პ. საგატელოვი, ფინანსებისა — ივ. კარჩევსკი და სამხედრო საწყობების უფროსად — მე.

მიუხედავად სუსხიანი რეაქციისა, ჩვენ მაინც ვახერხებდით სამხედრო მუშაობას ყველა რაიონში.

1906 წელს თბილისიდან ბაქოში გვეწვია ვლასა მგელაძე, რომელიც მაშინვე შტაბში მივიწვიეთ. ვლასა დახელოვნებული იყო ყუმბარების და ასაფეთქებელი ნივთიერების დამზადების საქმეში; მას თან ჩამოჰყვა ყუმბარების სპეციალისტი კაკო. მოსკოვიდანაც ჩამოვიდა ამხანაგი ზაალი და შევეუდექით ყუმბარების მზადებას.

ერთხელ ვლასა წაიყვანე რკინის გზის რაიონში ერთი სომხის ოჯახში, სადაც თოფებისა და ბომბების საწყობი გექონდა. დავიწყეთ იარაღის წმენდა და ბომბების მოწესრიგება. მუშაობა გაერთავეთ ღამის ათ საათზე და გამოვედით ქუჩაში. ცოტა გავიარეთ თუ არა, მოულოდნელად ვარს შემოგვერტყა ექვსი შეიარაღებული პოლიციელი; გვიბრძანეს ხელების აწევა. მე მაუზერი პალტოს ქვეშ მქონდა, ვლასა კი უაიარალოდ იყო. პოლიციელს, რომელსაც თოფი ჩემს მკერდზე ჰქონდა მობჯენილი, ხელი ავკარი, წინ გავწიე და მაუზერის ამოღება დავიწყე. თან ვყვიროდი: 17 ოქტომბრის მანიფესტის ძალით უფლება არა გაქვთ გამაჩეროთ-მეთქი! უეცრად ვიძვრე მაუზერი, ამოვეფარე ელექტრონის ბოძს და გავხსენი ცეცხლი. ერთი პოლიციელი სასიკვდილოდ დაიჭრა, ორი მძიმედ, ერთმა კი გაქცევით თავს უშველა.

ქალაქში საალყო წესები იყო გამოცხადებული; თოფის ხმაზე ჯარი და პოლიცია ჩემსკენ გამოემართა. მე კი ჩემი სამხედრო ჯვარმენდლები მკერდზე დავიკიდე და მათთან მივედი. ჯვარმენდლები როცა დაინახეს, მორიდებით მკითხეს — თუ ვინ ისროდა. მათ მე გაჯავრებით ვუთხარი: იქ მთვრალი ხალხი თოფს ისვრის. წესრიგს არღვევს და თქვენ რატომ ყურადღებას არ აქცევთ!

ისინი სროლის ადგილისაკენ გაეშურნენ, მე კი მშვიდობით ბინაზე დავბრუნდი. იქ ვლასა დამხვდა მეტად აღელვებული — თურმე მე მას მოკლული ვეკონე! გახარებული გადამხვია და მო-

მიყვა, თუ როგორ შეშინდნენ პოლიციელები სროლაზე და როგორ მიატოვეს ის.

ცხადია, მალულად ბომბების კეთება ძვირი ჯდებოდა; ამასთანავე ძნელიც იყო. ამიტომ მივეცი წინადადება შტაბს: დაგვემზადებინა ყუმბარები სხვა გზით, პირდაპირ ქარხანაში. შტაბმა მიიღო ჩემი წინადადება და დაძაველეს მისი სისრულეში მოყვანა. მე მაშინათვე შევუდექი მზადებას. ვიშოვნე ხუთი ამხანაგი მუშა, მცოდნე ყუმბარების ჩამოსხმისა და 1906 წლის თებერვალში, 30 რაზმელით ქარხანა „პრომეთეს“, მუშაობის შემდეგ, ალყა შემოვარტყი. ქარხნის პატრონი და ადმინისტრაცია დავაპატიმრე; ავამუშავეთ საჭირო მანქანები და სპეციალისტები მუშობას შეუდგნენ. ჩამოვასხით 70 ფუთი ყუმბარა. მოღელი მზად გვქონდა 5, 8 და 10 გირვანქიანი ბომბებისა.

გათენებისას მუშაობა გავათავეთ; ყუმბარები საიდუმლო ბინაზე გადავიტანეთ — იოსებ რაზმაძის და ერთი სომეხის ოჯახში. იოსები შეშინდა, მაგრამ მისი ცოლის დახმარებით საქმე კარგად მოეწყო. აქედან ეს ყუმბარები შემდეგ უფრო საიმედო ადგილას გადავიტანეთ, ქალაქის რაიონში.

საჭირო იყო დამზადებული ყუმბარების შემოწმება. გადავწყვიტეთ მათი გასინჯვა ქალაქ ბაქოს სამხრეთით „ვოლჩი ეოროტა“-ის მიმართულებით, ქალაქიდან ოთხი ვერსის მოშორებით — ტბის პირას. ვიშოვნე საიმედო მეეტლე და გავწიეთ დანიშნულ ადგილისაკენ. ჩვენ ოთხი ვიყავით: მე, კაკო, მანჯური და ბარამიძე.

დილის 11 საათზე უკვე დანიშნულ ადგილზე ვიყავით. დავითხოვეთ მეეტლე და საქმეს შევუდექით. ვისროლეთ ოთხი ყუმბარა; ოთხივე კარგად გასკდა; მეხუთე კი არა. გადავწყვიტე ყუმბარასთან მისვლა და ხელახლა გადასროლა. ამხანაგები მიშლიდნენ, რადგან შესაძლებელი იყო ყუმბარას დავემარცხებინე. მე ჩემი არ დავიშალე, ყუმბარასთან ხოხვით მივედი და გადავისროლე. ბომბი ჰაერში გასკდა; მე მშვიდობით გადავრჩი. ჩვენ ყველა დიდად კმაყოფილი დავრჩით, რომ ნამუშევარი კარგი გამოდგა.

დავბუნდით უკან და გზის მახლობლად სადილს შევუდექით. შორიანხლო გამოჩნდნენ ვილაკეები; ბინოკლით დაეინახე შეიარაღებული ცხენოსნები ჩვენსკენ მოდიოდნენ. მივიღეთ საჭირო თადარიგი, თუ გამოირკვეოდა, რომ ჩვენთან მოდიოდნენ. „მანჯურია“ შესახებდავად ყარამან ყაფლანს მოგაგონებდა. მაგრამ შეშინდა და მითხრა — რამდენიმე წუთის შემდეგ იქნებ ცოცხალი არ ვიქნეთ და შენ კი ჭამასმის ხასიათზე ხარო! ცხენოსნები მოგვიახლოვდნენ და ჩვენსკენ გადმოუხვიეს. ცხადი იყო, ვილაკამ გაგვცა. ცხენოსნებს მაუზერიდან ტყვიები დაეყარეთ და ექვსი კაცი ცხენიდან გაუმოყარეთ; დანარჩენებმა უკან მოჰკურცხლეს. დაიჭნენ ცხენებიც.

ჩვენ გაეწიეთ ჭალაქისაკენ; უკან დახევა აღარ შეგვეძლო, რადგან ოთხი ვერსი ტრიალი მინდორი უნდა ვაგვერბინა, თან უკან დიდი ტბა გვექონდა. ამიტომ გაეწიეთ წინ; ცოტა მოშორებით შევეჩხებეთ 150 ქვეით ჯარს, რომელმაც სროლა აგვიტეხა. „მანჯურია“ სელიდან გაგვიძვრა და სადღაც მიიმალა. ბარამიძემ ნიშანში ჯარის უფროსი ამოიღო, რომელიც ცხენზე იჯდა და კამანდრობდა. ბარამიძის ტყვიამ დანიშნულებას მიაღწია და ჯარის უფროსი ძირს დაეცა. მოკლულ იქნენ ჯარისკაცებიც. მე დავიჭერი ფეხის კუნთში; ქრილობა ღრმა იყო, მაგრამ შეტევისათვის თავი არ დაგვინებებია. ჯარმა მიატოვა პოზიცია და უკან გაბრუნდა. ვისარგებლეთ ამით და სომხის სოფელში შევირბინეთ, მაგრამ უფრო ცუდ მდგომარეობაში ჩავცვივდით. ყველა სახლიდან გვესროდნენ სომხის რაზმელები. იმათ ჩვენ თურმე თათრები ვეგონეთ. აქ კაცია დაიჭრა მკლავში; სროლას ჩვენ სწოლით ვუპასუხეთ. აქედან ძლიერ ძლიეობით გამოვედით ბალახანის ქუჩაზე, ლევენსონის ქარხანასთან. ამ ქარხანაში ჩვენი რაზმელები მუშაობდნენ; მათ ჩვენ ყაჩაღები ვეგონეთ და სწოლა დაგვიწყეს. შემდეგ კი გვიცნეს და დახმარება გაგვიწიეს.

ამ დროს გამოჩნდა ეტლი, რომელშიც ქარხნის გამგე იჯდა; ჩვენ მას ჩაუუჯექით ეტლში, თუმცა ის ძლიერ შეშინებული იყო. ცოტა გავიარეთ თუ არა, შეგვეფეთა ათი პოლიციელი და გაჩერება გეთხოვა. ჩვენ მაშინვე გადმოვხტით და საფარში ჩავეჯექით.

პოლიცია რკინის გზის ნაწილიდან იყო. მათი უფროსი ოსი მე მიცნობდა და ჩემთვის სიტყვა ჰქონდა მოცემული, რომ არსად არ შემხვდებოდა. როგორც კი ოსმა დამინახა და მიცნო, პოლიციელები მან სხვა მიმართულებით წაიყვანა და გზა მომცა გავსულიყავი.

ბრძოლის დროს ბარამიძე სხვა მიმართულებით წავიდა; მე და კაკომ რკინის გზის მიმართულებით გავწიეთ, მაგრამ აქ უარეს საფრთხეში ჩავარდით.

თბილისიდან ბაქოში ჩამოსულიყო რკინის გზის დიქტატორი, ვინმე გენერალი, რაღაც საქმეებისა გამო. მთელი სადგური უნდარმებით იყო გავსილი და შეკრული. ჩვენ ბრძოლის თავი აღარ გვექონდა, ვაზნებიც ცოტა დაგვრჩა. თან ყველას ყურადღება სროლისაკენ იყო მიპყრობილი. მე ხერხს მიემართე. კაკოს მკლავი მკლავში გამოვდევი და ცოტა წავილილინეთ. უნდარმებმა ყურადღება არ მოგვაქციეს. იქვე ერთი ჩენი რაზმელი, მემანქანე მანევრებს აკეთებდა. მან ჩვენ მაშინვე ორთქლმავალში აგვიყვანა და „შავ ქალაქთან“ გადმოგვსხა.

სროლა ისმოდა. როგორც სჩანდა, პოლიცია ბარამიძეს ესროდა. მისთვის ჯარისკაცებს თავი ქვით გაეტეხათ; მას კი რვა კაცი მოეკლა. ცოცხალ-მკვდარი ბარამიძე საავადმყოფოში წაიყვანეს. საათის ოთხზე მივედი: პარაპეტაზე ექიმ შტეინთან. ქრილობის შეხვევის შემდეგ მოვამზადე რაზმი და სალამოს საავადმყოფოს ვესტუმრე. კართან მდგომ პოლიციელს იარაღი ავყარე. გამოვიდა მაშინვე ფერშალი დოლიძე, რომელიც ჩენი ამხანაგი იყო, და გამოვიცხადა: ბარამიძე უკვე გარდაიცვალაო. დამწუხრებულნი უკან გამოვბრუნდით. მეორე დღეს ჩენი ამბავი ბაქოს გაზეთებში იყო აწერილი.

მოთხრობილი ამბავის შემდეგ ვორონცოვის ქუჩაზე შემხვდნენ ისიდორე რამიშვილი და გიორგი ცინცაძე. მათ მოხოვეს წაგვიყვანეო კარგ აბანოში, კარგ მექისესთან. ისიდორე სულ თბილისელი მექისეების ქებაში იყო! თხოვნა შევუსრულე. მექისე გავაფრთხილე, რათა მას კარგი მასაჟი გაეკეთებინა.

ბაქოელი მექისე თავისი მოვალეობის შესრულებას შეუდგა. ჯერ კარგად გასაპნა ისიდორე, მაგრად დაზილა, შემდეგ ფეხებით შედგა მის ზურგზე, მაგრამ გასაპნული ფეხები დაუცდა ცემენტზე და ეს ვეებერთელა კაცი მთელი თავისი სიმძიმით ისიდორეს ზურგზე დაენარცხა. ერთი კი დაიყვირა ისიდორემ — მომკლა ამ ოჯახს დაქცეულმან... და გული წაუვიდა. მაშინვე მოვიყვანე ექიმი და აბანოდან ისიდორე პირდაპირ საავადმყოფოში გადავიყვანეთ, სადაც მან ერთი კვირა გაატარა.

ისიდორე რამიშვილი მე ძალიან მიყვარდა; ის ყველა დიდ მიტინგზე გამოდიოდა ხოლმე და თავისი მქვერმეტყველებით დამსწრეთ ხიბლავდა. მუშები მას „პაპას“ უწოდებდნენ.

1906 წელს, ზაფხულში შეიკრიბა ბაქოს დამცველი განყოფილების უფროსის თავჯდომარეობით სამხედრო სასამართლო ჩემ და დაუსწრებლად განიხილეს ჩემი მოქმედება, გამომაცხადეს კანონს გარეშე და დააწესეს ჯილდოდ ჩემი სიკვდილისათვის: ხუთი ათასი მანეთი; ჩემი ცოცხლად დაქერისათვის კი: ათი ათასი მანეთი. დამიწყეს საშინელი დევნა. განსაკუთრებით მეძებდნენ მუშების ოჯახებში. მუშათა ოჯახებს მოვერიდე და უფრო შეძლებულთა ოჯახებს შევაფარე თავი. ორ ღამეს ერთ ადგილზე არ ვჩებოდი.

გამცემლები ჩვენ პარტიაშიც აღმოჩნდნენ. დაპირებულმა ჯილდომ სულმოკლეები მოხიბლა. მე კი თავის მაღლიან კალთას მათარებდა ყველა ეროვნების ხალხი.

იმ დროს ბაქოში მოღვაწეობდა დავით ლამბაშიძე; ის იყო ბოლშევიკურ ფრაქციაში, რომელიც მან მალე მიატოვა და გადმოვიდა ჩვენთან. მაშინ ის 22 წლის იყო, სტუდენტი, დიდი ნიჭის პატრონი; მან პირველმა მოაწყო ბაქოს მუშების შორის პროფესიული კავშირები და დიდად სახელი გაითქვა. დიდი ავტორიტეტით სარგებლობდა, როგორც უკვე აღვნიშნე; სეით დევდარიანი. კარგი სახელი ჰქონდათ ძმებ შჩენდიკოვებს, მაგრამ ბოლოს მათ საჭმე

დაიქირეს მთავრობის წარმომადგენელ გენერალ ჯუნკოვსკისთან, რისთვისაც ოპივე პარტიიდან გააიცხეს.

ერთხელ დავით ლამბაშიძე ამიტყდა და დამაჟინდა: მაყურებინე როკოპ ესერი მტერსო! მე მას აეუხსენი, ეს სახიფათო იქნება შენთვის-მეთქი. მან თავისი არ დაიშალა და ერთი სროლის დროს კინალამ მსხვერპლი არ გახდა.

ერთ სასტუმროში, პარაპეტზე, ცხოვრობდა ერთი პიროვნება, რომელსაც სიკოს ეძახდნენ. ერთხელ გავიცანი იგი და მან მითხრა: ვიცნობო კახაკების ჯარის უფროსს, კაპიტან ეზმოლოვს, რომელიც საიდუმლოდ კავკასიის ოფიცრობაში მუშაობსო. ამ კაპიტანს სურს სოციალდემოკრატიულ ორგანიზაციასთან დაახლოვებაო. ეს მე მაშინვე ვაცნობე სოც.დემ. პარტიის კომიტეტს. კომიტეტმა დაავალა ისილორე რამიშვილს ენახა ეს კაპიტანი. მე ისინი ერთმანეთს შევახვედრე. ისილორე პირველი შეხვედრით კმაყოფილი დარჩა. დანიშნეს მეორე კრება, რომელსაც მეც დავესწარი. კაპიტანმა ერმოლოვმა წარმოადგინა მოქმედების საკითხი. მან სხვათა შორის განაცხადა, რომ მოქმედებისათვის საჭიროაო ფული. მე ჩემი ჯარისკაცებით მალე დავინიშნეზი ხაზინაში დარაჯად; თქვენ გამოაწყვეთ რაზმელები, დაგვესხით თავს და ხაზინას ადვილად დაგიომობთო. ეს ჩვენ ყველას გვეუცხოვა და მტკიცე უარით ვუპასუხეთ. ერმოლოვს ეს არ მოეწონა. მან სთქვა: მე სომხების და თათრების ჟლეტის დროს ბევრი ფული შევიძინე ორგანიზაციის მოსაწყობად. მაკრამ სადაც ის ფული შენახული მქონდა, იმ სახლს ცეცხლი გაუჩნდა და ფულებიც დაიწვაო! დამწვარი ფულების ნაფლეთებიც კი გვაჩვენა და მწარედ ამოიოხრა.

ისილორე რამიშვილმა განუცხადა მას, რომ ასეთი წინადადების შემდეგ ჩვენ შორის კავშირი შეწყვეტილი იქნებაო და ერთმანეთს ასე დავშორდით.

გავიდა ერთი თვე. ერთხელ შემხვდა სიკო და მითხრა: ერმოლოვს შენი ნახვა უნდაო. მე ცოტა ეჭვი შემეპარა, მაგრამ შეხვედრაზე მაინც დავთანხმდი. ერმოლოვთან მისვლამდე სასტუმროს მო-

სამსახურე გავაფრთხილე. რათა მას სასტუმროს უკანა კარი ღიად დაეტოვებინა. მოსამსახურე ჩვენი რაზმელი იყო.

ერმოლოვმა სასტუმროს დარბაზში მიმიღო და მისალმების შემდეგ მითხრა: მე ყაჩაღებთან გავაბი კავშირი, ვაუჯაცები ისინი არიანო! შემდეგ მაჩვენა გურიაში გამოცემული პროკლამაცია, რომელშიც ეწერა: გურიაში მოდის მაზრის უფროსად მეფის ჯალათი ერმოლოვიო, რომელმაც 1905 წელს, გურიაში მრავალი სახლი გადასწვაო. მან გულისტკენით მითხრა: ჯერ არ ჩავსულვარ და როგორი ეპიტეტებით მამკობენო. მკითხა რჩევა. მე ვურჩიე: ხალხს ცუდად ნუ მოეპყრობი და არაფერი ცუდი არ მოხდება-მეთქი. ამ საუბარის დროს კაპიტანი ძალიან ღელავდა...

ვიღაც საექვო პირები დაბლა კარს მოადგნენ. ერმოლოვს დავემშვიდობე. მაუზერი ფეხზე შევავყენე და უკანა კარიდან მეორე ქუჩაზე გავედი.

სიკოს ჩემს შესაპყრობად პოლიციელები მოყვანა. მთელი სასტუმრო აათორიაქეს, მაგრამ მე ვერსად მნახეს. სიკოს დაუმტკიცა და ლალატი და კიდევაც მოკლულ იქმნა პარაპეტზე კიოსთან.

ერმოლოვი გურიაში წავიდა, იქ მან გააბა კავშირი ტყეში გავარდნილ ქურდებთან და მთელი გურია ააწიოკა — გაძარცვა მან ჭალხი და მრავალი ციხე-ციმბირს გაგზავნა.

ბაქოში, როგორც მდიდარ ქალაქში, სხვა და სხვა ქვეყნიდან მრავალმა მძარცველ-აუჯაყმა მოიყარა თავი. ამათ მფარველობდა და ხელს უწყობდა პოლიცია და ასე შეხმატკბილებულნი, სძარცვადენენ მდიდრებს, იტაცებდნენ ადამიანებს და შანტაჟით აღებული ფულებით უზომო ქეიფს ეწეოდნენ. ამათ ერქვა: ზოგს ანარქისტ-სინდიკალისტი, ზოგს ანარქისტ-ტერორისტი. ზოგს ჯეკისტი და სხ. პოლიცია იჭერდა სრულიად უდანაშაულო ხალხს; ადგენდნენ ყალბ ოქმებს, ასამართლებდნენ და ციხე-ციმბირს ავსებდნენ უდანაშაულო ხალხით. საზოგადოებაში გამეფდა შინიანობა; მშველელი კი არ სჩანდა. მივმართე ორგანიზაციას, რომ მიგველო ყოველივე ამის

წინააღმდეგ საჭირო ზომები. ორგანიზაცია ძლიერ სწვხდა ყოველივე ამით, მაგრამ ზომების მიღებაზე მაინც უარი განაცხადა.

ერთ დღეს ტელეფონის ქუჩაზე ყაჩაღები დახვდნენ ფოსტას, ესროლეს ბომბა. მოჰკლეს რამოდენიმე ჯარისკაცი, რამოდენიმე ნოქალაქეც და ფული გაიტაცეს. მე ვადავწყვიტე მათი ალაგმვა, მაგრამ ეს აღვილი არ იყო. მიუხედავად სიძნელისა. მე მაინც ვიშოვნე ამხანაგები: გ. გიორგობიანი, ბესარიონ და კოლია კეწავლიძე, გიორგი ბასილია და სხვ. ქუჩებს და ყაჩაღებს მიეფუგზავნე მოციქული და შევეუთვალე მათ ხალხის აწიოკებისათვის თავი გაენებებინათ. გავიგე, რომ პამენისტის ქუჩაზე ანარქო-სინდიკალისტების ჯგუფს კრება ჰქონდა გატაცებული ფულის გასაყოფად. იქ ცხრა კაცი იყო მაუზერებით და ბომბებით შეიარაღებული. გადავწყვიტე მათი განიარაღება. ამ დროს ჩემთან არავინ იყო. შემთხვევით მოვიდა გიორგობიანი; ის უზარმაზარი ტანის იყო, მხნე და ვაჟკაცი. შევიარაღდი ბომბებით და მაუზერებით. შელამების ხანს სახლს მივადექით, კარი წყნარად შევალეთ. ოთახში ცხრა კაცი იჯდა. გიორგობიანმა ბომბი ზევით ამართა, მე მაუზერი დაეღმიზნე და შევესახე — თუ გაინძრევით. ყველას ამოგზოცავთ! ყაჩაღებს წინადადება მივეცი იარაღი ჩაებარებინათ. ერთ მათგანს ვუბრძანე: ამხანაგებისათვის იარაღი აეყარა. შეიდი მაუზერი. ორი ნაგანი. სამი ბომბა, პატრონტაშები ტყვიით სავსე, ხანჯლები და მათი ჯგუფის ბეჭედი დავლად დაგვრჩა. იარაღი ზეწარნი გავახვიეთ. მათ კი განუეუცხადე — სამი დღის ვადაში ბაქო დასტოვეთ. წინააღმდეგ შემთხვევაში ყველას დაგზოცავთ-მეთქი. ერთ მათგანს იარაღი ავკიდეთ ზურგზე და წავედით. ყაჩაღებმა, მართლაც, ჩემი ბრძანება აასრულეს და ბაქო დასტოვეს.

პოლიციამ აღმოაჩინა სოციალდემოკრატიული ორგანიზაციის სტამბა და წაიღო იგი. ორგანიზაცია დიდ ხანს უსტამბოდ დარჩა. ფურცლების ბეჭდვა, მოწოდებათა და გაზეთების გამოცემა აუცილებელი იყო. გადაწყდა სტამბის შექმნა. მოვამზადე ოცამდე ჩვენი



გონტაძე 1918 წ.

რაზმელი და 1906 წლის ივანობის თვეში, დილით 10 საათზე თავს დავესხი ლევიანსონის ქარხანას. სადაც რამოდენიმე თანამგრძობი მტუმა წინასწარ გვეყავდა გაფრთხილებული. ამ დროს ბაქოში სა-
აღყო წესები იყო გამოცხადებული. ქუჩები პოლიციელებით და ჯა-
რით იყო სავსე. ფურგონი მოშორებით გავაჩერებინე; ქარხანაში
შევედი; ქარხნის გამგე დავატუსაღე და საქმეს შევუდექით. ტექ-
ნიკოსს ვუბრძანე აერჩია საბეჭდავი მანქანა, რომელიც ჩვენთვის
გამოსადეგი იქნებოდა. საქმე სწრაფად წავიდა. „ამერიკანკა“ კი-
ლოფებში გავახვიეთ და მდროგეს ვანიშნე ახლოს მოსულიყო;
დროგი სწრაფად დავტვირთეთ და გავისტუმრე წინდაწინ დამზა-
დებულ ადგილზე. სტამბის დაშლის დროს ქარხანაში სხვა და სხვა
პირი და პოლიციაც შემოდოდა; ჩვენ ყველას ვაპატიმრებდით და
იარაღს ვართმევდით. სტამბა კარკი გამოდგა. რითაც ორგანიზაცია
დიდად კმაყოფილი იყო.

შანტაჟისტებმა ადვოკატ ბოიკოვს მუქარის წერილი მისწერეს:
ათი ათას მანეთს სთხოვდნენ. ეს ამბავი გადმომცა ანდრია ვიშინ-
სკიმ და მთხოვა ზომები მიმეღო. მეც თავის დროზე მივედი იქ, სა-
დაც წაჩაღებს ფული უნდა მიეღოთ და სამივე შევიპყარ.

ერთხელ გავემგზავრე რკინის გზის რაიონში: უნდა მენახა ჩემი
ნათლრას მამა კოზმან დოლიძე. დალამებისას იქვე. რკინის გზის
რესტორანში შევიარე, სადაც დამხვდნენ შემთვრალი რუსი ხული-
განები. ამათ დიდი დანაშაული მიუძღოდათ რევოლუციონერების
ოჯახთა აწიოკება-დაბევაში. ხულიგანების მეთაური იყო სტარ-
ჩენკა. ეს ვაუბატონები შეიარაღებული იყვნენ და ყველას ემუქრე-
ბოდნენ. როცა გარეთ გამოვიდნენ, მე იქვე დავუხვდი და სტარ-
შენკო ერთი მისი ამხანაგითურთ ტყვიებით დავცხრილე.

ბაქოს ქალაქის ცენტრში ცხოვრობდა ერთი ებრაელი, გვარად
შქიონი. მან ცოტაოდენი სიმდიდრე შეიძინა, მაგრამ შემდეგ ისევე
დაღარობდა. ის აკად იყო ქაჭების სნეულებით. მის ცოლს უკანას-

ქწელი ავეჯი გაეყიდა და აელო 800 მანეთი. შჩირინის ძმისწულს ავაზაკებისათვის ეცნობებინა ეს ამბავი. ქურდებს შჩირინისათვის წერილი მიეწერათ და ფულს სთხოვდნენ. წერილი სავსე იყო მუქარით: ან ვუღლი, ან სულიო! წერილში დახატული იყო კუბო, ხანჯალი და ბონნა. დანიშნულ დროზე წავიყვანე გიორგი ბასილია და დავიწყეთ დარაჯობა; არ გასულა დიდი ხანი და შევიპყარათ ორი ქურდი. ჩემს შეკითხვაზე: რად სძარცვავთ ასეთ გაჭირვებულ კაცს-მეთქი, ერთმა მათვანმა მიპასუხა: ის კაცი ოპერაციას სულ ერთია მაინც ვიქ გადაიტანს და ფული კი ტყუილად დაიკარგებოდაო! ორივე, როგორც გაუსწორებელი ქურდი, შესაფერისად იტყვნენ დასჯილი; შჩირინის ძმისწული კი ბაქოდან გადაიკარგა.

ერთხელ ჩვენს შტაბში მოვიდა წერილით იასონ ჯალალანია. წერილი გავზავნილი იყო ახალი ჯგუფის, ჯეკისტების მიერ ერთი გერმანელი ქვრივის მიმართ. ამ ქალს სთხოვდნენ ოცი ათას მანეთს. წერილი სავსე იყო მუქარით; აქაც იყო დახატული კუბო, ხანჯალი და ბომბი. შტაბმა გადასწყვიტა ამ ქალის დაცვა, რისი პრაქტიკული განხორციელება მომანდევს მე. წერილში დასახელებული იყო პაქმანად დილის 10 საათი, ხოლო ადგილად გუბერნატორის ბაღი. ბანდიტებს ხელზე თეთრი ხელთათმანი ექნებოდათ, რითაც უნდა ეცნო ისინი; მე გავაფრთხილე ჯალალანია, რათა გერმანელ ქალს ფულის მაგიერ ქალაქში გახვეული ჩვრები მოეტანა ბანდიტებისათვის. მე და გიორგი ბასილია საიმედო ეტლით გუბერნატორის ბაღის თავში გავჩერდით, დავტოვეთ იქ მეეტლე და ნაჩვენებ ადგილისაკენ წავედით; შორიახლოს სკამზე ჩამოვჯექით. სამი საექვო პირი იქვე დასერიწობდა. მოვიდა ერთი ქალი, რომელიც მე არასოდეს მენახა; ის ძალიან ლამაზი იყო. მან ამ საექვო პირებს პაქეტი გადასცა და წავიდა. ჩვენ მაშინვე ბანდიტებს მიუახლოვდით, მათხერი დავღმიწნეთ და ხელები ავაწვეინეთ. სამთავეს იარაღი ავყარეთ და თათრის უბანში წავიყვანეთ. შევადგინეთ მაშინვე სასამართლო, სადაც გამოირკვა მათი მრავალი ბოროტმოქმედება. სასამართლომ მათ სიკვდილით დასჯა გადაუწყვიტა. გერმანელი ქალი სულ ეხვეწებოდა ჯალალანიას: ჩემი მხსნელი მაჩვენეო.

ერთი თვის შემდეგ მე და ჯალალანია მართლაც ვესტუმრეთ იმ ქალს; გაეწყო დიდებული სადილი და კარგადაც მიგვიღო. ბოლოს ქალმა ჰკითხა ჯალალანიას: „დიდი ვალოდია“ რატომ არ მოიყვანეო?! ჯალალანიამ კი სიცილით უპასუხა: ეს არისო „დიდი ვალოდია“! და ჩემზე მიუთითა. შემდეგ მე იმ ქალს ხშირად ვხვდებოდი. ერთხელ მითხრა: „დიდ ვალოდიას“, მეგონა, იმიტომ გეძახდნენ, რომ ტანით დიდი იყავიო. შემთხვევით პოლიციამ იმ ქალის ბინაზე დამჩიხა, მაგრამ მე პოლიციელების ხელიდან მოხერხებულად დავძვერი.

1906 წლის შემოდგომაზე, პარაპეტზე, შემხვდა ერთი აქტიური ჯაშუში, რომელიც შიშკინის სავაქრო დაწესებულებაში მსახურებდა. ამ დროს ჩემთან იყვნენ დავით ღამბაშიძე და სვირსკი. მე ჯაშუშს რევოლვერი ვესროლე და ის უსულოდ მიწაზე დაეცა. პოლიციამ რკალი შემოგვარტყა და მე სროლა დამიწყეს. მეც სროლით ვუპასუხე: მოვკალი ერთი, დავქერი რამოდენიმე. მე კი მშვიდობით გადავრჩი. ის ღამე გავათიე ერთ ნაცნობ ბიბლიოთეკაში. ნაშუალამევს კაზაკები და პოლიცია თავს დამესხნენ. ბიბლიოთეკის გამგეს კარის გაღება მოსთხოვეს; მე ოთახიდან აივანზე გავედი; ამ მხარეზე შედარებით ბნელოდა. ქუჩის ბოლოში, 20 ფეხის ნაბიჯზე კაზაკები იდგნენ. ჩავეყვი წყლის მიღს. მილი სახლს მოძვრა და მასთან ერთად მიწაზე დავენარცხე. კაზაკებმა იფიქრეს სახლი ინგრევად და უკან დაიწიეს. ამით მე ვისარგებლე და ერთი სომხის დამწვარ სახლში შევედი ფანჯარიდან და მეორე ქუჩაზე სამშვიდობოს გავედი.

1906 წლის ნოემბრის ერო დილას წავედი მუშათა პროფესიულ კავშირის ჰტამბაში. სტამბა პოლიციას იმ დილით ჩაეგდო ხელში და შიგ მოსამსახურე ამხანაგები დაეპატიმრებინა. როცა შიგ შევედი, მეც დამაპატიმრეს და ცხენოსან კაზაკებს გადამცეს. მათ, რა თქმა უნდა, არ იცოდნენ ჩემი ვინაობა, არ გაუჩხრეკივართ, წამიყვანეს პოლიციის განყოფილებაში, რომელიც თათრის უბანში იყო.

პოლიციაში დამხვდნენ სტამბის მომუშავენი და სხვა ტუსაღები. რომელთაც ჩვენებას ართმევდნენ. გამომძიებელმა უბრძანა კაზაკებს, რომ გარეთ გავეჩერებინეთ. კაზაკები ცხენებიდან ჩამოხტნენ, პაპიროზს კეთება დაუწყეს. ჩემს წინ აღმართული იყო ორი მეტრას სიმაღლის კედელი. გადავწყვიტე გაქცევა. მოულოდნელად ვა ვადავირბინე და კედელზე გადავხტი. თურმე კედლის გადაღმა დიდი ხრამი იყო. ჩავეარდი ხრამში. კაზაკებმა უთავებოლოდ სროლა ასტყეს. მე ცოტა სული მოვიტყვი; ფორთხვით ერთ ადგილს შივეცოცდი და მივიმაღლე. ღამით მივედი ნავთისმწარმოებელ ისაბეკ აშუბეკოვთან და მასთან ერთი კვირა დავრჩი. აშუბეკოვი ჩემი დიდი მეტობარი იყო. აქვე მნახულობდა ექიმი შტიინი.

ერთხელ ამხანაგ საგატელოვთან მოიყვანეს ერთი ახალგაზრდა რუსი ალ. გრიგორიევი. იგი იყო ხელობით დურგალი. გრიგორიევი მა განაცხადა, რომ ის გამოიქცა ჯარიდან, რადგან მას არ სურდა სამსახური მეფის ჯარში.

1906 წლის ივნისში მას დაავალეს საიდუმლო საწყობის მოწყობა. ამავე წლის ბოლოს საწყობი „ჩავერდა“ მთელი ნაამაგარი პოლიციის ხელში აღმოჩნდა. ეს ამბავი გადმომცა ისიდორე რაპიშვილმა. მიუხედავად საქმის სირთულისა და ამხანაგების წინააღმდეგობისა, ერთი საწყობი მაინც გადავარჩინე და იარაღი სხვა ადგილზე გადავიტანე. შევეუდექი საქმის გამომძიებას. გამცემი თვითონ გრიგორიევი აღმოჩნდა. გრიგორიევი თურმე პეტერბურგას „ოხრანკიდან“ იყო წარმოგზავნილი, როგორც საიდუმლო აგენტი. გრიგორიევი მა გაიგო, რომ ჩვენ ეს უკვე ვიცოდით და ამიტომ ის პოლიციაში შევიდა აშკარად. ახლა მას მუდამ მრავალი პოლიციელი ახლდა თან. ჩვენმა შტაბმა მისი თავიდან მოცილება დაადგინა, რაც მე გადმომცეს სისრულეში მოსაყვანად. შობა წინა ღამეებში პარაპეტზე გამოჰქონდათ ხოლმე გასასყიდლად შობის ხეები. მივედი ექიმ ფონშტიინთან, სადაც მსახურობდა ზოსიმე ჯოჯბენაძე. მან მთხოვა გვეყიდა ერთი ნაძვის ხე. 24 დეკემბერს, საათის 4-ზე, პარაპეტზე წავედით. პარაპეტზე მრავალი ხალხი ირეოდა ჯა

სამხედრო ძალითაც გარშემორტყმული იყო. ცენტერადის ოთხსა-
თულიან სახლს რომ მიეუახლოვდით, ქუჩის მეორე მხრიდან გამ-
ჩნდა შოლალატე გრიგორიევი, პოლიციის ფორმაში გამოწყობილი;
თავზე მას ბოხოხი ქუდი ეხურა; ხელში მაუზერი ეჭირა; მას თან
25 კაზაკი და პოლიციელი ახლდა. ჯორბენაძეს ვუთხარი მომწო-
რებოდა. ქუჩის მეორე მხარეზე გადავირბინე, გრიგორიევის მოუ-
ლოდნელად მაუზერში ხელი ვუჭაყე და ტყვია დავახალე. მან
მაუზერი ხელში შემომატოვა და მეორე მხარეს. ცენტერადის სახ-
ლისაკენ გადაირბინა. მე დავეწიე წიგნის მალაზიასთან და ზურგში
ტყვია გავარტყი; ის მიინც გაიქცა, ქუჩა გადაირბინა, გაბუნისას სა-
ფევე დუქანთან კედელს დაეტაკა და პირალმა წაიქცა. ერთი ტყვია
კიდევ ვუთავაზე და გზას გავუღეჭი. გზა კი ყველგან შეკრული
იღო; ყველა ისროდა, ჯარი და პოლიციაც. სომხების ეკლესიასთან
პოლიციელების რკალი გავარდვიე და ვიშინსკისას მივედი. ჩავი-
ცივი სხვა ტანთსაცმელი და ქუჩაში არხეინად გამოვედი. ვნახე ჯორ-
ბენაძე: მას ქუჩაში ოქროს საათი ეპოვნა, რისთვისაც სჯულ მო-
ცავდა. ბაქოში ჩემი ღვენა კიდევ უფრო გააძლიერეს; ამიტომ ქა-
ლაქი დავტოვე და საბუნჩისა და ბალახანის რაიონში გადავედი.

1907 წლის თებერვლის ბოლოს გადავწყვიტე ბალახანა-საბუნ-
ჩის რაიონის მიტოვება და ქალაქში დაბრუნება. საბუნჩის რკინის
გზის სადგურში ვუცდიდი სამგზავრო მატარებელს. ამ დროს ჩემ-
თან მოვიდა ჟანდარმი და გამომიცხადა: კანტორაში უფროსი გიზა-
რებსო.მე დავემორჩილე და გავყევი. ჟანდარმის უფროსმა პასპორ-
ტი მომთხოვა. პასპორტის მაგიერ ამოვიღე მაუზერი; უფროსი ჯა
უნცროსი იქვე გავათავე. სწოლით გამოვედი ბაქანზე, რითაც ხალ-
ხი დავაფრთხე და თვითონ კი მშვიდობიანად მივიმალე. ღამე ინ-
ჟინერ ბებურიშვილისას გავათიე. სამი დღის შემდეგ ბებურიშვილ-
მა ჯაიმედო ეტლი მიწოვნა და მატრის პირველ რიცხვებში ქალაქ
ბაქოში ჩამოვედი. აქ იყო სამხედრო შტაბის სხდომა, რომელსაც
მეც დავესწარი. შტაბმა მომთხოვა, რომ ფრთხილად ეყოფილიყავი;
ამავე დროს უნდა ბაქოში დაერჩენილიყავი, რადგან იქ საქირო

ვიყავი. შტაბმა დამისახელა მთელი რიგი საიმედო ოჯახებისა, სადაც უშიშრად შემეძლო თავი შემეფარებინა. ეს ოჯახები იყვნენ: ექიმი რაბინოვიჩი, ექიმი შტეინი. ექიმი კრინსკი, ინჟინერი კატიევსკი, ინჟინერი ბოგოლი. სასტუმრო „მადრიდი“ და სხვა. ამ ბინებთან კარგად ვსარგებლობდი. ამავე დროს გადავწყვიტე თვითონ ჟანდარმერის ეზოში მეშვნა ბინა. აქ ცხოვრობდა ერთი მოხელის ჭერივი, სადაც დრო გამოშვებით სამი თვე მივდიოდი. ჟანდარმერია ჩემი გულსათვის ქვეყანას გლეჯდა და აბა რას იფიქრებდა, რომ მე მისი ეზოს ბინაზე ღამეს ვათევდი!

ერთ დღეს, აპრილის პირველ კვირაში კონკაზე ორი ჟანდარმი შემომაკვდა: მათ ბაილოვის ციხეში ორ ჩვენ ამხანაგს ძლიერად სცემეს. მე მაშინვე ტანზე გამოვიცვალე, ჩემი ორდენები მკერდზე დავიკიდე და მეც სხვებთან ერთად გავიზიარე „დალუპულთათვის“ მწუხარება.

გავიცანი კაზაკების მღვდელი თოთიბაძე, დავმეგობრდი; ამას წემდეგ იგი ეკლესიაში მადღევდა ზინას.

1907 წელს, მაისში, სასტუმრო „მადრიდ“-ში კრება გვეჭონდა. კრებას ექვსი კაცი დაესწრო. მათ შორის იყო თბილისიდან ჩამოსული აბრამ ბესენტინოვი. მუშა-ინტელიგენტი, ენერგიული პიროვნება. სხდომის შემდეგ ამხანაგები დამემშვიდობნენ; მე გადავწყვიტე ის ღამე გამეთია სასტუმროში. სასტუმროს პატრონი იყო გიორგი თვალაძე. ამ სასტუმროში მსახურობდა ილარიონ შურლუღაია. ჩემთან რუსეთის ჯარში ნამსახური. ჩემთან იყო ამხანაგი რუსინტინოვი, რომელიც დიდ ხანს დარჩა და ბევრი ვილაპარაკეთ. ბისინტინოვიც წავიდა. მან იცოდა, რომ იმ ღამეს სასტუმროში ვათევდი.

ღამის პირველ საათზე ჩემიან მოვიდა შურლუღაია და გამა-ართხილა: ჯარი და პოლიცია თავს დაგვესხაო. გასვლა შეუძლებელია; ჩვენ ვეცდებით მათი უფროსი ფულით მოვისყიდოთო. მე საჩქაროდ იარაღი ავისხი; ზეწარი წინ მოვიფარე და კარიდორში გავედი. ჩემს კართან პოლიციელი იდგა. პოლიციელმა მითხრა —

კობილორში სიახლოე აკრძალულიაო. მე ვუპასუხე — თუ თქვენ გიყურებთ, როდისღა უნდა ვიმუშავო-მეთქი! მან მე. რასაკვირველია, სასტუმროს მოსამსახურედ მიმიღო და მე სამხარეულოში გავედი, იქიდან კიბეს ავეყვი და სასტუმროს სახურავზე ავედი. ძირიდან პოლიციამ თვალი მომკრა და ცოტა ხნის შემდეგ სახურავზე ამოვიდნენ. მთელი უბნის სახლები ერთი მეორეზე იყო მიდგმული, ამიტომ ადვილად ვხედავდი სახურავიდან სახურავზე; ბუხრის მილების თავს საფარად ვხმარობდი; მოვინდოვე ქუჩაზე გადახტომა, მაგრამ შეუძლებელი შეიქნა: ქუჩა ჯარით იყო სავსე.

ასე გათენებამდე „კუკუ-მალულობა“ ვითამაშეთ; გათენებისას ჩამოვძვერი ჩემად და სამუშაოზე მიმავალ მუშებს შევევრიე.

ორგანიზაციამ ეს საქმე გამოიძია; ლალატი ამხანაგ ბესეტი-ნოვს დაუმტკიცდა. ბესეტი, იმემა როცა გაიგო მისი მოლაღატეობის ვამომქლავნება, ჩაიცვა პოლიციელის ტანისამოსი და აშკარად დაიწყო ჩვენზე ნადირობა.

1907 წლის ივანობისთვეში გადავწყვიტე გურიაში წასვლა. რკინის გზით ჩემი მოგზაურობა სახიფათო იყო; ამიტომ ბალაჯა-რამდე ეტლით ვიმგზავრე; ღამით მატარებელში ჩავჯექი და გზას გავუდექი. აჯიკაბულს რომ მივუახლოვდი ჩემს კუბეს ორი ჟანდარმი მოადგა. ხელში ორივეს ნაგანი ეჭირა. იმ წამსვე ვიძრე მაუზერი და ჟანდარმებს ვესროლე, რომლებიც იქვე წაიქცნენ. მაშინათვე ვესტაენვაუზის მუხრუჭთან მივობინე, მატარებელი გავაჩერე და ლაქაშაში მივიმალე.

აჯიკაბულში ერთ ნაცნობ ბეგთან ორი დღე დავრჩი. იქიდან კი მატარებლით გურიაში მშვიდობით ჩავედი. რამოდენიმე დღე დავრჩი ჩემ სოფელ ქანჭათში და იქიდან წავედი აგარაკ ბახმაროზე. აქ გავეცანი გურიის მოღვაწეებს, მათ შორის. სოციალდემოკრატიული პარტიის წევრს, ცნობილ ტერორისტს ქანტურიშვილს.

ივლისის ბოლოს მივიღე წერილი ბაქოდან; მწერდნენ საჩქაროდ დაებრუნებულყავი ბაქოში. აგვისტოს პირველ რიცხვებში

ბაქოს მივედი. ჩემი იქ არყოფნის დროს სხვა და სხვა ჯუჭის ბოროტმოქმედთ თავი ეჩინაო და მცხოვრებლებს აწიოკებდნენ.

ჩასვლისთანავე პარტიული ორგანიზაციისათვის გავიტაცეთ ხატისოვის სტამბა. სტამბის გატაცება მოხდა იმავე პირობებში. როგორც გატაცება ლეენსონის სტამბისა.

სამხედრო შტაბმა მომანდო აბრამ ბესენტინოვის თავიდან მოშორება. მას ბევრი ცოდვა მიუძღოდა მუშათა ორგანიზაციის წინაშე. ვადავწყვეტე როგორმე მისი ცოცხლად შეპყრობა, რადგან მინდოდა მისგან სხვა პროვოკატორების ვინაობა გამეგო.

ენკენის თვეში გავიგე, რომ აბრამ ბესენტინოვი პოლიციის თანხლებით დღის პირველ საათზე ხარინის ცირკში მიდიოდა აუბრიკიდან ჩამოყვანილი მხეცების დასათვალიერებლად. 12 საათზე საიმედო ეტლით ცირკის ახლოს ჭანიშვილის რესტორანში შევედი. თან მახლდა ცნობილი ტერორისტი გ. ბასილია. ცირკთან ღვაყენე საიმედო ამხანაგი.

აბრამ ბესენტინოვი დანიშნულ დროზე არ მოვიდა. ისიც იყო უკან უნდა გავბრუნებულიყავით, რომ მივიღე ცნობა: ბესენტინოვი თავისი ამალით მოვიდაო. მე სწრაფად ცირკისაკენ წავედი, კართან მდგომი პოლიციელი განვაიაზაღე და ბასილიას ჩავებარე ბესენტინოვი შესავალ კართან განცხადებას კითხულობდა; პოლიციელები შორს წასულიყვნენ. ბესენტინოვს ხელები ავაწვეინე, მაუზერი აეართვი, ჩავსვი ეტლში და რკინის გზის რაიონში რაზმამოსას მივიყვანე. აქ მას განვუცხადეთ: თუ ყველა საიდუმლოებებს გვეტყოდა, მას შელავათიანად მოვეპყრობოდით. დაგვეთანხმა და რაც დოკუმენტები ჰქონდა ჯიბეში, მაგიდაზე დააწყო.

ქალაქების გასინჯვით აღმოჩნდა, რომ ის იყო თბილისის ნენესტნიკის კომენდატურიდან; აღმოჩნდა სია, ვინც უნდა მოეკლათ. ამ სიაში პირველი მე ვიყავი დასახელებული, მერმე ანდრია ვინისკი და სხვა რევოლუციონერები. ბესენტინოვმა გასცა ყველა პროვოკატორი. აღიარა ისიც, თუ უწინ ვინ გასცა მან და ჯილდო

რამდენი უნდა მიელო ჩემი მოკვლისათვის. გამოძიება სალამო ხანს გავათავეთ.

ბესენტინოვმა მთხოვა წამეყვანა იგი რესტორანში სასადილოდ. თხოვნა შევედრებულე და წავიყვანე სულუხიას რესტორანში. ბესენტინოვი საკმელს მაღიანად შეექცეოდა; მე გული ამერია, როცა ვუყურებდი, რადგან ცოტა ხნის შემდეგ იგი უნდა მოგვეკლა. მე ჯიბეში მზად მქონდა ქალაღი, რომელშიც ეწერა — ბესენტინოვი მოკლულია სოციალდემოკრატიული მუშათა პარტიის ბაქოს ორგანიზაციის დადგენილებით, როგორც გამყიდველი.

ბასილიამ მთხოვა მისთვის დამეთმო გამყიდველის მოკვლა. მეც დავუთმე. ბესენტინოვს ვუთხარი, რომ კომიტეტში უნდა წამეყვანა. წინ ის მიდიოდა; უკან ბასილია მიჰყვებოდა, მე — შორიახლო. ბასილიამ ესროლა მაჯზე. მე მივირბინე მასთან განაჩენის ქალაღის დასაგდებად. ბესენტინოვი აღმატებით სისწრაფით მირბოდა: თურმე ბასილიას მაუჯერში ტყვია გაეჩხირა. ბესენტინოვს მე ვესროლე და იგი წაიქცა. ერთი ტყვია კიდევ ვუთავაზე.

ჩემ წინ რესტორანი იყო და იქიდან რევოლვერით ხელში ვამოვარდა პრისტავი ლაშხი ორი მხლებელით. აქ ქუჩა კარგად განათებული იყო, რაც ჩემს მდგომარეობას მეტად ათჟღებდა. ლაშხი ჩემსკენ მობოდა და მიყვიროდა: დამრჩიო! მე მას ვესროლე და ის იქვე წაიქცა. ახლოს იყო მეორე საპოლიციო ნაწილი. სროლის ხმაზე გამოცვივდნენ და პოლიციელებმა სროლა აგვიტყვეს. მეც ვისროდი. დაყოვნება დიდად საშიში იყო, მაგრამ გზა ყველგან შეკრული იყო. ამიტომ შევირბინე ერთ სახლში. ამ სახლში მე უწინ ვცხოვრობდი და მისი ავანჩავანი ვიცოდი. კარს საკეტი არ ჰქონდა. მაგრამ შესვლა მაინც არ შეიძლებოდა, რადგან მეეზოვე და სახლის პატრონი კარს აწვებოდნენ. როგორც იქნა კარი ცოტათი შევალე და მაუჯერიანი ხელი შიგ შევიტანე. მაგრამ იქიდან ისე მაგრად მომაწვენენ, რომ ხელი შიგ გამეკვეტა. ამ დროს მომეარდა ერთი პოლიციელი და კონდახი მითავაზა; ვერ მიცნო და გაიქცა იქით, საიდანაც სროლა ისმოდა. როგორც იქნა ხელი გამოვიტანე და ისე

მაგრად დავეცი პირალმა ტროტუარზე, რომ თავი გავიტეხე. ერთი პოლიციელი მეცა და ცემა დამიწყო. მე მას ვუტყვინე ნიკაპზე; სჯლს ძლივს ვითქვამდი; ღონე მღალატობდა. ამ დროს ხმაზე ვიცანი ჩემი ნათლიმამა კოზმა დოლიძე, ჩექმის მოხელე. მან პოლიციელს ზურგში დანა ჩასცა. ნათლიმამამ ხელი მომკიდა, მაგრამ მე სიარული აღარ შემეძლო. ჩემი საქმე ცუდად იყო. ყოველი მხრიდან რკალი მცირდებოდა. კოზმანს ვთხოვე ჩემთვის თავი დაენებებინა, რადგან ვხედავდი, რომ ის ჩემთან ერთად დაილუპებოდა. დავუფიცე, თუ არ მომშორდები, მოგკლავ-მეთქი. ის იძულებული იყო თავი გაენებებინა ჩემთვის. ქუჩის მოსახვევი თავისუფალი აღმოჩნდა და მეც იქით წავებარბაცდი. ამ დროს ვილაცამ ფეხი გამომდო და წამაქცია. ფორთხვით გავედი ქუჩაზე; იქ წყლის მილის თხრილი იყო, ამოვეფარე ამონათხარ მიწას; ისევ იმან, ვინც წამაქცია, ხელიდან გამომტაცა რევოლვერი და გაიქცა. პოლიციელები ახლა მას დაედევნენ; დაიქირეს და ცემა დაუწყეს. ქუჩაში აღარავინ ქაჭანებდა. ფეხზე ძლივს წამოვდექი და ნელა ქვევით დავეშვი. ზევიდან ერთი კაცი დამეწია და დამიძახა — მე ვარო დათიკო დონდოლაძე, ნუ გეწიიაო. დათიკო ლომივით ღონიერი იყო; ზურგზე შემისვა და ქვივით გამაქცია, გამიყვანა მინდორში, სადაც ახლოს ცხოვრობდა მიკიჩა ვარდოიანი; აქვე გვექონდა იარაღის საწყობი. დათიკოს ვთხოვე მიკიჩასთან მისულიყო და გაეფრთხილებინა ჩემი მისვლის შესახებ. დათიკომ მიკიჩა მოიყვანა და წამიყვანეს სახლში. დავიბანე, ჩამოვიცილე სისხლი და ტალახი, დამალევიენეს მაგარი სასმელი და ცოტა მოვჯობინდი.

ახლა გამახსენდა: ვაი თუ ბასილია დაილუპამეთქი. წავიდნენ ბასილიას ამბის გასაგებად. გაიგეს, რომ ის მშვიდობიანად გადაჩენილიყო. ცნობა მოვიდა, ჩვენს უბანში საერთო ჩხრეკა დაიწყო. ამ რაიონს უნდა გავცლოდი. ჩავიცვი რკინისგზელის ფორმა, გავიკეთე მკერდზე ჩემი ჯვარმენდლები და ბაქოს რკინის გზის სადგურში შევედი. წელში გავიმართე და თამამად გავედი. სადგური სავსე იყო ჟანდარმებით; მაგრამ აბა რას იფიქრებდნენ, რომ ამდენი უბედურების ამტეხი მე ვიყავი! სადგურის უკან ვიჭირავე ეტლი

და ექიმ შტეინთან წავედი. ექიმმა ქრილობები და დაბეული ადგილები შემიხვია და სასტიკი დარიგება მომცა: სანამ კარგად არ მოერჩებოდი, გარეთ არ გამოვსულიყავი. მომთავეს საიმედო ბინაზე. მწიფობისთვე—გიორგობისთვემდე ლოგინში ვიწექი. ქრისტეშობის თვის 15ს სიაჩული შეეძელი და ჩვენი შტაბის სხდომას დავესწარი.

ბაქოში ქრისტეშობისთვის ბოლო რიცხვში მძაქველებმა მოჰკლეს ერთი ებრაელი (გვარი არ მახსოვს). ამ ებრაელმა, მიუხედავად სიღარიბისა, ერთადერთი შვილი პეტერბურგის უნივერსიტეტში გაზარდა. შვილი დაუბრუნდა ბედნიერ მშობლებს და პატარა წვეულება მოაწყო. ნადიმის მეორე დღეს ქურდები დაესხნენ თავს ამ ოჯახს და ფული მოსთხოვეს. ქურდებმა ფული ვერ მიიღეს და ტყუილუბრალოდ მოჰკლეს ახლად უნივერსიტეტ-დამთავრებული ახალგაზრდა; მამა კი მძიმედ დაჰკრეს. ამ სურათის შემდეგ მნახველმა თავი ვერ შეეცავე და ცრემლები გადმომცვივდა. ჩემი ატირება ყველას გაუკვირდა: ალბათ ყველას გულქვა ვეგონე! მეძმე საქმე გამოვიკითხე და დამნაშავენი აღმოვაჩინე. ქურდებმა უსირცხვილოდ გამიცხადეს: თუ შვილი უნივერსიტეტში გაზარდა და ქეიფიც მოაწყო, რატომ ჩვენც არ მოგვცა ცოტაოდენიო! ჩემმა ამხანაგებმა ისინი დახოცეს.

1908 წელს, იანვარში „ქეშმარიტი რუსების“ ტერორისტებმა ვორონცოვის ქუჩაზე, ბაქოში ტყვიით დასჭრეს ანდრია ვიშინსკი და მისი ცოლი კაპიტალინა. საქმე გამოვიძიე და ამ საქმის ჩამდენი აღმოჩნდა სტუდენტი პლაკიდა, ცნობილი კრუშევანის დისწული. მე ეს სტუდენტი ერთხელ გამაცნეს; პლაკიდას შევხვდი მარინის ქუჩაზე. თან მახლდა გ. ბასილია. პლაკიდა შეიარაღებული დადიოდა და როცა დამინახა, იმ წამსვე მიხვდა, რომ მისი საქმე კარგად არ იყო, ამიტომ ხელი იარაღისაკენ წაიღო, მაგრამ დავასწარი, ვესროლე და იქვე წაიქცა, ხელიდან გამოვგლიჯე მისი რევოლვერი და წავედით. პოლიციამ და თათრებმა საშინელი სროლა აგვიტყხეს, მაგრამ ჩვენ სამშვიდობოს გავედით.

1908 წელს, იანვრის ბოლოს რკინის გზის რაიონში კრება

გვექონდა. კრების შემდეგ წავედით ქალაქში. გზაში ცხენოსანი კაზაკები და პოლიცია შემოგვეხვივნენ და გაჩერება მოგვთხოვეს. ამხ. ჯაფარიძე და საგატელოვი გაჩერდნენ; მე კი გზა განვაგრძე; პოლიციამ და კაზაკებმა დაქერილები მიატოვეს და მე გამომიღვნენ. მე მაშინვე მათ სროლა აუტუტეხე, მოგვკალი სამი კაზაკი და ერთი ცხენი. ვისარგებლე მათი არევით და გავიქეცი. პოლიცია გონს მოვიდა, გამომედევნა კიდევ და ამ სროლაში მსუბუქად დავიჭერი. წინ შემხვდნენ დაშნაკების ზინვორები მაუზერით ხელში. მათ იმ წამსვე მიცნეს და გზა მომცეს. მოსახვევში სამი პოლიციელი იდგა: რამდენიმე გასროლის შემდეგ. მათ თავს უშველეს. მე კი პირდაპირ ჯაფარიძის სახლში წავედი. იქ თურმე პოლიცია ყველას აჩერებდა. გამაჩერეს მეც და მომთხოვეს ქალაღლები. მოწმობის ვაგიერ მე რევოლვერი ვიძვრე და სროლით გზა გავიკაფე.

1908 წლის თებერვალში მძაღველები თავს დაესხნენ ბორის ბოგოტს და ინჟინერ კატიევსკის. თავდამსხმელები დავიჭირეთ და დაესაჯეთ.

ამავე თვეში დაშნაკელების სამი ზინვორი თავს დაესხა ექიმ ფონ შტიინს. თავდამსხმელები დავიჭირეთ. იარაღი ავყაბეთ და ვინაოზის გამორკვევის შემდეგ გადავეცით დაშნაკელების კომიტეტს. ამ კომიტეტმა ორი მათგანი სიკვდილით დასაჯა.

თებერვლის ბოლოს წერილით ფული მოსთხოვეს სასტუმროს პატრონ ბურჭულაძეს: უარისათვის სიკვდილით ემუქებოდნენ. წერილის აეტოარები წევიპყაბით და დაესაჯეთ.

ჩვენ გვეყავდა ერთი ამხანაგი თათარი, სეითი. მას თათრებში დიდი გავლენა ჰქონდა. მაგრამ მან ბოლოს პროვოკატორობა დაიწყო და გასცა ჩვენი იარაღის საწყობი, რომელიც მის ბინაზე იყო. იგი ჯაშუშობით გამდიდრდა და საუკეთესოდ გამოწყობილი დასეირნოზდა. ქეიფობდა. მან გასცა აგრეთვე ჩვენი ამხანაგი პაპოვი. სეითი შევიპყარით, დანაშაულში გამოტყდა, და შემდეგ დახვრეტეილ იქმნა. სეითის დახვრეტამ თათრებში დიდი აღელვება გამო-



კ. ნ. (კ. ნ. ნ.) 1923



კ. ნ. ნ.

იწვია; ამიტომ ჩვენ მოვიწვიეთ თათრების წარმომადგენლები და მათ დავუმტყიცეთ, რომ მოკლული სეთი მოლაღატე იყო, რის შემდეგ ისინი დამშვიდნენ.

ერთ საღამოს პოლიციელები შემეჩხხნენ შუა ქუჩაში. მიცუნეს კიდევ. მე კოჭლობა მოვიგონე, რამაც ისინი ექვში შეიყვანა — არ მესროლეს, რადგან მე კოჭლად მათ არ ვეგულვებოდი. მე კი დრო ვიხელთე და მივიმალე.

ბალახანის რაიონში საიდუმლო პოლიციის წევრებმა მოკლეს მღვთაა წრეში კარვად ცნობილი მოღვაწე თათარი. ამ მკვლელობის გამო მუშებმა გაფიცვა გამოაცხადეს და მოკლულის ბაილოვში წასვენება გადასწყვიტეს. პროცესიას ასი ათასამდე კაცი მიჰყვებოდა. კუბო დაასვენეს გენერალ-გუბერნატორის კონვესკის სახლთან. წარმოითქვა ცხარე სიტყვები რეჟიმის წინააღმდეგ. შემდეგ პროცესია დაიძრა. შორიახლოს პროცესიას 300 კახაკი მიჰყვებოდა მიცვალებული თავის დედმამას მივუსვენეთ. თათრები განცვიფრებული იყვნენ ქრისტიანების მხრივ ასეთი პატივისცემის გამო.

საბუნჩის რაიონში მუშებმა ღია კრება გამართეს. კრებაზე სოციალისტებს და დაშნაკელებს უთანხმოება მოჰვიდათ. დაშნაკეებმა სროლა ატეხეს; ხალხი დაიშალა. ამხ. კატია და მე ერთად წავედით. გზაში გაძარცვის მიზნით შეიარაღებული ხუთი თათარი დაგვხვდა. თათრებმა ქალი რომ დაინახეს, მისი გატაცება მოისურვეს. კატიამ ერთ მათგანს სილა გაატყა და სწორედ ამ დროს წამოგვეწივნენ მუშები და თათრები გაიქცნენ ისე, რომ იარაღიც არ მიხმარია.

მაღაქანის ბაღთან ერთ სახლში პოლიცია თავს დამესხა, მაგრამ ამ სახლიდან მეორე სახლში გადასვლით თავი გადავირჩინე.

1908 წელს სპარსეთის რევოლუციონერებს ჩვენმა შტაბმა მრავალი ყუმბარა, იარაღი და გაწრთენილი რევოლუციონერები გაუგზავნა.

1908 წელს ავაზაკებმა გაიტაცეს ცნობილი მილიონერი მუსა ნაგიევი. იგი იყო ნავთის მრეწველი და გამოსყიდვისათვის მილიონი მოსთხოვეს. ამ საქმეში პოლიციაც იყო ჩარეული; ჟანდარმერძას უნდოდა შუღლი ჩამოეგდო თათრებსა და ქართველებს შორის. ავრცელებდნენ ხმას: ნაგიევი ქართველებმა მოიტაცესო! შეეკრიბე ქართველებისა და მოწინავე თათრების პირები სათათბიროდ ბ-ნ იოსებ დადიანის ინიციატივით. თათბირმა მომართა ჩვენს შტაბს თხოვნით და დახმარება ვეგემუდარა. ჩვენი შტაბი დათანხმდა და მე მაშინათვე შევეუდექი კვლევადიებას. ავაზაკებმა გაიგეს, რომ ნაგიევის საქმე მე ვაქვს მონდობილი; ამიტომ ჩემი მოკვლა გადასწყვიტეს. ნე მხარში ამომიდგნენ ახალგაზრდა თათრები და მათ შორის ისაბეკ აშურბეკოვი.

ერთ დილით ჩემთან მოვიდა ერთი ქართველი და გამიცხადა — შენი მეზობელი აპოლონ წულაძე ჩამოვიდა, შენი ნახვა უნდა, გელოდება იოსებ წეროძისასო. წეროძე კანდიტერი იყო, კარგი ზნეობისა და კარგი ვაჟკაციც. ცოლად მას ჰყავდა რუსის ქალი ნადია. თვითონ ქალი ზნეობით დაცემული იყო და ავაზაკებთანაც ჰქონდა კავშირი. გიორკი ამ დროს ბაქოში არ იყო. მე დავიჭირავე საიმედო ეტლი და გავსწიე აპოლონ წულაძის სანახავად. სიფთხილისათვის იარაღი მზად მქონდა. შუადღე იყო. წეროძის სახლის მახლობლად ეტლი გავაჩერე და სახლისაკენ წავედი. სახლიდან ხმაურობა შემობესმა; კარი შევალე და იქ აღმოჩნდნენ ნუსა ნაგიევის გამტაცებელი. მიმიტყუეს მოსაკლავად! იყო ხუთი კაცი: სამი თათარი და ორი ქართველი. ვითომ მახლდა ვინმე, მე დავიძახე: მზად იყავითმეთქი; ხოლო ავაზაკებს კი შევძახე: დამნებდით, სახლი ჩემი ხალხით არის შემორტყმული-მეთქი! ნათი მეთაური იყო თევ. ანდულაძე, განთქმული ვაჟკაცი. აპოლონ წულაძე, რა თქმა უნდა, იქ არ იყო. მათ მე მაუზერი დავუმიზნე და იარაღის აყრა მოვთხოვე. ამ დროს მართლაც მოვიდნენ ჩემი რაზმელები, რომელთაც დაპარებული ჰქონდათ, თუ სად ვიქნებოდით. ყაჩაღებმა იარაღი დაჰყარეს და ერთმა ჩემმა რაზმელმა შეაგროვა იგი. ისინი გამოტყდნენ და აღიარეს, რომ ნაგიევი მათ ჰყავდათ დამალული. აღმითქვეს განთავისუფ-

ლებს. იმავე საღამოს ერთი თათარი გავაგზავნე. რათა ნავიევი უკნებლად წამოეყვანათ.

ეს ამბავი მთელ ქალაქს მოედო; გულის ფანქვალით ელოდნენ, თუ საქმე რით გათავდებოდა. დაღამდა თუ არა, ერთი კვირის წინად გატაცებული ნავიევი სანაპირო ქუჩაზე მოიყვანეს და გაუწვეს. ეს ამბავი პეტერბურგს აცნობეს და ნავიევს მისალოცი დეპეშები მოსდოდა.

მუსა ნავიევი უშვილო მოხუცი იყო; გამოირკვა, რომ მისმა ნათესავებმა ყაჩაღებს განკებ არ მისცეს ფული იმ მოსაზრებით. რომ თუ ნავიევს მოჰკლავდნენ, მისი მილიონები ამ ნათესავთ დარჩებოდა.

მუსა ნავიევმა გამოკითხვით შეიტყო, თუ ვინ გაანთავისუფლა იგი და შემომითვალა მენახა იგი. მეორე საღამოს მე იგი ვინახულე. ჩემთან იყვნენ აგრეთვე ჩემი თათარი მეგობრები. ნავიევმა სიხარულით, ტკბილად მიმილო და მითხრა — რა მოგართვათ ჩემს მხანგულსო?! ფულით დასაჩუქრებაზე მე უარი მოვასხენე. მხოლოდ ვუთხარი: ჯილდოდ მე ის მეყოფა, რომ თათრებსა და ქართველებს სსამარცხინოს ხოცვაჟლეტა ავაშორე შეთქი. ნავიევი ძალიან შეწუხდა და მაინც მითხრა — საზღვარგარეთ მივდივარ და იქ, შვეიცარიაში ფულს შევიტან შენს სახელზე. შეკედლება იქ ცხოვრება. აქ რად აკვლევინებ თავს მაგ მხეცებსო? მე ვუპასუხე: ვარ ახალგაზრდა რევოლუციონერი და საზღვარგარეთ არ გავიხიზნები-მეთქი. ეს ჩემი პასუხი არ მოეწონათ ჩემ მეგობარ თათრებს. ამგვარად დასრულდა ნავიევთან ჩემი საუბარი.

მუსა ნავიევმა იმგზავრა საზღვარგარეთ და ჩემთვის მოულოდნელად საჩუქრად გამომიგზავნა ძვირფასი ავტომატიარალები. მათ შორის თოფი „ბორზატი“, რომელსაც მე 1921 წლამდე ვატარებდი.

რუსის ადმინისტრაციამ მოინდომა ბაქოში რუსებსა და ებრაელებს შორის რბევაჟლეტის მოწყობა. სოციალდემოკრატიული ორგანიზაცია საქმეში ჩაერია და ჩვენს შტაბს მიანდო ზომების მიღება: ჩვენ უნდა ჩაგვეშალა რუსის მთავრობის ზრახვები.

ჩენი მოვახდინეთ ჩენი რაზმელების მობილიზაცია. ბაქოში იყო ებრაელების სამხედრო ჯგუფი, რომელსაც ხელმძღვანელობდა ებრაელი ცეიტლინი. ჩენი ენერგიული მოქმედებით მოსალოდნელი ხოცვა-ჟლეტა ჩავშალეთ და ხალხს უბედურება ავაცდინეთ

რკინის გზის რაიონში მაგარი რეაქცია მძვინვარებდა, რასაც მეთაურობდა ბაქოს საბარგო სადგურის უფროსი ლაპატინი. იგი წინადაც ფოთში მსახურებდა; მას იქ ესროლეს, მაგრამ ტყვია აცდა და იგი ცოცხალი გადაჩა. ამას შემდეგ იგი ბაქოში გადმოიყვანეს. ჩამოსვლისათნავე მან დააპატიმრებინა ასამდე რკინისგზელი. ხოლო დაპატიმრებულთა ცოლშვილი ზამთარში სახაზინო ბინიდან გარეთ გამოყარა. ყველა ამ ამბავის გამო მას სიკვდილი გადაუწყვიტეს. ის გულადიც იყო და კარგი მსროლელიც. ხშირად ამბობდა თურმე: რევოლუციონერებმა მესროლეს, მაგრამ ვერაფერი დამაკლესო! აქაც ვერაფერს მიზამენო!

სამსახურის დროს მას დამცველი ახლდა ხოლმე. თვითონ კი მაუზერით ხელში დადიოდა. ლაპატინის მოკვლა რკინის გზის ტერორისტებმა იკისრეს. დრო გადიოდა და ის კი ძველებურად პარპაშებდა. გადაეწყვიტე ეს საქმე მე შემესრულებინა.

ივანობისთვე იყო. წავიყვანე კ. კირვალიძე და სადგურისაკენ გავსწიეთ. ლაპატინთან მსახურებდა ჩენი ამხანაგი ალ. ვაშაკიძე. რომლისაგან მე ლაპატინის სამსახურის მისვლამოსვლა ვიცოდი. გადაეწყვიტე მას საკუთარ ბინაზე თავს დაეხსნოდი. ასეც ვქენი. მივედი მის ბინაზე; მაგრამ კართან ბავშვები თამაშობდნენ; ამიტომაც განზრახვა მეორე დღისათვის გადავდევი. რა თქმა უნდა მე ბავშვები შემეცოდნენ და არა ლაპატინი.

დილის ცხრა საათზე მოსამსახურენი იცვლებოდნენ, ამიტომ უნდა წარდგომოდნენ ლაპატინს და მისთვის მოეხსენებინათ, თუ რა მოხდა მათი სამსახურის დროს. მე ჩავიციე რკინისგზელის ტანისამოსი და სარგურზე მივედი. კ. კირვალიძე 50 მეტრის მოშორებით დავტოვე. სადგურზე იყვნენ ლაპატინის შეიარაღებული დამცველები.

მე პირდაპირ რკინის გზის კანტორისაკენ წავედი. კარი შევეღე. შიგ ორი შეიარაღებული დარაჯი მაგიდის თავში იდგა; თვითონ კი ლაპატინს თავისი მაუზერი მაგიდაზე დაედო. ოთახში იყვნენ მოსამსახურენი, რომლებიც მას ანგარიშს აბარებდნენ. შესვლისათა ნავე მცველებს შევეყვირე იარაღი დაეყარათ, ლაპატინს კი სწორედ ამ დროს ორი ტყვია მივარტყი. ლაპატინი წაიქცა მაგიდასა და კედელს შუა. მე მის მაუზერს ხელი დავტაცე და გარეთ გამოვარდი. მცველები, რომლებიც სადგურზე იდგნენ სროლის ხმაზე ქვევით გაქცეულიყვნენ. მე კერვალიძესთან მივირბინე. სომხებმა, რომლებიც რკინის გზის საწყობს სდარაჯობდნენ, იქედან სროლა აგვიტეხეს. ჩვენ მაინც მშვიდობით გადავრჩით; იმ უბანში ჩემ ნათლიმამასთან მივედი და იგი გავაგზავნე სადგურზე ამბავის გასაგებად. ნათლიმამა დაბრუნდა და გვითხრა: ლაპატინი გაადაცვლილათ.

ბაქო-საბუნჩის სამგზავრო მატარებელზე კონდუქტორად მსახურებდა ვინმე დრობოტოვი. წინად თბილისში უმსახურია და ყოფილა ცნობილი რეაქციონერი. 1906 წელს იმ ვაგონს, რომელშიც დამწყვედელი იყვნენ რევოლუციონერები ნავთი გადაასხა და დაწვას უპირებდა. მოსამსახურეებისათვის იგი ხომ საშინელება იყო! ვინც მას ქრთამს არ მისცემდა, ყველას აქერინებდა! თბილისის ორგანიზაციებმა მისი დასჯა მოითხოვეს; ბაქოს კომიტეტმა მათ თანხმობა განუცხადა და სისრულეში მოყვანა ჩვენს შტაბსში მიახლო. შტაბმა კი მე დამავალა

წავიყვანე „მანჯურია“ და სარგურზე გავედით. უკვე შეღამებული იყო, როცა საბუნჩის მატარებელი მოვიდა. მეკარემ დრობოტოვი დამანახა. მე მაშინვე ვესროლე და იგი უსჯლოდ დაეცა. მე კედელზე გადავხტი, ფორენის გორასთან რესტორანში შევედი, ლუდი დავლიე და მეამე ეტლით ქალაქში წავედი.

ცოტა რომ გავიარე, დავინახე, რომ ჯარისკაცები ვილაცას მოსდევნენ. ლტოლვილი კარებიდან გამოვარდა გარეთ — ეს იყო ჩემი „მანჯურია“. იმის მაგიერ, რომ ის მშვიდობიან მგზავრებს გა-

პეოლოდა, შეშინებული სადგურის უკან საწყობში ჩამხტარიყო; მე მას დაეუძახე, ეტლში ჩავსვი და ქალაქში მივიყვანე. ძალიან და-
ცხვენილი კი იყო იგი.

რკინის გზაზე სამსახურის დროს ხელფასის ნაწილს გვიჭერდ-
ნენ, რაც კასსაში ინახებოდა; როცა სამსახურს თავი დავანებე, ეს
ფული — ხუთას მანეთამდე — კასსაში დამრჩა. მოლაზე, ნაცნობის
საშუალებით, ხშირად მითვლიდა, ეს ფული წაიღეო. ფულისათვის
კანტორაში მისვლა ძალიან საშიში იყო, რადგან იქვე, ათი ნაბიჯის
მანძილზე იყო ჟანდარმერიის კანცელარია. მიჯნედავად ამისა, ერთ-
ხელ გადავწყვიტე ჩემი კუთვნილი ფულის მიღება. საიმედო პი-
რებმა მაცნობეს, რომ მოლაზე კანტორაში მარტო იყო. მეც „ვე-
სტუმარე“ ხაზინადარს და ჩემი ფული ვთხოვე. ფული მივიღე და
გაერთ გამოვედი. მოსახვევთან წასვლა სახიფათო იყო, რადგან იქ
იდგნენ პოლიციელები. ამიტომ გადავხტი ხის ჯებირზე; ჩემი სა-
სროლი იარაღი ჯებირს მოედო და ქუჩაში დავარდა. გადმოვხტი
უკან იარაღის ასაღებად; ამ დროს ხაზინადარმა ჩემი თავი დაანახა.
პოლიციელებს; მათ მე მესროლეს და ტყვია მარცხენა ზარდაყში მო-
მარტყეს. მეც დავიწყე სროლა და ამით თავს ვუშველე.

ოცი დღის შემდეგ სიარული შევიძელი, მაგრამ ტყვია ჩარჩა
და სიარულის დროს მტკენდა მაგრამ მე მაინც ვაგრძელებდი მუ-
შაობას: ვწვრთნიდი ამხანაგებს სროლაში.

ამ დროს ბაქოში გუბერნატორად იყო გენერალი კონეესკი,
კაცი მოლიბერალო. გენერლის ცოლმა ჩემი ნახვა მოინდომა. მეც
დაეთანხმდი ამაზე და მას შევხვდი. მისალმების შემდეგ მან გად-
ბომცა მისი ქმრისაგან მადლობა ავაზაკების წინააღმდეგ ბრძოლი-
სათვის; კანონით ჯილდო გეკუთვნის, მაგრამ რა ვქნა, რომ სიკე-
დილი გაქვს გადაწყვეტილიო. მთხოვა ფრთხილად ვყოფილიყავი
და მპირდებოდა; თუ კი შესაძლებელი იქნებოდა, დამეხმარებოდა.

ამ ხანებში პეტერბურგიდან ბაქოს მოვიდა ხუთი ლამაზი „კურ-

სისტკა“. ისინი თურმე ჯაშუშად იყვნენ გამოგზავნილი. მე დავა-
ვალე ამხანაგებს აღმოეჩინათ ამ ლამაზი ქალების ზინა. გავიჯეთ,
რომ ორი მათგანი სასტუმრო „ბრისტოლში“ ცხოვრობდა. ეს ქალები
მიხერხებულად მუშაობდნენ და მათ უკვე დააქვრინეს პოლი-
ციას ხუთი სოციალისტრევოლუციონერი. ერთ დღეს წავიყვანე ორი
ჩემი რაზმელი და ჯაშუშებს ვესტუმრე სასტუმროში. ქალები მა-
თლაც ლამაზი იყვნენ. ისინი ძლიერ შეშინდნენ და შეგვეხვეწენ —
იყო მოგვეკლავთო! მათ მე ჩამოვართვი ჩვენება; მათი პროფესიის
დოკუმენტებიც ვიპოვნეთ. მათ გასცეს თავისი ამხანაგები. დავკმა-
ყოფილდით იმით. რომ მათ მივეცი წინადადება 24 საათში ბაქა-
დაეტოვებინათ, რაც კიდევ შეასრულეს.

ჩემი კრილობა ძალიან მაწუხებდა. ტყვია ძვალზე იყო მიბჯე-
ნილი. უნდა გამეკეთებინა ოპერაცია. გადავწყვიტე მივსულიყავი
ნავთის მწარმოებელთა საბუნჩის საავადმყოფოში, სადაც უფრო-
სად იყო ჩემი ნაცნობი ექიმი. მას კი წინასწარ მოველაპარაკე: თუ
პოლიცია მომაკვლევდა, ჩემთვის ჩაეცმიათ საავადმყოფოს სანიტა-
რის ხალათი და ეტლით გავეგზავნეთ ვითომ მძიმე სნეულის მო-
საყვანად. ჩემთვის საოპერაციო მაგიდა გაამზადეს და სწორედ ამ
დროს კაზაკებისა და პოლიციელების რაზმი მოვიდა. მე მაშინათვე
გადავიცი ტანისამოსი, გავიყოლიე მოწყალეების ერთი და ასე სა-
მშვიდობოს ცავედი. ექიმზე ექვი მიიტანეს და კიდევაც დააპატიმ-
რეს. მაგრამ მალე გამოუშვეს. გამცა საავადმყოფოს მოსამსახურემ,
რომელიც შემდეგ ჩემმა რაზმელებმა შეიპყრეს, მაგრამ მე გავანთა-
ვისუფლებინე, რადგან ოთხი პატარა შვილის პატრონი აღმოჩნდა.

ტერორისტულ აქტებზე მეტ წილად მარტო მივდიოდი, რადგან
მიყვარდა თავისუფალი მოქმედება. ამას გარდა, ხშირად თან მყო-
ლი ამხანაგები იზნეოდნენ ხოლმე და მეც ხიფათში მაგდებდნენ.

ტკივილებმა მიმატა თანდათან. ექიმის აზრით, თუ ოპერაციას
არ გავიკეთებდი, შესაძლებელი იყო ანთების გაჩენა.

გენ. გუბერნატორი კონეესკი ბაქოდან ბათუმს განაწესეს ჯა

ბაქოში მოს ადგილას დანიშნეს თბილისის სახელგანთქმული პოლიცემისტერი მარტინოვი. მარტინოვს ჩემს შესახებაც მოხსენდა. როგორც გადმომცეს, მან აკრძალა ჩემზე თავდასხმა; სამაგიეროდ დამადევნა საიდუმლო მკვლევლები.

მიუხედავად იმისა, რომ ბაქოს მოქალაქენი თავს მეველებოდნენ, ჩემი შენახვა ბაქოში მაინც გაკვირდა.

ექიმებმა მიჩიეს წავსულიყავი მათ ნაცნობ ექიმთან სოხუმს. ორგანიზაციამ და შტაბმა მიჩიეს დროებით მაინც გავცლოდი ბაქოს. დავთანხმდი; მომცეს წერილი სოხუმის პარტიული ორგანიზაციისადმი; დავემშვიდობე ბაქოს, ნაცნობ-მეგობრებს, ნაბრძოლ ქუჩებს და უიდი საიდუმლოებით სოხუმს მივაშურე.

1909 წლის იანვარში სოხუმში ვიყავი. ექიმს მისი მეგობრის წერილი გადავეცი და იანვრის ბოლოში ოპერაცია გამიკეთეს. ორ თვეში კარგად მოვიკეთე. სოხუმელმა ამხანაგებმა იალქნიანი გემით გურჯაის გამისტუნრეს. 1909 წ. 10 აპრილს გრიგოლეთში მივედი. ორი დღე სუფსის რაიონში დავრჩი და შემდეგ ჩემ მშობლებს ვეწვით. გურჯაანი მე არც ხალხი მიცნობდა და არც პოლიცია დამდევდა. ბაქოში ჩემი მოქმედება აქაურებისათვის უცნობი იყო; მე არაფერს ვიმჩნევდი და წყნარად ვმუშაობდი მამაჩემის მამულში. ფარულად მაინც იარაღს ვატარებდი. გავაშენე ტყე, დავრავი 700 ძირი აკაცია, წაბლი და თუთა. გავაშენე ნიგვზის ხეები, ბამბუკი, ვენახი და ხილი. გავაშენე მანდარინის და ჩაის ბუჩქები, ოჯახისათვის საუცხოვო ბოსტანი და სხ. სახლში იშვიათად ვათევდი ღამეს. ჩემმა მშობლებმა იცოდნენ ჩემი საიდუმლოება და მათ ვაჭდა კიდევ ჩემმა ამხანაგ-მეგობრებმა.

1910 წლის იანვრის ბოლომდე მშვიდობიანად გავატარე ჩემი ცხოვრება. თებერვალში ლანჩხუთის პრისტავი კუხალეიშვილი თავისი სტრაჟნიკებით თავს დამესხა ღამის პირველ საათზე. მე ყანაში მეძინა. დილით გავიგე, რომ მამაჩემი დაეპატიმრებინა. მე პრისტავს საიმედო კაცის ხელით წერილი მივწერე, სადაც ვწერდი —

თუ ჩემს მამას შეურაცხყოფას მიაყენებდა და არ გაანთავისუფლებდა, მაშინ მე მისი მამის ოჯახს დავსჯიდი. თან ვწერდი, რომ ბე კარგად ვიცოდი მისი მშობლების საცხოვრებელი სოფელი სა-მეგრელოში. მამაჩემი მაშინვე გაანთავისუფლეს. მას პრისტავი თურმე საუკეთესო ღვინითაც გაუმასპინძლდა... მამაჩემს თავი მოსწონდა: ჩემმა შეიღმა პრისტავს ქედი მოახრევენაო!

მაზრის უფროსმა ერმოლოვმა გურია ააფორიაქა, შეკრა კავშირი ქურდბატაკებთან, რომლებიც გურიას სძარცვავდნენ; აწყობდა ათასგვარ პროვოკაციას; ნაძარცვში თვითონ წილს იღებდა და ხალხს სჯიდა ვითომდა ყაჩაღების შენახვისათვის. ბოლოს მაინც ხალხმა შესძლო მისი თავიდან მოშორება და მისი ადგილი დაიჭირა ზაკუსოვმა.

ქურდებსა და ავაზაკებს როცა ქალაქში საქმე წაუხდათ, სოფლებს მიაშურეს. განსაკუთრებით გურიას მოაწყდა მრავალი მძარცველი. აქვე იყო ამავე დროს ბევრი პოლიტიკური დევნილიც, რომელთაც ხალხი სათანადო პატივით ინახავდა.

ივლისში ღამით ჩემს მშობლებს თავს დაესხა ლანჩხუთის პრისტავი დგებუაძე. მე მოშორებით ვიყავი და დგებუაძის მოქმედებას თვალს ვადევნებდი. დგებუაძემ მამაჩემს სანთლის ანთება მოსთხოვა და ჩემზე იკითხა. მამაჩემმა. რასაკვირველია, ჩემს იქ ყოფნაზე იუარა და პოლიციელები სახლის ჩხრეკას შეუდგნენ. დგებუაძე მამაჩემს არ შორდებოდა და ჩემ შესახებ ედავებოდა. გათენებისას დგებუაძე ქუჯაზე შეირყა და მისმა პოლიციელებმა თოკით შეკრული ლანჩხუთში მიიყვანეს, იქიდან — საავადმყოფოში და შემდეგ — საგიჟეშიო, ამბობდნენ. იძულებული ვიყავი გადავსულიყავი არა ლეგალურ მდგომარეობაში. გამოირკვა, რომ ბაქოს ადმინისტრაციამ გაიგო ჩემი გურიაში ყოფნა და სასტიკი ღონისძიების მიღება უბრძანა გურიის პოლიციას. სამი თვე მარტოდ ერთ ოთახში გავატარე ჩემი ნათლიმამის ვარლამ წულაძის ოჯახში. მეგობრებთან ვაბი კავშირი. 1910 წ. სოფ. ხიდისთავში დავესწარი სოც.დემ. კო-

მიტეტის სხდომას. აქ იყო დევნილი სერგო მათითაიშვილი. კრებას თავჯდომარეობდა ილია კალანდაძე. დაისვა საკითხი შეიარაღებული დევნილების შესახებ. გამოიკვია, რომ ეს ვაჟბატონები არავითარ წესებს არ ემორჩილებოდნენ: ქურდობდნენ, სძარცვავდნენ ყველას, ქეიფობდნენ, ჰკლავდნენ კერძო ინტერესებით ხალხს, ისროდნენ და პროვოკაციას იწვევდნენ. პოლიცია ვითომ სდევნიდა მათ, აყენებდა ეკზეკუციას სოფლებში და სხვ. სოფელ ბახვში იაგორ ჭელიძისას, დავესწარი პარტიულ კრებას. მოხსენება გააკეთა გრ. კოპლატაძემ. გამოიკვია, რომ ფურიაში იმ დროს იმყოფებოდა ასზე მეტი ყაჩაღი. მე ავიღე სიტყვა და ვუამბე, თუ როგორ ვებრძოდით ასეთ პირებს ბაქოში და რა შედეგებს მივალწიეთ. ყაჩაღები მარტო გურულები როდი იყვნენ. იყვნენ სხვა და სხვა კუთხიდანაც: თათრები, მეგრელები, იმერლები და სხვ. ჩემი ჩივეა კომიტეტმა არ მიიღო, რადგან ჩემი ღონისძიებანი სატიკად ჩასთვალეს. დაადვინეს: პროპაგანდის საშუალებით მათზე გავლენა მოეხდინათ. დაუწყეს მგლებს სახარების კითხვა. ყაჩაღებს პარტიის პროპაგანდა სასაცილოდაც არ ჰყოფნიდათ. მე შევუდექი კავშირის გაბმას პარტიულ ვაჟბატონთან და ასეთები ყველა სოფელში მყავდა. ბოლოს ყველა დარწმუნდა, რომ აგიტაცია-პროპაგანდით ვერას გახდებოდნენ. დამიბარა კომიტეტმა და წინადადება მომცა მომეწვია ეს ვაჟბატონები და კომიტეტის სახელით გამეფრთხილებინა.

1910 წ. 17 ნოემბერს მე ყაჩაღები დავიბარე სოფელ გუთურაიში. ახლად დაღამებული იყო, რომ დანიშნულ ალაგას მოვიდა 97 (ოთხმოცდაჩვიდმეტი) ყაჩაღი. ყველა იყო შეიარაღებული კარაბინით. ამათში იყო შვიდი კაცი. პარტიული ამხანაგი — კიცია მამულაიშვილი, სერგო მათითაიშვილი, თეოფილე მუხაშავრია, რაქდენ ხომერიკი და სხვ. შეიარაღებულ პირებს მივმართე წესრიგისათვის თავჯდომარე აერჩიათ. დამასახელეს მე. მაგრამ მე მათ განვუცხადე, რომ ზნეობრივად არ შემიძლია მათი თავჯდომარეობა. ისინი გაჯავრდნენ და იარაღზე გაიკრეს ხელი. მე ცოტა მოხერხებულ მადლობზე ვიყავი. მაგრად შეეყვირე: თუ რამეს გაბედავენ, ათვირვანქიან ბომბით გაგიმასპინძლდებით-მეთქი. ისინი მოლბნენ. მაშინ მათ გადა-

ვეცი კომიტეტის უკანასკნელი გაფრთხილება. გაფრთხილებამ უშედეგოდ ჩაიარა. ყაჩაღები ძველებურად ისევ თარეზობდნენ. ამათში ერივნენ ისეთებიც, რომლებმაც მაზრის პოლიციიდან მიიღეს იარაღი. ყაჩაღებმა სხვა ბევრი ახალგაზრდაც აიყოლიეს.

ბოლოს და ბოლოს გუჩის სოციალდემოკრატიულმა კომიტეტმა დაადგინა ყაჩაღების წინააღმდეგ იარაღით ბრძოლა. კომიტეტმა პირველად წინადადება მისცა მათ: გასულიყვნენ გურიიდან, წინააღმდეგ შემთხვევაში მათ მტრად ჩასთვლიდნენ. ყაჩაღები კომიტეტის წევრებს იცნობდნენ და ზოგ მათგანს თავს დაესხნენ. სიკვდილითაც დაემუქრნენ.

ჩვენც დავიწყეთ მოქმედება. პირველად უნდა დასჯილიყო სერგო თაყაიშვილი, შავიშვილი, ხინთიბიძე, სიმონ ბურჭულაძე და სხვ. ამათ ბრალი ედებოდათ მშვიდობიანი მცხოვრებლების აწიოკება-მოკვლაში.

1912 წელს გავიგე, რომ მათ აიკლეს სოფ. ასკანაში კაპიტონ ასათიანის ოჯახი. ერთხელ ჩემთან იყვნენ შეიარაღებული ამხანაგები: კ. მამულაიშვილი და რაჟდენ ხომერიკი. სწორედ ამ დროს მოგვივიდა ცნობა: ისინი ბახვის საზოგადოებაში შემოვიდნენო. გავიგეთ აგრეთვე, რომ წასულიყვნენ ამბაკო ჭელიძის დასასჯელად. ჩვენ მათ კვალს გავყევით. გავსწიეთ ამბაკოს სახლისაკენ სხვა და სხვა გზით. მე ეზოში წინა კიშკარიდან ჩავედი. ეზო ერთ ქცევაზე მეტი იქნებოდა. სახლის წინ ერთი დიდი მსხალი იდგა. ამბაკო სწორედ იმ მსხალთან გამოეყვანათ და დაეჩოქებინათ. ხინთიბიძე რევოლვერით თავზე ადგა და სიკვდილით ემუქრებოდა. თაყაიშვილი და შავიშვილი სახლში შესულიყვნენ და რალაცას ეძებდნენ. მე მაშინათვე ხინთიბიძესთან მივირბინე და მას იარაღი ავეყარე. თაყაიშვილმა და შავიშვილმა ამხანაგის შევლას თავი ანებეს და გაიქცნენ. ხინთიბიძე წავეყვანეთ. მე წინ მივდიოდი. მამულაიშვილმა ველარ მოიძმინა, ესროლა მას და მოჰკლა იგი. თაყაიშვილი კი მოკლულ იქნა სოფ. ლეხაურში, სურგულაძის მეთაურობით.

1912 წელს მე და ხომერიკმა შევიპყარით ოთხი მძარცველი:

ეპილოე შელია, ალექსანდრე დათუნაიშვილი, ვანო მესხია და ფიფია. ამათ მრავალი დანაშული მიუძღოდათ. გურიაში გაძარცვეს ხიდისთავის ღუქნები. გაძარცვეს ბახმაროზე მიმავალი ხალხი, წაართვეს ბეჭდები, საყურეები და სხვა. შესდგა სასამართლო კომიტეტის მონაწილეობით. სასამართლომ შელიას, როგორც პრისტავის აგენტს და ავაზაკს სიკვდილით დასჯა მიუსაჯა. მესხიას, ფიფიას დათუნაიშვილს იარაღი აპყარა და მათ უკანასკნელი გაფრთხილება მისცა. მთელ გურიაში ვლებულობდით ზომებს ყაჩაღების წინააღმდეგ. იყვნენ ქურდები, რომლებიც იპარავდნენ ცხენებს და სხვა ოთხფეხ საქონელს. ასეთი ქურდების ბუდე იყო სოფ. ბუჯნარში. ჩვენი ზომებით ყაჩაღები დაშინდნენ და უმრავლესობამ გურია მიატოვა.

1913 წ. მე და კიკია მამულაიშვილი ვიყავით სოფელ ვაკიჯვარში ყაისარ გიორგაძისას. მამულაიშვილმა აიჩემა და მარტო მიდიოდა იორდანე მდინარაძესთან. მე დაეუშალე, რადგან სოფელი სტრაჟნიკებით იყო სავსე. არ დაიჯერა და წავიდა. ორი საათის შემდეგ ცნობა მოვიდა, რომ კიკია მოჰკლესო. მაშინვე წავედი მკვლელობის ალაგას, მაგრამ უკვე გვიანდა იყო. სტრაჟნიკები წასულიყვნენ. კიკია მამულაიშვილი არ იყო ფრთხილი კაცი და ასე უბრალოდ დაიღუპა. 15 დღის შემდეგ კ. მამულაიშვილის გვამი სასაფლაოზე ნივასვენეთ სოფელ დვაბზუში და დავკრძალეთ.

1914 წელს, ხალხის თხოვნით, გადავწყვიტეთ გურია-აჭარის მთის საბალახოებისათვის ყურადღება მიგვექცია. ამ საბალახოებზე ქურდები პირუტყვს იპარავდნენ. მაისში, ვაკიჯვარიდან გავემგზავრე ბახმაროზე. ჩემი მეგზური იყო ყაისარ გიორგაძე. დილით ფურნიაზე ავედით. მდინარაძის ღუქანი თავისუფალი იყო. საუზმე მომიტანეს. ერთი საათი იქ დავრჩი. ან დროს გარედან ქალის მოთქმა მომესმა. მეგზურს ვთხოვე, გაეგო ტიზილის მიზეზი. გიორგაძემ ქალი ჩემთან მოიყვანა. ეს ჩემი ნაცნობის, ილიკო აროშიძის დედა აღმოჩნდა. თურმე ქურდებს მისი ძროხა დაეკლათ და ზორცი მდინარაძისათვის მიეყიდათ. ქალმა ქურდი დანანახა. მე იმ წამსვე ქურდი-

საკენ გავექანე, იარაღი ავეყარე და დავაპატიმრე. ჩამოვართვი ჩვე-
ნება. აღმოჩნდ ჯიქია, ოზურგეთის პრისტავის სტრაჟნიკი. იგი ამ
დროს 15 დღის შვეტულებაში ყოფილიყო. ჯიქია ღუქნის წინ მი-
ვიყვანე და სვეტზე მივაკარი. ძროხის ტყავი ზურგზე დავაკარი; ჩა-
ვაბარე ორ ვაკიჯვრელს, რათა იგი მამასახლისისათვის გადაეცათ.
ვათოკილი ქურდი ბახვამდე და შემდეგ ოზურგეთამდე მთელ ხალხს
აჩვენეს. ცხრა თვე იჯდა ციხეში ჯიქია და იქიდან ისე დასუსტებუ-
ლი გამოვიდა, რომ მალე გარდაიცვალა.

ბახმაროზე ჩალანდრებისათვის 24 ცხენი მოეპარათ. პოლიციის
სამი ცხენიც წაეყვანათ. მომმართეს თხოვნით, პატრონებს დაეხმარე-
ბოდი. მე დავთანხმდი; მომცეს გზის მცოდნე გალაქტიონ სიამაშვილი
და სანდრო გიორგაძე; ერთი მესაიდუმლე აჭარელიც. გავემგზავრეთ
აჭარისაკენ შუადღისას მივადექით ქურდების ბუნავს. აჭარელმა ნა-
ძენარში დამანახა ერთი ფიცქული სახლი და მითხრა: იქ იქნება არა
ნაკლები ხუთი კაცისაო. სახლის პატრონი არის მეჯოგე მეგრელი
მასხულიაო. მანვე ამიხსნა, რომ თავდასხმა ძალიან საფრთხილოა, რა-
დგან თათრული დიდი ძალები შემოგიტყვენ; ძალების ხმაზე ისი-
ნი საფარში გავლენ და სროლას აგიტეხენო.

მე შორიდან სახლი დავათვალიერე და მივაგენი ძალების სა-
წოლ ბინას. სამივე ჩემ ამხანაგს საჭირო დავალება მივეცი. სახლზე
კი მარტო მე მივიდიოდი შეუმჩნევლად და როცა მათ დავუძახებდი,
ისინი უნდა მომშველებოდნენ. წავედი სახლისაკენ გორის მიმართუ-
ლებით, რომ ძალებს სუნი არ აეღოთ. სახლის კარს შეუმჩნევლად
მივადექი. ქურდები მოულოდნელობით შეკრთნენ. ვუბრძანე არ გან-
ძეულიყვნენ. იქ სულ რვა სული იყო, ერთი 8 წლის ბავშვი. მე
ჩემებს დავუძახე. ბავშვმა ტირილი დაიწყო და გარეთ გაიყვანეს. სი-
ამაშვილმა იარაღი მოაგროვა: ოთხი კარაბინი და შვიდი რევოლ-
ვერი, მათი ვაზნებით. სადილად ემზადებოდნენ, მწვადი და სხვა სა-
კმელი ბლომად ჰქონდათ. ვუბრძანე ესადილათ, რადგან მე მათ წა-
ყვანას ვფიქრობდი. სადილი უგემურად მიიჭთვეს. შემდეგ მე მათ წა-
ვუყენე მოთხოვნილება: მოეყვანათ 27 ცხენი და თუ ამ მოთხოვნას

არ შეასრულებდნენ, სიკვდილით დაისჯებოდნენ. ქუდებს არ სჯო-
დათ ცხენების ჩაბარება, მაგრამ ისინი მეჯოგეებმა გასცეს. 24 ცხენი
ჩაგვაბარეს; სამი უკვე გასასყიდად წაეყვანათ. მე ვიცოდი, რომ მათ
ჰქონდათ იარაღის საიდუმლო საწყობი. რომლის გაცემა მე მათ მო-
ვთხოვე. ერთი მეჯოგე გავაგზავნე იმ ოთხი ცხენის მოსაყვანად ბახ
მაროზე; 23 ცხენით, ნადავლი იარაღით და ოთხი ქურდით ბახმარო
საკენ გავწიეთ. დიდ გზას გვეჭრიდა აფუხვიეთ, რადგან მოსალოდნელი
იყო სადმე პოლიციელები შეგვეპოვებინათ. მეოთხე დღეს ნაშუადღევს
ბახმაროს ახლოს დავბანაკდით; ბახმაროზე ცხენების პატრონებს ვა-
ცნობეთ თავისი ცხენები წაეყვანათ და პოლიციისათვისაც მათი ცხე-
ნები ჩაებარებინათ. ქუდებს გუშაგები მიუყუყუნე; ისინი გამოტყუ-
ნენ და „მთის მგლები“ დაასახელეს.

ათი დღის განმავლობაში ოც კაცს მოვეყარე თავი: ამათი მე-
თაჯრები, ხუთი კაცი დავხვრიტეთ, დანარჩენი ხალხს გადავყვით, მან
კი ისინი პოლიციას გადასცა სათანადო საბუთებით პასუხისმგებში
შეაქცემად. გამოირკვა, რომ ერთი მეჯოგე, რომელსაც ოთხასამდე
სული საქონელი ჰყავდა, ხელს უწყობდა ქურდებს. ის დაეპაჯეთ
იმით, რომ ხალხის წარალი იმავე პირების სასარგებლოდ ერთი ორად
გადავახდევინეთ, თავისი საქმის ლიკვიდაცია მოვახდენინეთ და თა-
ვია მხარეში გავისტუმრეთ.

1914 წლის გიორგობისთვეში ნიგოთში ვიყავი. ჩემთან მოვიდა
ჩემი მეგობარი ფირცხალაიშვილი და მითხრა. რომ ერთ კაცს შენი
ნახვა უნდაო. მოვიდა ეს კაცი და ტირილით მითხრა: ფიჩორის პირ-
ზე უღლიდან ახალგაზრდა ხარი გამოვუშვი, ქურდებმა დამიკლეს.
იქვე ცეცხლი გააჩაღეს და ჩემი ხარის მწვადებს შეექცევიანო. სამივე
მოვახტით ცხენებს. შორიდან ეს ადგილი დამანახეს, სადაც ქურდები
იყვნენ. ბეჩქნარით, შეუმჩნევლად მივუახლოვდი და ჩემი „ბორხა-
ტით“ ორივე იქვე დავაგორე, მესამემ კი თავს უშველა. ხარისათვის
მარტო სამწვადე აუქრათ.

გურიაში ყაჩაღები ალაგმულ იქნენ. ომის დროს კი გახშირდა დე-

ზერტირობა და ამასთან ე⁴თად ქურდბაცაცობაც, რომლის წინააღმდეგ ბრძოლას განვაგრძობდით.

შემოდგომაზე, 1913 წ., სამტრედიის რაიონიდან ვურიაში მოვიდა თეოფილე წულაია, რომელიც თავის ნათესავეებში იმალებოდა. წულაიას კეთილსინდისიერება საექვოლ მიგვაჩნდა. ამიტომ გამოვირკვიეთ მისი ვინაობა. გამოირკვა შემდეგი: წულაიას მამას ოღა⁴ახლი გაეყიდა; ფული მყიდველს მეორე დღეს უნდა მიეტენა. ამ ღამეს წულაია თავისი ამხანაგებით თავს დაესხა მყიდველებს და მათ ფული მოსთხოვა; მაგრამ მას ფული სახლში ა⁴ქონებოდა და არც შეეძლო მიეტა. ოჯახის მამაკაცი ხანჯლის წვერით ეწამებინათ და ისე მოეკლათ. შემდეგ ქალს მოსთხოვეს ფული და მისგანაც რომ ვერ მიიღეს, ბავშვიც წამებით მოუკლეს. შემდეგ ქალიც დასჭრეს. ამის მოქმედი წულაია ვურიაში ჩამოვიდა და აქ თავს ინახავდა.

ამავე დროს ბათუმს მტერმა ყუმბარები ესროლა და მოსახლეობა შიშთანობამ მოიცვა; ბევრი ვურიაში შემოსახლდა. წულაიამ ამხანაგები იშოვნა და ლტოლვილებს ძარცვა დაუწყო. როგორც კი გავიგეთ ეს, წულაიას მოვსთხოვეთ თავისი ამხანაგებითურთ გურიიდან გასულიყო. პასუხად მუქარა მივიღეთ.

ჩაზამთრება იყო. გავიგეთ, რომ წულაია თავისი ამხანაგებით ვაკიჯვარში სიამაშვილისას იმყოფებოდა. წავეყვანე რაყდენ ხომერიკი და გავსწიეთ მის დასასჯელად. სიამაშვილის ეზოს კარებთან მე და წულაია ერთმანეთს შევეხებეთ სამი ფეხის ნაბიჯზე. წულაიას თოფი შემართული ჰქონდა; ია⁴ალის ამოღება არ მოესწრებოდა; ამიტომ ხელდახელ ვეცი და თოფს ხელი ავუკარი; ტყვიამ ჰაერში გაიზუზუნა. ამ დროს ხომერიკმა ესროლა მას და წულაია უსულოდ მიწაზე დაეცა. წულაია ოზურგეთის პრისტავმა მექი კვდიამ კანცელარიაში წაასვენებინა.

1915 წლის შემოდგომაზე სოფელ გაგუ⁴ში ცეცხლი გაუჩნდა ქანთარიას სახლს. მე იქ ახლო ვიყავი და მივირბინე. ჩემამდე ბევრი

უკვე მისულიყო, მაგრამ ზომებს არ იღებდნენ. მოხუცები შველას ღმერთს შესთხოვდნენ, ცეცხლი კი ოდის სახურავს ატანდა. თუ ცეცხლს ვერ ჩაეპარობდით, შეიძლება რამოდენიმე მოსახლე გადა-
მწვარიყო. ერთ საიმედო ამხანაგს იარაღი გადაეცეცა, მოვარბენინე
კიბე, ავედი სახურავზე და წყალი მოვითხოვე. ხალხი გონს მოვიდა.
მოარბენინეს რამოდენიმე კიბე, იშოვნეს ვედროები და ხელჩარ-
თული ბრძოლით ცეცხლი დავამარცხეთ. ხელები დავიწვი, ულვა-
შები შემეხრუკა; ხალხი მკოცნიდა და ათას მადლობას მეუბნებოდა.

იქ ახლოს ყოფილიყო ბერეჟოულელი მირიან ქანიშვილი. მას
თან ახლდა ბიძაშვილის ასული. მირიანი მოვიდა ჩემთან, გამაცნო
ბიძაშვილი ლიუდმილა და თავის ნათესავ თოხაძის სახლში დამპა-
ტიუა. კარგად გაგვიმასპინძლდნენ. ახლად გაცნობილმა ლიუდმი-
ლამ დამლოცა და ცეცხლზე გამარჯვება მომილოცა.

მეორე დღეს ცხენებით ბერეჟოულში წავედით. გავიარეთ ჩემ
სოფელში; მირიანს ქეიფი უყვარდა და კარგათად დაითრო. სალა-
მოს თერჯოლისაკენ გავსწიეთ. უნდა გავსულიყავით მდინარე გო-
ბაზოულზე, რომელიც აღიდებული იყო. ცხენები მდინარეში შე-
ვადეთ; წყალი ღრმა აღმოჩნდა...

ლიუდმილას ცხენმა ქვას ფეხი წამოკრა, წაიქცა; ქალი გადაეარ-
და, წყალმა წაიღო; მე მდინარეში გადავეშვი; იარაღი და „პლანჩი“
ცურვაში ხელს მიშლიდა. როგორც იქნა დავეწიე ქალს და ხელი
ვტაცე. მირიანმა ცხენი ჩვენკენ გამოაქენა; მე ნაპირს მოვეპოტინე
და დახმარებას ველოდი. მირიანმა ცხენი წყალში ჩამოაგდო; ცხენმა
წიხლი მკრა და ისეთი ტკივილი ვიგრძენი, რომ ქალს უცაბედად
ხელი შევეშვი. ორივე წყალმა წაგვიღო; საბედნიეროდ, მდინარემ
ორივე ფონამდე მიგვათრია. ამ შემთხვევით ვისარგებლე და ქალს
ისევ ვტაცე ხელი. ლიუდმილას ბევრი წყალი დაელია და ძლივს
მოვიყვანეთ გონს. მე ჰავიქეცი ჩემი ცხენის მოსაძებნად; იგი ად-
გილიდან არ დაძრულიყო. შევჯექი და ქენებით წავედი იქით, სა-
დაც ქანიშვილი დავსტოვე, მაგრამ ისინი იქ აღარ დამხვდნენ. მე-
ზობლებს წაეყვანათ სახლში. ტყვიაწამალი დამისველდა; განსაკუ-

თრებით მენანებოდა „ბორჯატი“ ტყვიები, რადგან ის აქ არ იშოვნებოდა. გავშიჯე ვაზნები და ყველა უვარგისი აღმოჩნდა.

1916 წელი. ლანჩხუთში ვიმყოფებოდი. ჩემთან მოვიდნენ მეგობრები და მითხრეს, რომ სოფლებს ქურდები შეესივნენ და ოცი თავი საქონელი მოიპარეს, სამეგრელოსაკენ მიერეკებიანო. ოთხი შეიარაღებული ცხენოსანით გავეყიდეთ, დავეწიეთ მათ ჩონის პირას და შევიპყარით. ერთი მათგანი ლანჩხუთის პრისტავის სტრაჟნიკი აღმოჩნდა. იგი განვაიარაღეთ და პრისტავს გავუგზავნეთ.

10 მაისს დედასთან წავედი. დედამ ერთი მეგობრის წერილი გადმომცა, რომლითაც სოფელ ბუქნარში მიბარებდნენ. იმავე საღამოს დანიშნულ ადგილას მივედი. მეგობრებმა გადმომცეს შემდეგი: მდინ. გუბაზოულზე, ომის გამო, კეთდებოდა რკინა-ბეტონის ხიდი; ეს მცხოვრებთათვის დიდი სასარგებლო საქმე იყო. მუშა ხელსაც სამუშაო გაუჩნდა. მაგრამ ყაჩაღებს ხიდის მშენებელისათვის წერილი მიეწერათ და ხუთი ათასი მანეთი მისთვის მოეთხოვათ. თუ არ ვადაიხდიდა ამ თანხას, მას სიკვდილით ემუქრებოდა. წერილი მოეტანა ვინმე ტალაბაძეს. ინჟინერს განეცხადებია — ამდენი ფულის ვადახდა არ შემიძლია, პოლიციის იმედი არ მაქვს. ამიტომ ხიდის გაკეთებას თავი უნდა დავანებო. მე ხიდისთავენი სერგო მათითაიშვილს და თეოფილე მუხაშავრიას კაცი გავუგზავნე და ვთხოვე ჩამოსულიყვნენ ჩემთან.

11 მაისს დილით ხიდისთავს წავედი. სოფელ ახალშენში და ბეჟეოულში მზვერავეები გავაგზავნე იმ ამოცანით, რომ გაეგოთ ვინ იყინენ ყაჩაღები და სად იმყოფებოდნენ. მზვერავეებმა მათ კვალს მიაგნეს. მენავემ, რომელიც საიმედო კაცი იყო, მითხრა — ათ მაისს სამებიდან ჩამოვიდა ხუთი კაცი შეიარაღებული და ბეჟეოულისაკენ წავიდნენო. ამათში ვიცანი მარტო ერთი. ეს იყო მიშა დოლიძეო.

ხიდისმშენებელ ინჟინერს ფული უნდა ჩაებარებინა ყაჩაღები

სათვის 11 მაისს, 11 საათზე. მე ვიცი, რომ ყაჩაღები სიფრთხილისათვის ფულს დანიშნულ დროზე არ მიაკითხავდნენ. ამავე დროს ვიფიქრე, რომ დოლიძე თავისი ამხანაგებით თავის დასთან იქნებოდა სოფელ გუთურში. ეს სოფელი ჩონატაურის სუფსის ხიდის ახლო არის. სოფელ ჯვარცხმაში მიმავალმა შევიარე ვატა მდინარაძისას. სახლში მარტო ქალიშვილი დამხვდა, რომელიც ერთხელ მოტაცებისას გადაეარჩინე. მე მას ვთხოვე, ჩემი ცხენი დაემალა თავლაში: თვითონ კი ქვეითად გავსწიე გუთურისაკენ. ჩემი მეგობრის ბოლქვაძის ოჯახში გავიგე, რომ ყაჩაღებს გორაში ვაუვლიათ. შევწუხდი, რომ ამოცანა სწორედ ვერ გამოვიყვანე და დაგვიანების გამო შესაძლებელი იყო ინჟინერი მოეკლათ. დავბრუნდი უკან. უნდა წავსულიყავი ხიდისათვის. გზაში სატირელს მიმავალი ხალხი შემხვდა. აქ თურმე ყაჩაღების მზვერავე, ნაგომრიელი სირაძე ყოფილიყო. სირაძემ დამინახა თუ არა, უკან გაიქცა და თავის ამხანაგებს აცნობა, რომ მე მარტოდ მივდიოდი მათკენ. მივუახლოვდი ჩიგოგიძის ეზოს, სადაც საურმე გზა ორად იყოფოდა. მე და დოლიძე ერთმანეთს მოსახვევში პირისპირ შევხვდით. დაგვიანება არ შეიძლებოდა. ვესროლე ჩემი „ბორხატიდან“, მაგრამ იარაღმა მიმტყუნა, ვაზნა ცუდი გამოდგა. დოლიძემ შიშით თოფი ხელიდან გააგდო. მე მაუზერი ამოვიღე. ამ დროს თოფებმა იგრიალეს და ერთი ტყვია მარცხენა მუხლის თვალში მომხვდა. მუხლის თვალი სულ დამემსხვრა. დოლიძემ ამით ისარგებლა და თავის ამხანაგებისაკენ გაიქცა. ჩასაფრდნენ წისქვილის თხრილში და საერთო სროლა დამიწყეს. მე ფეხზე დგომა აღარ შემეძლო. დაწოლილი მათკენ ხოხვით მივფორახდი, საფრად თუთის ხე გამოვიყენე და სროლა დავიწყე. ერთი მათგანი, სინარულიძე, სასიკვდილოდ დავეკერი. ამხანაგებმა სინარულიძე მიატოვეს და გაიქცნენ. ავიდნენ მაღალ გორაზე და იქიდან დამიწყეს სროლა. დაწოლილი, ხოხვით უკან გამოვბრუნდი. ამ დროს ჩემთან მოირბინა ახალგაზრდა გოგიბერიძემ, ხელი მომკიდა, მხრებში შემიდგა და მდინარაძისას შემეყვანა, სადაც ჩემი ცხენი იყო. ჩემი იქ გაჩერება აღარ შეიძლებოდა, რადგან პოლიცია ახლოს იყო. მდინარაძის ქა-

ლიშვილმა, ჩემმა დადნაფიცმა ტყეში შემოიყვანა. ჩემმა დანით გა-
მიჭრა, ჭრილობაზე იოდი დამასხა და სუფთად შემოხვია. გოგბე-
რძემ ცხენი მომიყვანა, წემსვეს ზედ და ახალშენისაკენ წავედი.
გზაში ხალხი სროლის მიზეზს მეკითხებოდა; მეც ვეუბნებოდი —
მთვრალი ჯარისკაცები ისროდნენ!

გზაში შევხვდი მელიტონ მეფარიშვილს, რომელმაც ლიუდმი-
ლა ჭეიშვილისას მიმიყვანა. მიუხედავად თბილი ამინდისა, მე მაინც
მცივოდა. შემოიყვანეს სახლში, გააჩაღეს ცეცხლი, მოიყვანეს ხიდის-
თავიდან ფერშალი სერაპიონ რამიშვილი, რომელმაც გამიწმინდა
ჭრილობა. იმავე ღამეს, სერგო მათითაიშვილის თაოსნობით და ათი
შეიარაღებული კაცის თანხლებით საკაცეთი გადამიყვანეს სხვა ბი-
ნაზე, ჯაშის ოჯახში. აქ კარგად მივლიდნენ. ერთი კვირის შემდეგ
ურმით სოფელ ქვენოპანში, სერგო მათითაიშვილის სიმამრისას მი-
მიყვანეს. აქ დავრჩი 15 დღე. აქედან ურმით გადამიყვანეს სოფელ
ფიჩხისჯვარზე, ვლ. თავართქილაძის ოჯახში. აქ მოიყვანეს ჩოხა-
ტაუჩიდან ექიმი აროშიძე, რომელსაც ახლდა ჩემი ნაცნობი ფერ-
შალი სანდრო შონია. გამსინჯა ექიმმა და გამომიტყდა — საჭიროა
სერიოზული ოპერაციაო. ეს კი ჩემთვის შეუძლებელი იყო, სიკვდი-
ლი მქონდა მისჯილი და ქალაქში ვერ წავიდოდი. ფერშლები შონია
და რამიშვილი ხშირად მნახულობდნენ ხოლმე. აქ დავრჩი სამი კვი-
რა და აქედან გადამიყვანეს სოფელ ასკანაში მიხაკო ნინიძის ოჯახ-
ში, სადაც გულმოდგინედ მივლიდნენ. აქ მნახულობდა ბახვის ფერ-
შალი ხაჩიტონ ქელიძე. ოცი დღის შემდეგ გადამიყვანეს სოფელ
ოქროსქედში, მეგრელიძის ოჯახში. ტკივილები ძლიერ მაწუხებდა.

ჩემმა მეგობრებმა გაიგეს, რომ დოლიძე, სირაძე და აქარელი
ხალვაში ჩემზე თავდასხმას აპირებდნენ; ამიტომ ბინა გამომიცვალეს
და სოფელ ფამფარეთში გადამიყვანეს, დიომიდე ინწკირველისას.
გადაყვანის დროს უნდა გავსულიყავით ბახვის წყალზე, სადაც კი-
ნაღამ დავიხრჩვი. აქ მომიყვანეს სოფლის განთქმული დაჭრილ-მო-
ტეხილის ექიმი გაბრიელ არობელიძე — 70 წლის მოხუცი. მან ქრი-

ლობა ნახა, შეამოწმა და პირჯვარი გადაიწერა; დამადო მალამო და წავიდა. დიდი სიცხე მქონდა. საჭირო იყო თოვლი, რისთვისაც წავიდნენ ახალგაზრდები საყორის მთაზე და თოვლი მომიტანეს. ერთი კვირის შემდეგ არობელიძე ისევ მოვიდა. მან მასპინძელს ორი ღონიერი ახალგაზრდა მოსთხოვა. არობელიძემ კრილობა შემიხსნა, თან მითხრა: მუხლის თვალი ძლიერ დამსხვრეულია და შიგ ხვრელი უნდა გავიყვანო, რათა გაწმენდა შემეძლოსო. ჩემოდანიდან მსხვილი რკინა-შამფური ამოიღო, ლოგინზე პირადმა დამაწვინა და გამაფრთხილა — ღმერთი არ გაგიწყრეს და ხელი არ შემეშალოსო.

სოფლის ექიმმა არობელიძემ ჩემი მუხლის თავი რკინაზე ჩამოაცვა; ორი ვაჟაკი ზემოდან დამაწვა, რათა არ განვძრეულიყავი. ჩემი წამება აუტანელი იყო, მაგრამ დაკენესება-დაყვირების უფლება არ მქონდა. 15 წუთის შემდეგ მახვილმა რკინამ მუხლი გამიხვრიტა. მადლობა ღმერთსო! — წამოიძახა არობელიძემ. საჩქაროდ მარლა მოიტანა, გახვრეტილ მუხლის თვალში მარლა ზევიდან ქვევით გაატარა, ზედ მალამო დამადო და კმაყოფილი წავიდა.

ჩემი გადაყვანა ერთი ადგილიდან მეორეზე გრძელდებოდა. ყველგან თავს მევლებოდნენ და ჩემს მწუხარებას მიმსუბუქებდნენ. ქრისტიანთა კელიძისას ისევ მინახულა არობელიძემ; ნახა კრილობა და მითხრა: მთელი კრილობა მახვილი დანით უნდა მოგათალო, რომ დაძველებული ხორცი მოვიცილოთო და შემდეგ სისხლი უფრო სწორად იმუშავებსო. მიმაკრეს თოკით ლოგინზე, ერთი ღონიერი ახალგაზრდა ზემოდან დამაწვა და ექიმმა ვალესილი დანით დამიწყა ხორცის თლა. შემდეგ დამტვრეული ძვლებიც ამოიღო. ვერ გავუძელი და ერთი მაგრად დავიკვილე. ექიმი გამიჯავრდა, დამსწრენი კი ტიროდნენ.

გავიგეთ, რომ ჩემი მტრები ბახეში შემოსულიყვნენ ჩემ მოსაკლავად. გადასწყვიტეს ბინის გამოცვლა ჩემთვის. ისეთი ტკივილები მქონდა, რომ სულის მოთქმა მიჭირდა, განძრევა კკუაზე მშლიდა. მაგრამ რა გზა იყო. დამაწვინეს საკაცეზე და ღამით ანდრია ხო-

მერიკისას წამიყვანეს. ოდასახლის კარში საკაცე არ შეეტია, გადმოყვანა საკაციდან კი შეუძლებელი იყო; ხომერიკმა ნაჯახით გააფართოვა კარი, რითაც ოდა დაზიანდა. რასაკვირველია, ჩემი ნათესაეები და მეგობრები ყოველივე ღონეს ხმარობდნენ, რომ როგორმე გადავერჩინეთ, მაგრამ ჩემი საქმე თანდათან უარესდებოდა.

ერთხელ ხომერიკმა მომიყვანა ცნობილი სოფლის დოსტაქარი მარიამ ხომერიკისა. ეს ქალი ღმერთად მომეველინა. დღე-ღამიანად თავზე მადგა და მივლიდა. ერთხელ არობელიძემ კვერცხში აზელიოლი ცომით ფეხი შემიხვია. ეს იყო სოფლური გიპსი. ცომი ისე მაგრად გახმა, რომ ტკივილისაგან ვეყვიროდი, რაც ჩემ იქ ყოფნას ამჟღავნებდა. ერთი კვირის შემდეგ „გიპსი“ გამომიცვალეს, ჩირქისაგან ჭრილობა გამიწმინდეს, ექვსი ნატეხი ძვალი ამოაძვრეს და ისევ შემიხვიეს. პოლიცია და ბანდიტები ისევ დამდედნენ. ჩემი დაცვა იკოსრა ბახვის სოციალდემოკრატიულმა ორგანიზაციამ; დიდ სამსახურს მიწევდა გერასიმე ქელიძე, იაგორ გარაყანიძე, გ. სალუქვაძე და სხვ.

20 დღის შემდეგ გადამიყვანეს ბახვში ქიშვარდი ჩიტაიშვილისას. არობელიძის და მარიამ ხომერიკის აქიმობა მომიხდა. ერთხელ ჩემთან შემოვარდნენ გახარებული დედაჩემი და ჩემი და მარიამი და მითხრეს — მალაღუჯრმა ისეთი ხმით დაიძახა, რომ უსათუოდ მოიკეთებო! საკვირველია! მეორე დღეს სიცხემ იკლო, მაგრამ ისე ვავხდი, რომ ველარ ვლაპარაკობდი; ჩემმა დამ ვერც კი მიცნო.

ბინას ისევ მიცვლიდნენ ხოლმე, მატარებდნენ სხვა და სხვა ოჯახში. უკვე ზამთარი იყო, როცა ცნობა მოვიდა, რომ ბახვში ოზურგეთის პრისტავი მოვიდა თავისი ამალითო, ამიტომ სიფრთხილისათვის ტყეში შემიყვანეს. მთელი ღამე ტყეში გავატარე. მარიამი იმ ღამეს ქოლგით თავზე მადგა. გიორგობისთვის დასასრულს სიცხემ კიდევ დამიკლო და გვარიანდაც მოვიკეთე; ტკივილებიც ნაკლები მქონდა; ჭამის მადა მომივიდა და სიარულიც ვცადე, მხოლოდ მაწუხენა ფეხი მუხლში არ იხრებოდა. ამ დროს მნახა ექიმმა თაყაიშვილ-

მა და მითხრა — თუ თბილისში ოპერაციას არ გაიკეთებ, ფეხს და-
კარგავო!

აკეთის საზოგადოებიდან საყვედური მივიღე: ჩენი შვილი ჩვენ
არ გვეკარება, რის გამო შერცხვენილი ვართო.

ქრისტესშობისთვის პირველ კვირას ბახვს დავემშვიდობე და
ხუთი შეიარაღებული კაცით, ცხენზე მჯდომი აკეთს წავედი. ლა-
მით ჩემ სახლში მივედი, სადაც ორი დღე დავრჩი. შემდეგ გადამი-
ყვანეს ლევან ტოროტაძის ოჯახში. ჩემი მომვლელი მარიამ ხომერი-
კისა აქ მოვიდა და თავის მადლიან ხელს არ მაკლებდა. ჩემმა დამკ-
რელებმა გაიგეს ჩემი ბინა, გაჩნდნენ მაშინვე ილარიონ წულაძის
ოჯახში და შეეცადნენ ხელში ჩავეგდეთ. ერთ საღამოს მოირბინა
ჩემმა სიძემ, ილია ვადაქკორიამ და მითხრა: ამალამ ავაზაკები თავ-
დასხმას გიპირებენ და აქედან უნდა წავიდეთო. ასეც მოვიქეცი.

იქ ყოფნის დროს ჩემთან მოვიდა იმერეთიდან ექიმობაში გან-
თქმული თურმანიძე; თურმე იგი იმერეთის ამხანაგებს გამოეგზავ-
ნათ ჩემს დასახმარებლად. თურმანიძემ ნახა ჭრილობა, წამლები გა-
მომიწერა. ოპერაციის აუცილებლობა მითხრა და წავიდა.

ცნობა მივიღეთ, რომ ქუთაისის გუბერნატორმა გურიის მაზრის
უფროსს მოსწერა — ვლადიმერ გოგუაძე ან მკვდარი, ან ცოცხალი
ჩამაბარეო. დატრიალდნენ ჩემი მეგობრები ჩემს გადასარჩენად. მო-
ვიდა სოფელ სამეზიდან ფარმაცევეტი მიხაკო ელიაძე და მის ოჯახ-
ში გადასვლა მოხდა. მე მივიღე მისი მიპატიჟება და ილარიონ გო-
გუაძემ წაჩიყვანა ურმით. დიდი თოვლი იყო და დიდი გაჭირვებით
მივალწიეთ ელიაძის სახლამდე. თან მახლდა ჩემი მომვლელი მარიამ
ხომერიკისა

იანვარში, 1917 წელს, ქუთაისის გუბერნატორ სლავოჩინსკის
ჩემებურად გაღეჭილი წერილი მივწერე. ლექსი ზეპირად ვიცოდი,
დამამახსოვრდა და იყო ასეთი —

შესდეგ მტარვალო! ნუ დამდეგ,
ხელი აიღე ჩემზედა;
ცამეტი წელი სრულდება,
მუდამ ვიმარჯვებ მტერზედა.

თქვენ მე მპატიებთ მისთვისა,
რომ ჩამაჯინოთ ციხეში,
მხეტურად გამასამართლოთ,
თოკი ჩამაბათ კისერში.

რომ დაგიჯეროთ, მომისპობთ
ამა ბუნების მზერასა;
ჩამომამშორებთ დებს და ძმებს
და ამიტირებთ დედასა.

არ მომწონს მე თქვენი ციხე,
არც თქვენი მსაჯულ-ჯალათი,
არცა დახვრეტა ტყვიითა,
არც არესტანტის ხალათი.

მე მიყვარს თავისუფლება
და დროშა დამიკოცნია!
ციხე, ბორკილი, სიკვდილი
მტრებისთვის დამილოცნია.

რა დაეაწავე ასეთი,
რომ გავხდი ასეთ ბედითა!?
ის, რომ დაჩაგრულთ ჩემ მოძმეთ
ამოგუდგები გვერდითა!?

თქვენ გარჩენთ, თქვენ გაფუფუნებთ,
ცაბედნიერებთ ქვეყნადა!
ჯილდოდ — დახრჩობა, სიკვდილი
გახადეთ მათთა ხვედრათა!

თქვენ არ იბრალებთ ვინც გარჩენთ,
წაართვით კაცის უფლება;
გესურს აღვადგინოთ ბრძოლითა
ჩვენ, ჩვენი თავისუფლება!

ჩვენ რომ სიმართლე წარმოვთქვით,
თქვენ ხომ არ შეგვიბრალეთა?
სახრჩობელით და სიკვდილით
დედები გაგვიმწარეთა!

სისხლი სისხლს ითხოვს, ჩვენც ვიღებთ,
მეც შემომაკვდნენ მგლებია!
საქმე ითხოვს და დავხოცეთ —
საწყალი ხალხის მტრებია.

გემართლებოდით, რაც გიქენთ,
გაგაქვრეთ მიწის პირითა;
უმართლოდ გამომაცხადეთ,
მე — უკანონო შეილათა!

სად გაქვთ სიმართლე, კანონი,
რას აფრინდებით ხელითა?
მრავალ ტანჯული დედები
გიხსენიებენ წყევლითა.

მე ვცხოვრობ მთებში და ტყეში,

სადაც ნადირნი ცხოვრობენ;
თქვენ გჯობნით ტყისა ნადირნი,
მემოყვრებიან, არ მტრობენ!

მოკლებული ვარ ყოველსა,
დედმამის ალერსს ქვეყნადა;
განდევნილი ვარ მე თქვენგან,
დავდივარ ტყე და ველადა.

აქ ვივლი, აქვე მოვკვდები,
აქ ამომხდება სულია;
ვერ მნახავს დედა მშობელი,
რომ გამიკოცნოს წყლულია.

არ დაგნებდებით, ვიომებ,
გული მაქვს თქვენზე მტრულა;
ჩემი დევიზიც ეს არის —
მე თქვენი ჟღერა მწყურია.

არ მომეკაროთ, შორს ჩემგან!
ვფიცავარ: შემომაკვდებით!
უბროდ მოგისპობ სიცოცხლეს
და დაგეხუჭვის თვალები!

შესდეგ მტარვალო! ნუ დამდევ,
ხელი აიღე ჩემზედა,
თორემ ამდენი სიავით
გადაიმტვრევი კლდეზედა.

მე მიყვარს თავისუფლება,
და დროშაც დამიკოცნია!
ციხე, ბორკილი, სიკვდილი
მტრებისთვის დამილოცნია.

(გუბერნატორისადმი გადაგზავნილი ეს ლექსი რუსულად გადათარგმნეს და მას წაუკითხეს).

ჩემი მფარველობისათვის გუბრიის ხალხს დიდი სასჯელი მოელოდა; ამიტომ გადაწყვიტე, თუ ვინიცბაა თავს დამესხმოდნენ. წინააღმდეგობა არ გამეწია. ეს ჩემი გადაწყვეტილება მეგობრებს გავუხიარე, რაც მათთვის დიდად საწყენი დაჩა. თითქმის ყოველ დღე ხუთი შეიარაღებული კაცი მდარაჯობდა. რასაკვირველია, ასეთი მოპყრობისათვის სიცოცხლე არ უნდა დამეზოგა ხალხისათვის.

1917 წლის თებერვალში რუსეთში მოხდა რევოლუცია. მეფის რეჟიმი დაეცა; ხალხმა თავისუფლად ამოისუნთქა.

ჩემთან მოვიდნენ მეგობრები და თავისუფლება მომილოცეს. შემსვეს ცხენზე და სოფ. ამაღლებაში წამიყვანეს. აქ დიდი მიტინგი იყო. ორატორები ხალხს თავისუფლებას ულოცავდნენ. მეც მთხოვეს მეთქვა რაიმე. ჩამდენიმე სიტყვით მივულოცე დამსწრეთ მეფის რეჟიმის დაცემა. ხალხმა ოვაციებით დამაჯილდოვა.

გურიაში მოვიდა თბილისში გავლენიანი პირი ამხანაგი გოგელია. მან თბილისის იმ ლაზარეთში მომიწყო მიღება, სადაც მუშაობდა განთქმული ქირურგი მუხაძე. 10 მარტს გამოვემშვიდობე ჩემს გურიას და ურბით ნიგოთში წამიყვანეს; იქიდან კი მატარებელით თბილისში. თან მახლდა ჩემი მომვლელი, კეთილი მარიამ ხომერიკისა. 15 მარტს ექიმმა მუხაძემ გამშინჯა და მითხრა, რომ ექიმობა დაგვიანებული არისო; ვეცდებით ოპერაციის საშუალებით მოგარჩინოთო; ვინაიდან მუხლის სახსრები დაზიანებული აჩის, ამიტომ მუხლის თვალი უმოძრაოდ დარჩებაო.

20 მარტს ოპერაცია გამიკეთეს. ჩემს მარიამს ოპერაციაზე დასწრების უფლება არ მისცეს, რის გამო საწყალმა ბევრი იტირა. შემდეგ მარიამმა დამლოცა და გურიას დაუბრუნდა. ამდენი სამსახურისათვის მან ერთი კაპიკიც კი არ აიღო!

აპრილის ბოლოს ექიმმა მუხადემ მითხრა: საჭირო იქნება კიდევ ერთი ოპერაცია; მართალია ბევრი ჩამსხვრეული ძვალი ამოვიღეთ, მაგრამ ჩარჩენილი კიდევ არისო. აპრილის 28-ს გამოიკეთეს ოპერაცია. ივანობისთვის ბოლოს კრილობა დაიხუტა; ფეხი მომირჩა, მაგრამ მოხრილი დარჩა. ამ დროს მოვიდა მუხადესთან ძვლის სპეციალისტი გოფმანი და გაშინჯვის შემდეგ მითხრა: ფეხს მოგიჩინე ისე, რომ სწორად დადგმა შეგეძლოსო. მოხრილობის გამო ფეხს ათი სანტიმეტრის სიგრძე აკლდა. საჭირო იყო კიდევ ოპერაცია; მუხლის თვალის სულ უნდა დახვრეტილიყო და გიპსით შეეკრათ ექიმებმა ერთი თვის დასვენება მიბრძანეს. ამიტომ კვირიკოპისთვის პირველ კვირაში გუჩიას გავემგზავრე. დავდიოდი ყავარჯნით. ექიმი მუხადე თავისი ოჯახობით ქობულეთში ისვენებდა, სადაც იგი ვინახულე.

ოზურგეთში დავესწარი გუჩიის კომიტეტის კრებას. კრებაზე გამოვედი შემდეგი განცხადებით — რევოლუციონური მოძრაობის პერიოდში ვიყავი კომიტეტის განკარგულებაში; კომიტეტის დადგენილებით მე ვებრძოდი ბნელ ძალებს; ამხანაგების დახმარებით ხალხის ყველა ჯურის მტრები დავამარცხეთ. ამ ბრძოლაში მე დავიქეპ. გამოირკვა, რომ სირაძემ და ხალვაშმა ჩემს მოსაკლავად წინასწარ მიიღეს ლანჩხუთის ბოქაულისაგან ჯილდოდ თვითეულმა 25 მანეთი. ეს ნიშნავს, რომ ისინი პრისტავის აგენტებიც იყვნენ. ეს საბუთები აღმოჩენილ იქნა ლანჩხუთის ორგანიზაციის მიერ ძველი რეჟიმის დამხობის შემდეგ. ამ პიუბისათვის (სირაძე-ხალვაშისათვის) ლანჩხუთის ორგანიზაციის რომელიღაც წევრს მიუცია საიმედო პიროვნების მოწმობა და სირაძე ხალვაში ბათუმში კარგ ადგილას მოთავსებულან: ხალვაში უფროს მილიციონერად, ხოლო სირაძე ბათუმის რკინის გზის საბარგო სადგურზე პროფესიულ კავშირის მოხელეთ. მე კომიტეტს წარვეუდვინე მთელი რიგი საბუთებისა რეჟიმის ხანაში სირაძის და ხალვაშის ნამოქმედარის შესახებ. მე მოვითხოვე მათი პასუხისგებაში მიცემა და თუ მათ დაუმტკიცდებოდათ მრავალი მკვლევლობა, ძარცვა-გლეჯა და სხვა ასეთი, მაშინ ჩა-

მოერთმიათ მათთვის კეთილსაიმედობის მოწმობა; ხოლო თუ მე ოპერაციას გადავიტანდი, სირაძე-ხალვაშის მიმართ ვიტოვებდი თავისუფალი მოქმედების უფლებას.

გურიის კომიტეტის თავმჯდომარე ვიქტორ ლლონტი მომესალმა გურიის სახელით თავდადებული მუშაობისათვის. კომიტეტმა დაადგინა: სირაძე-ხალვაში იქნენ პასუხისგებაში მიცემულიო.

ამგვარივე განცხადება გავუკეთე ლანჩხუთისა და ჩოხატაურის ადგილობრივ ორგანიზაციებს. ლანჩხუთის ამხანაგებმა ნივთიერი დახმარება აღმომიჩინეს და თბილისისაკენ გავსწიე.

მარიამობისთვის 10-ს ექიმმა გოფმანმა გამიკეთა ოპერაცია. წვივის ძვალზე კანი სულ გადაადვრეს, მუხლი დამიხვერიტეს, შემდეგ გიპსი შემომაკრეს მაგრად; ცოცხალ-მკვდარი დამასვენეს. მეორე დღეს დლით ექიმი მოვიდა და მოსამსახურეთ უბრძანა ლოგინიდან შუა ზალაში დავესვით. შემდეგ მე მითხრა — შენი ფეხით შენს ლოგინზე უნდა მიხვიდეო. წინა დლით ფეხი ჩხირივით გადამიტეხა და ახლა სიარული უნდა დამეწყოს! კივილით ჩემს ლოგინთან მივეფორთხდი. ექიმმა მითხრა: რასაც მეტს იმობრავებ, უკეთესია; სიხლი უფრო აქტიური იქნებაო. ენკენისთვის ბოლოს ყავარჯენით სიარული დავიწყე. ძალიან მინდოდა ბუნების სიმშვენიერეში გავლა, მაგრამ ძალა არ მყოფნიდა.

საქართველოში ანარქია ძლიერდებოდა და ხალხი დიდად შეშინებული იყო. ყველა ნაძირალმა თავი წამოყო. ამავე დროს მეფის ჯარმა, რომელიც კავკასიის ფრონტზე იყო ოსმალეთის წინააღმდეგ, იწყო რღვევა და თბილისისაკენ წამოსვლა. ამ ხანად ამიერკავკასიას განაგებდნენ მუშათა, გლეხთა და ჯარისკაცთა საბჭოები. წესრიგის აღსადგენად შედგენილ იქნა მილიცია, რომლის უფროსი იყო ივანე კაჩუხოვი. მილიცია შეუდგა წესრიგის აღდგენას და ბრბოების განიარაღებას.

საბჭოების შემადგენლობაში მონაწილეობდნენ ყველა ეროვნე-

ბის წარმომადგენლები. ჯარი აჰ აჰსებობდა და მისი შედგენაც არც ისე ადვილი იყო. მუშათა და გლეხთა საბჭო მივიდა იმ დასკვნამდე, რომ შეაიარაღებული ძალა თვითონ შეედგინათ. მოაწყვეს თავდაცვის კომისია, რომელშიდაც შედიოდნენ: ნოე ჟორდანიას, სილიბისტრო ჯიბლაძე, რუბენ აუშტროვი, ანდრია ქიაბრიშვილი, ოსიტოვი და ხსენი. თავდაცვის კომისია შეუდგა მუშაობას. მე უკვე დავიწყე ყავარჯენით სიარული. ჩემთან მოვიდნენ ვალიკო ჯუღელი და ალექსანდრე დგებუაძე და გადმომცეს, რომ თავდაცვის საბჭოს დადგენილებით შენ უნდა წამოხვიდე ჩვენთან სამწყობრო ხელმძღვანელობის გასაწევად. მე მათ განვუცხადე: ყავარჯენით მოსიარულე მეომარი არ გამოგადგებათ-მეთქი. მათ მიპასუხეს: სასახლეში კარგ ბინას მოვცემთ, ექიმიც იქ ივლის თავის დროზე და უნდა წამოხვიდეო. მე წინააღმდეგობა აღარ გავუწიე. სალამოს ჩამსვეს ავტომობილში და სასახლეში მშვენიერ ბინაზე მიმიყვანეს.

მეორე დღეს გაიმართა თავდაცვის კომისიის სხდომა და შევიმუშავეთ სამოქმედო გეგმა. თბილისის ყველა რაიონიდან უნდა ამოჩიეულიყო საინსტრუქტორად გამოსადეგი პირი და მოეყვანათ სასახლეში გასაწრთვინელად. მე შევეუდექი თავდაცვის კომისიის წევრების წრთვნას სამხედრო ნაწილში. ვმაცადინობდი ყველა სისტემის ყუმბარაზე, მაქსიმის და ლიუსის ტყვიამფრქვეველებზე, სხვა და სხვა სისტემის თოფებზე, რევოლვერებზე. მოწვეულ იქნენ არტილერიის მცოდნე პირები და გაიმართა ყველა იარაღზე მაცადინობა. მაცადინობა სწავლივდა რუსულ ენაზე, რადგან ჩვენი რაზმი ინტერნაციონალური იყო.

თბილისის რაიონებიდან არჩეული პირები მოვიდნენ. პირველ ხანებში მათი რიცხვი უდრიდა ას კაცს; შემდეგ ესენი წავიდნენ თავთავიანთ რაიონში და იქ გააჩაღეს მუშაობა. მერმე მოწვეულ იქნენ საქართველოს ყველა რაიონიდან არჩეული პირები. ესენიც დაბრუნდნენ გაწრთვნის შემდეგ თავიანთ რაიონებში და იქ შეადგინეს გვარდიის ნაწილები, რომელსაც დაერქვა „წითელი გვარდია“.

თბილისში იყო მთავარი შტაბი, რაიონებში კი — მისი განყოფილებანი. ასე შესდგა „წითელი გვარდია“. მისი წმენდა სწრაფი ტემპით მიდიოდა წინ. ამ საქმეში ძლიერ გვეხმარებოდნენ ომიდან დაბრუნებული ოფიცრები და ჯარისკაცების ნაწილიც. იარაღი არა გვექონდა. და ეს ძალიან გვაბრკოლებდა. გვარდიელების უმრავლესობა ბერდანკებით იყო შეიარაღებული. იარაღი თბილისის არსენალში იყო, მაგრამ იქ ყოფილი მეფის მოხელენი ისხდნენ. საბჭოთა აღმასრულებელმა კომიტეტმა დაადგინა, რომ წითელი გვარდიის შტაბისათვის არსენალის იარაღი მიეცა. წავიდნენ სათანადო ქაღალდებით, მაგრამ მოხელეებმა იარაღის მიცემაზე უარი განაცხადეს. ჩუმად კი ისინი იარაღს განზე ჰყიდნენ. რის შედეგად არსენალი იხარცებოდა. აღმასრულებელმა კომიტეტმა მაშინ დაადგინა არსენალის დაპატრონება ძალით. 11 დეკემბერს, 1917 წელს, სალამოს წითელი გვარდია არსენალის ასაღებად გაემართა. 12 დეკემბერს გათენებებისას არსენალი აღებულ იქნა. ამით წითელ გვარდიას საშუალება მიეცა თავისი ძალა გაეძლიერებინა.

არსენალი აღებულ იქნა ჩემი მეთაურობით.

ბრესტლიტოვსკის ხელშეკრულების ძალით ბათუმის, არდაგანის და ყარსის ოლქი ოსმალეთს დაუთმო მოსკოვმა. ოსმალეთის მთავრობამ ეს ოლქები მოითხოვა. ხოლო ამ ოლქების ოსმალეთზე გადაცემა ნიშნავდა ამიერკავკასიის ოსმალეთზე გადაცემასაც. ამიტომ მთელი კავკასია საომარ სამზადისს შეუდგა. გამოცხადდა მობილიზაცია.

1918 წლის იანვარში რეტირირებულმა აფხაზეთმა, რომელიც სიმამაცისათვის დიდად იყო დაჯილდოვებული ორდენებით, სადღაც ერთი ჯავშნიანი მატარებელი იშოვნა; გაემგზავრა აზერბეიჯანში. მას შამხორში შეტაკება მოუხდა რუს ჯარისკაცებთან. ორივე მხარეს იყო ზარალი. ჯავშნიანი მატარებელი დამარცხდა და თვითონ აფხაზეთი მოკლულ იქნა. მე გადავწყვიტე მეშოვნა მეომრები ჯავშნო-



3. ანდროსი, ელვორი, 1923

სანისათვის; ისინი მე განსაკუთრებული რაზმიდან მომცეს, სულ 70 კაცი. ამათში სამი ჩემი ძმა იყო. ყველა იყო ომში გამოცდილი ჯარისკაცი. კომანდის წევრები იყვნენ ნაცვლები და ზემდეგები, ორდენებით დაჯილდოებულნი, მეტყვიამფრქვეველები და ქვეითი ჯარისკაცები. ჯავშნოსანზე იდგა ორი სამთო ქვემეხი, მაქსიმის და ლუისის ტყვიამფრქვეველები, მათი ვაზნებით და ყუმბაზებით. ყველა მეომარს ჰქონდა რევოლვერი და კარაბინი.

ჯავშნოსანი შესდგებოდა ორი საბრძოლო ვაგონიდან. ერთი ცეიკგაუზიდან და ერთი ორთქლმავალისაგან. ორთქლმავალი შუაში იყო მიბმული. ვაგონებიდან ორთქლმავალზე ტელეფონი იყო გაყვანილი; მეთაურის კოშიკი ამატული იყო ორთქლმავალზე. ჯავშნოსანის ნაყოფიერი ბრძოლა დამოკიდებულია მის მოხერხებულ მანევრებზე და სწორედ ამიტომ კოშიკი მოწყობილია ორთქლმავალზე. მატარებელზე იყო ერთი მემანქანე, ორი მისი თანაშემწე. ერთი უფროსი კონდუქტორი და ორი მისი თანაშემწე, ერთი მატარებლის შემკეთებელი, ერთი რკინის გზის ოსტატი ხიდებისა და რელსების მცოდნე, ერთი დამწმენდი ვაგონისა. ჯავშნოსანზე იყო სამი ვაგონი, სადაც მეომრები ცხოვრობდნენ. როდესაც ჯავშნოსანი ომში შედიოდა, მაშინ ვაგონებს მშვიდობიან სადგურზე ვტოვებდით. მატარებელზე იყო მულმივი ტელეფონისტი და უფროსი ადიუტანტი. სულ ჯავშნოსანის პერსონალი შესდგებოდა 80 კაცისაგან. ზოგი მეომრის გვარი აღარ მახსოვს; იყვნენ: ძმები ლომჯარია, მოგველაძე, სერაპიონ ჭელიძე, კონ. ჭელიძე, ცეცხლაძენი, ჯაში. სამი ჩემი ძმა, ზუხუნაიშვილი, ბერძენიშვილი, ვანო სარიევი. საშა გოგავა, უფროსი კონდუქტორი სკამკოჩაიშვილი, რაჟდენ სალუქვაძე (ჩემი თანაშემწე), გრიშა კვინიტაძე (ჩემი ადიუტანტი), ანდრო ცეცხლაძე და სხვანი.

1918 წ. თებერვლის პირველ რიცხვებში დასახმარებლად გავყევი რუსის ჯარისკაცებს ბაქოსაკენ მიმავალთ, რათა ისინი თავდა-

სხმისაგან დაგვეფარა და ამავე დროს დანგრეულ ჯზა აღვედგინა, თბილისიდან ბაქომდე. ჯავშნოსანზე ჩემდა დასახმარებლად წამოვიდნენ საბჭოს წარმომადგენლები: კაპიტანი სტრელოვსკი, ელიონი და ალექსანდრე დგებუაძე.

რუს ჯარისკაცთა ეშელონებს თავს დაესხნენ თათრის შვიარაღებული ბანდები და ჩვენ ბრძოლა მოგვიხდა ამ თათრის ბანდებთან შამქორში და ელისავეტოპოლთან. ბანდები დავამარცხეთ, რუსის ჯარისკაცები სამშვიდობოს გავიყვანეთ, რკინის გზა აღვადგინეთ, ხოდები შევაკეთეთ და თბილისს დავბრუნდით.

1918 წელს, 11 თებერვალს ქუთაისში მოხდა უწყისობა, გაღეშილი ჯარისკაცები დუქნებს სძარცვავდნენ და ხალხს აწიოკებდნენ. ჩვენმა ჯავშნოსანმა მონაწილეობა მიიღო წესიერების აღდგენაში.

ქუთაისის არეულობას ბოლო მოუვლეთ, მაგრამ კახეთიდან მოდიოდა ყოველ დღე გულსაკლავი ამბები.

ოსმალეთი საქართველოსაკენ მოიწევდა; მას შეერთებული ძალებით უნდა დაეხვედროდით; იმის მაგიერ. რომ ომიდან დაბრუნებული ქართველი ჯარისკაცები სამშობლოს ფრონტზე დაგვხმარებოდნენ. მათმა ნაწილმა. სამშობლოს მტრებისაგან წაქეზებულმა, სამშობლოს წინააღმდეგ. შინ ფრონტი გაგვიმართა და დაიწყო ძარცვა, გლეჯა, ხოცვაც კი.

15 თებერვალს (1918 წ.) დილის ათ საათზე. მესამასე ვერსზე, ნავთლულის ზევით, ფრონტიდან დიდ ძალმა რუსის ჯარმა მოიყარა თავი. მათ განზრახვა ჰქონდათ თბილისს შემოსეოდნენ და ქალაქი დაერბიათ. ჯავშნიანი მატარებელი სასწრაფოდ გაეშურა მესამასე ვერსზე, რათა რუსების ჯარის ამ თავდასხმისათვის ხელი შეეშალა. მე მათ წინ გადავედობე; მოხდა ამას გარდა მოლაპარაკება და რუსის ჯარმა თავისი წარმომადგენლები თბილისს ფააგზავნა. მოხდა შეთანხმება, რომ ჯარი წავიდოდა რუსეთს ბაქოს გზით იმ პირობით, რომ რუსის ეშელონებს დამცველად გაჰყვებოდა ჯავშნიანი მატარებელი.

17 თებერვალს. 22 ეშელონი. ჯავშნოსანის თანხლებით გაემგზავრა მესამასე ვერსიდან ბაქოსაკენ. 18 თებერვალს მიეუახლოვდით ძეგამს. თათრის ბრბოები აქ ეშელონებს თავს დაესხნენ. ეზთი ლიანდაგი ექირა ეშელონებს, მეორე კი ჯაბს. რათა საჭიროებისას ერთმანეთს დაეხმარებოდით. იმავე წუთს თავდასხმის ადგილას გავჩნდით და ბრბოები გავრეკეთ. ნაშუადღევს ვანჯას მიეუახლოვდით. ვანჯაში შესასვლელ ხიდს ბანდებმა ცეცხლი წაუკიდეს და წინ მყოფ ეშელონებს თავს დაესხნენ. გავექანეთ მისაშველებლად. გაიმართა ნამდვილი ბრძოლა; მტერმა აუარებელი მოკლული დაატოვა ბრძოლის ველზე და მიიძალა. ხიდი სასწრაფოდ აღვადგინეთ წინ გავსწიეთ. ვანჯის რკინის გზის მოსამსახურებმა და ახლო მახლო მცხოვრებ მუსულმანებმა დიდი დახმარება გავციწიეს. რუსის ჯარმა, ვაჯავრებულმა, მრავალი სოფელი და დაბა გადასწვა გზა და გზა. ვანჯასთან ბრძოლაში მე მსუბუქად დავიქერი ორ ადვილას.

იმავე საღამოს მივიღე ცნობა, რომ სამგზავრო მატარებელს ძეგამში თავს დასხმოდნენ თათრის ბრბოები და წველას ითხოვდნენ. ჩვენ მაშინვე გავეშურეთ დასახმარებლად და თავდამსხმელნი თითქმის ყველა ამოვწყვიტეთ. მატარებელში ყოფილიყო მოკავშირე სახელმწიფოთა დელეგაცია: ამერიკელები, ინგლისელები, ფრანგები და იტალიელები. ამათთვის ავაზაკებს ყველაფერი წაერთმიათ. დელეგაცია მიემგზავრებოდა თურქესტანს. მე მათ ერთი ორთქლმავალი და სამგზავრო ვაგონი მივეცი. დიდძალი ოქრო თავის ვაჯონში გადმოიტანეს. დელეგაცია სამშვიდობოს გავიყვანე და სამადლობელოდ ერთი პატარა ტოფსიკა ოქროთი სავსე შემომთავაზეს. საჩუქარი არ მივიღე. რითაც ისინი დიდად გაკვირვებული დარჩნენ.

რუსის ჯართან ერთად გავიყვანე მათი მეთაური კუზნეცოვი და შაუმბანი. მათ მადლობა გადამიხადეს. ამ ოპერაციებისა გამო რუსის ჯარის უფროსებისაგან მივიღე დოკუმენტები. რომელსაც მაჩვენა მხარეზე აზის შემდეგი ბეჭედი: სამხ. რევ. შტაბი. მე-17. 22, 23, 24 და 28 კავკასიის. მე-13 და მე-15 თურქესტანის და მეორე ეკატერინეს ყაზახთა პოლკის შერეული რაზმის. 19 თებერვალი,

1918 წ. ნომერი 18. სადგური ევლახი. ამიერკავკასიის რკინის გზა. დოკუმენტის შინაარსი იყო: ჯავშნიანი მატარებლის უფროსს. სამხედრო რევოლუციონური შტაბი უღრმეს მადლობას უძღვნის ჯავშნიანი მატარებლის უფროსს კაპიტან ვოგუაძეს, რომელმაც გააცილა ჩვენი რაზმები მესამესე ვესრსიდან ამიერკავკასიის რკინისგზის სადგურ ევლახამდე; მიიღო მხურვალე მონაწილეობა განჯასთან მომხდარ შეტაკებაში და ჯავშნიანი მატარებლის არტილერიის ცეცხლით განათავისუფლა გზა ეშელონებისათვის შეიარაღებული თათრებისაგან. შტაბი გულითად მადლობას უძღვნის აგრეთვე ჯავშნიანი მატარებლის კომანდას მისი თავგანწირული მონაწილეობისათვის ბრძოლაში. სამხედრო შტაბის თავჯდომარე — (ხელისმოწერა ვერ გავარჩიე). რაზმის უფროსი — პოლუმორდვინოვ; შტაბის უფროსი — ყურავიოვ.

სადგურ ევლახიდან იმავე ღამეს მივედით განჯაში. იქ დიდი უწყესობა იყო გამეფებული. ბანდები მეტად უკმაყოფილო იყვნენ ჯავშოსანის. ჩვენ მაშინვე აღვადგინეთ წესიერება და აქედან თბილისს გავემგზავრეთ.

შამხორის სადგური შეიარაღებულ ბანდებს დაეპყროთ. ჩვენ ისინი ადრე შევნიშნეთ. თათრებმა ჩვენი მატარებელი სამგზავროდ მიიღეს და გასაძარცვავად მოემზადნენ. ბანდები გავანადგურე და სამი მათი მეთაური ტყვედ წამოვიყვანე.

თელავიდან ცნობა მოვიდა: 20 თებერვალს მერვე ქართული პოლკი აჯანყდა, ქალაქი თელავი დაარბია და მოგვეშველეთო. თბილისის წითელმა გვარდიამ მოახდინა სასწრაფო მობილიზაცია. 21 თებერვალს წითელი გვარდია და ჯავშნოსანი ნომერი ოთხი თელავისაკენ გაეშურა. 22 თებერვალს, დილის 9 საათზე წითელი გვარდია და ჯავშნოსანი თელავის რკინის გზის სადგურზე მივიდა. გვარდიელები თელავის ქალაქისაკენ წავიდნენ, ხოლო ჯავშნოსანმა მოხერხებული პოზიცია აირჩია და კაზარმები მიზანში ამოიღო. საბედ-

ნიეროდ ჯარისკაცთა ყაზარმები ქალაქს გარეთ იყო აშენებული და თუ ჩვენ სამწუხარო ბრძოლა მოგვიხდებოდა, ქალაქი და მისი მცხოვრებნი არ დაზიანდებოდნენ.

11 საათზე მემამოხენი გვარდიას სროლით შეხედნენ; სროლამ ცხარე ხასიათი მიიღო. ჩვენ ერთი ყუმბარა ჯავშნოსანიდან ყაზარმებს ვესროლეთ შესაშინებლათ ჯარისა და ამიტომ მას გადავაციოლეთ. სროლა შეჩერდა, მაგრამ ათ წუთში ისევ განახლდა. ჩვენი ზარბაზნის მეორე ყუმბარა ყაზარმის წინ დავაგდეთ. სროლამ იკლო. ტელეფონზე აჯანყებულთა ხელმძღვანელი გამოვიძახე; ჩვენ შორის გაიმართა მოლაპარაკება. მე მას ულტიმატუმი წარვეუდგინე: იარაღი დაეყარათ და თეთრი ბაიზახებით გამოსულიყვნენ. 15 წუთის დრო მივეცი; თუ ჩემს მოთხოვნილებას არ აასრულებთ, ჯავშნიანი მატარებელი პირდაპირ ყაზარმებს დაგიშენთ-მეთქი. მცირე ხნის შემდეგ მივიღე პასუხი: გნებდებითო. მოხდა მათი სრული განიარაღება; მეთაურები შეპყრობილ იქნენ; ჯარისკაცებს ნაძარცვი ქონება ჩამოერთვათ.

ამ მცირე ბრძოლაში ორივე მხრივ იყვნენ მოკლულნი და დაჭრილნი. გვარდიას მოუკლეს ორი, დაუჭრეს რამოდენიმე. მემამოხეებს მოეკლათ თავისი ოფიცერი სოლო ყაზახაშვილი, რადგან იგი ჯარისკაცებს უშლიდა თურმე ქალაქის დარბევა არ მოეხდინათ და სისაძაგლე არ ჩაედინათ.

წავედი ქალაქის სანახავად. თელავი საშინელ სანახაობას წარმოადგენდა: არ იყო დაუმტვრეველი არც სახელმწიფო და არც კერძო დაწესებულება; დუქნები იყო გაძარცვული. გამიკვირდა, როცა ყველაფერი ეს ჩემი თვალთი ვიხილე. ქართველი ჯარისკაცი თუ მათგანს იკადრებდა, არ მეგონა!

23 თებერვალს წესრიგი უკვე აღდგენილი იყო. მცხოვრებლები უკვე ოჯახებში დაბრუნდნენ; ხალხი ქუჩაში გამოეფინა და მადლობას ეუბნებოდნენ გვარდიელებს და ჯავშნოსნებს. შესდგა სამხედრო

სასამართლო. რომელმაც აჯანყების სამ მეთაურს დახვრეტა გადაუწყვიტა, რაც სადგურთან სისრულეში იქმნა მოყვანილი.

1918 წ. მარტის 15-ს თბილისიდან ბაქომდე ვიდოდით რკინის გზაზე წესრიგის აღსადგენად. რუსების ეშელონების და აჯიკაბულში რუსების კოლონიის დასახმარებლად. აქსტაფათათლჯს შუა. დილის ხუთ საათზე თათრის ბანდებმა შემოგვიტიეს. მოგვიკლეს არტილერისტი პეტრე ჩხაიძე, დაგვიჭრეს გოგიტაშვილი. პეტრეს ცხედარი აქსტაფაში დავტოვეთ და ჩვენ გავეშურეთ განჯისაკენ. გზა და გზა შეიარაღებული ბანდები გვეცემოდნენ; ჩვენ მათ ვიგერიებდით; ერთი შეტაკების დროს მათი მეთაურები ტყვედ წამოვიყვანეთ. ესენი აღმოჩნდნენ ოსმალეთის ოფიცრები. გამოიჩვენა, რომ თურქები კავკასიაში შემოსასვლელად ნიდაგს ამზადებდნენ, შოულობდნენ რუსულ იარაღს და ბანდებს აიარაღებდნენ.

აჯიკაბულში რუსის მოსახლეობასთან მივედით და დახმარება გავუწიეთ. რუსების სიხარულს საზღვარი არ ჰქონდა.

აქედან წავედით სადგურ „ვოლჩი ვოროტა“-ზე. იქ მივიღეთ თბილისიდან ბრძანება დაბრუნების შესახებ. საგანჩალაში გორაკზე რამოდენიმე შეიარაღებული კაცი შევნიშნე. შევიპყარით. მათ შორის აღმოჩნდა ერთი მოლა, ორი ოსმალ ოფიცერი და ორი უნტერ-ოფიცერი. სადგურ საგანჩალოში მოსამსახურენი მოეკლათ, ქალები და ბავშვები ამოეწყვიტათ.

დაბრუნებისას ყველა სადგურზე მივეცი დეპეშით განკარგულება. რათა ყველა სადგურზე სოფლელი თათრები შემხვედროდნენ. მე მათ ვუხსნიდი რკინის გზის მნიშვნელობას და მოვუწოდებდი: რკინის გზის დაცვაში დაგხმარებოდნენ. ჩემთან მატარებელზე იყვნენ თბილისიდან ბაქოში მიმავალი დელეგატები: თათრები, სომხები, რუსები და ქართველები. ესენიც უკან დაბრუნდნენ. გზაზე ვკრეფდით ლტოლვილებს — ბავშვებსა და ქალებს და თბილისში ხუთას სულამდე ჩამოვიყვანეთ.

სადგურ ნავაგისთან შეეჩერდით; მოლა და ოსმალები სოფლის ხალხს გადაეცით. საზოგადოებამ სასამართლო აირჩია. სასამართლომ სადგურ საგანჩალოში ქალებისა და ბავშვების ამოუღეტისათვის მოლას სიკვდილი გადაუწყვიტა. ეს განაჩენი, რასაკვირველია, მოლას წაუკითხეს; მოლამ სიკვდილის წინ ილოცა და მან სთქვა — მე ვასრულებდი ალაჰის ბრძანებას; ვხოცავდი გიაურებს და ახლა ალაჰთან გეახლებიო. ოსმალო ოფიცრებს ვუბრძანე მოლა დაეხერტათ. ისინი შეწუხდნენ — წმინდანი როგორ მოვკლათო! მაგრამ უარი ველაზ გაბედეს, მოლას ესროლეს და ხელაწეული მონა უსულოდ მიწაზე დაეცა. ის ოფიცრები განჯის სატუსალოში გავგზავნე, ჩვენ კი თბილისს ჩამოვედით.

მუშაობა, რომელიც ჯავშნოსანმა შეასრულა თებერვალში და მარტში 300 ვერსის მანძილზე ძლიერ ცუდ პირობებში მიმდინარეობდა. რკინის გზა მისი ხიდებით და სადგურებით განადგურებული იყო. წყალი და მაზუთი ორთქლმავლისათვის ედროებით საძებარი იყო. სადგურის მუშაკების 90 პროცენტი გაქცეული იყო. აუტანელი სიცივე და მუდამ თავდაცვის ნიადაგზე ყოფნა, თათრების ბანდების განუწყვეტელი თავდასხმა და ავაზაკების შემოტევა — ყველაფერი ეს მუშაობას ართულებდა და ამძიმებდა. მიუხედავად ყველა ამ დაბრკოლებისა ჯავშნოსანის მეომრებმა ყოველგვარ გასაჭირს სძლიეს და რუსის ჯარის გაყვანაში და წესიერების აღდგენაში მაინც გაიმარჯვეს. ჩვენმა ჯავშნოსანებმა ორასი ათასი რუსის ჯარის კაცი, რომელიც კარგად შეიარაღებული იყო, სამშვიდობოს გაიყვანეს.

თბილისიდან ევლახის სადგურზე გავგზავნე ერთი ჯავშნოსანი, ჩემი თანაშემწე რაჟდენ სალუქვაძის უფროსობით, რომელმაც იქიდან ჩამოიტანა რუსის ჯარისკაცებისაგან მიტოვებული ვაგონები და ორთქლმავლები. მარტში უკვე სამი ჯავშნოსანი მატარებელი გაგვაჩნდა და ორი ჯავშნოსანი დაკვეთილი იყო თბილისის სახელოსნოში. ჯავშნოსანის საქმეს კარგად გავეცანი და მისი ნაკლის

შეესებას შევეუდექი. დამავიწყდა მეთქვა, რომ პეტრე ჩხაიძე ლანჩხუთში მის მშობლებს ჩაუსვენეს.

თბილისის არსენალში ზარბაზნის და ტყვიამფრქვევის ვაზნები და ყუმბარები არ აღმოჩნდა. იყო 900 ცალი ტყვიამფრქვევი და არც ერთი ვაზნა, რადგან ყველაფერი ეს ომის დროს რუსის მთავრობას გაეგზავნა ალექსანდროპოლში, ყუმბარები კი ჭარაკამიშში. არ გვქონდა არც ავტომობილის ნაწილები.

აღმასრულებელმა კომიტეტმა დამავალა ალექსანდროპოლში და სარაკამიშში ჯავშნოსანით წასვლა და ზემოდ აღნიშნული მასალების ჩამოტანა. სამაგიეროდ ჩვენი გვარდიის შტაბმა სომხეთს აღუთქვა 30 ტყვიამფრქვევი; სომხებს ჩვენთვის უნდა მოეცათ ექვსი მილიონი ვაზნა ტყვიამფრქვევათვის. მივედი ალექსანდროპოლში და გვარდიის შტაბის წერილი გენერალ ნაზარბეკოვს გადავეცი. გენერალმა მითხრა — შტაბს თქვენთვის გამოუტანებია 30 ტყვიამფრქვევი; გაგატან ოფიცრებს და ჩააბარეთო. მე არავითარი ტყვიამფრქვევი არა მქონია და მეტად უხეზულ მდგომარეობაში ჩავედექი. დაველაპარაკე გვარდიის შტაბს თბილისში პირდაპირი მეთუღით. შტაბმა აღმითქვა, რომ საჩქაროდ გამომიგზავნიდა ტყვიამფრქვევთ. გენერალს ჩვენი გვარდიის შტაბის დაპირება გადავეცი და ის დათანხმდა ექვსი ვაგონი ვაზნებისა მოეცა.

ვაგონები შათირიშვილის მეთაურობით იქ დავტოვე და მე სარაკამიშისაკენ გავემგზავრე. რამოდენიმე დღის შემდეგ სარაკამიშში ვიყავი. იქ მყავდნენ მეგობრები, რომლებიც მე ხელს მიწყობდნენ. ეს ის დრო იყო, როცა ოსმალები სარაკამიშთან ახლოს იყვნენ მოსული. მეგობრების დახმარებით საწყობებიდან ოცდამათხი ვაგონი ყუმბარა და ავტომობილების ნაწილები გამოვიტანეთ.

სომხების გენერალმა მთხოვა ამეყარა იარაღი სომხების პოლიკისათვის, რომელიც ფრონტიდან გამოქცეულიყო და ქალაქში უწე-

სოებას ახდენდა. გენერალის თხოვნა შეეასრულეთ და ქალაქში სიწყნარე ჩამოვარდა.

9 მარტს დილით ალექსანდროპოლში მოვედით. ვაზნებით და ტვირთჯლი ვაგონები ჯავშნოსანს მოვუბით. 9 საათზე ჩემთან მოვიდა სომხის კაპიტანი, რომელსაც თან ახლდა 150 კაცი შეიარაღებული და გადმომცა წერილი, რითაც გენერალი ნაზარბეკოვი მიბრძანებდა: გადამეცა ოფიცერისათვის ყველაფერი ის, რაც საბაკამიშიდან ჩამოვიტანე, წინააღმდეგ შემთხვევაში, ძალით წაღებას მემუქრებოდა. მე, რასაკვირველია, უარით ვუპასუხე. დავიბარე სადგურის უფროსი ყაზახიშვილი და ვუთხარი: საბარგო მატარებელი წინ გაეშვა და მე ჯავშნოსანით უკან გავყვებოდი. კაპიტანს ვუთხარი, მანევრებს ვაკეთებთქო წყლისა და მახუთის მისაღებად. კაპიტანი დავაჯერე. საბარგო მატარებელი სემაფორს გასცილდა, მე კი მას უკან მივყევი. კაპიტანი მიხვდა, თუ რაც მოხდა, მაგრამ უკვირიან იყო.

გავცილდით ალექსანდროპოლის სიმაგრეებს და შევუდექით აღმართს; აქ რამოდენიმე ვაგონი მოწყდა საბარგოს და ჯავშნოსანისაკენ გამოექანა. საბედნიეროდ ეს უბედურება ადრე შევნიშნე და სწრაფად ვაგონებს შევეგებე. ავცილთ საშინელ დაჯახებას. მოხდა მცირე შეტაკება ვაგონებისა; მორიგ სადგურზე მოხელენი შეუდგნენ დაზიანებული ვაგონების შეკეთებას. ნაშუაღდევის სამი საათი იქნებოდა, როცა სადგურის უფროსმა გადმომცა ვალიკო ჯუღელის დეპეშა. შტაბი მატყობინებდა, რომ სომხებისათვის გამოგზავნილი 30 ტყვიამფრქვევი სადახლოში თათრების შეიარაღებულმა ბანდებმა გაიტაცეს. ჩვენ თბილისიდან მათ დასასჯელად წამოვედით, მაგრამ მათმა ძალამ გვძლია და დაგვეხმაურეთო.

საბარგო მატარებელზე ათი მხედარი დავტოვე. უფროსს ამოცანა მივეცი: თუ სომხები მატარებლის წართმევას მოინდომებდნენ, წინააღმდეგობა გაეწია და მე მათ მივეშველებოდი. იმ დროს სომხები თავის სამხედრო ბაზად ბამბაკის მთებს ინახავდნენ. ყველა სა-

დგურს მივეცი დეპეშა განკარგულებით, რომ ჯავშნოსანი სადახლომდე დაუბრკოლებლად გაეშვათ. აირუმის სადგურს გავცილდით. აღმოსავლეთით დებეჩაის მდინარის გაღმა, მალლობზე თათრების ცხენოსნები მოსჩანდნენ. ჩვენ წინ რკინის გზის ხიდი დამწვარი იყო. მოხელეები ხიდის შეკეთებას შეუდგნენ. ცხენოსან ზანდიტებს ზარბაზნებიდან შრაპნელები დაეუშინეთ. ხიდიც გაკეთდა და თათრებიც გავრეკეთ. ამ დროს ჩვენთან მატარებლით მოვიდა ვალიკო ჯუღელი, მაისურაძე და დგებუაძე. ჯუღელმა სიხარულით გადაამკიცნა და სადახლოსაკენ გავეშურეთ. იქ თათრები დაგვენებდნენ და თეთრი დროშებით შეგვხვდნენ. შემდეგ მე ბამბაკისაკენ გავსწიე საბარგო მატარებლის დასახმარებლად.

აირუმის სადგურზე სომხებს ქართველი მოსამსახურენი დაეტუსალებინათ, მათთვის ტანზე გაეხადათ და დასახვრეტად გაჰყავდათ — იყო 15 ქართველი. ისინი გავათავისუფლე და სომხების მეთაურები შევიპყარი. ერთი ამ თხუთმეტთაგანი, ვასო მარჯანიშვილი, ამ უმად საფრანგეთში ცხოვრობს. ბამბაკში ჩვენი საბარგო მატარებელი ვიღაც ჯომეხ კაპიტანს მიეთვისებინა და განკარგულებას ახდენდა მის დასაცლელად. კაპიტანი შევიპყარი.

ამ დროს ჩემთან მოიყვანეს ერთი წვერგათეთრებული რუსის პოლკოვნიკი, რომელმაც განმიცხადა, რომ სარაკამიშიდან ჩამოიტანა ორი ვაგონი საეჩიმო მასალა, ღირებული არა ნაკლებ 15 მილიონისა და მინდა ეს განძი საქართველოს გადაეცეო. მე ეს ძვირფასი ვაგონები საბარგო მატარებელს მივეუბი და წინ წამოვედით. სომხის კაპიტანი სადგურ შაგალაში გავუშვით და დავავალე გენერალ ნაზარბეკოვისათვის გადაეცა ჩემი თხოვნა, რომ რკინის გზის მოსამსახურე ქართველებს კარგად მოჰყრობოდნენ, ქართველებსა და სომხებს შორის შუღლი არ ჩამოაგდოთმეთქი.

გენერალ ნაზარბეკოვს ებრძანებინა ჩემი ჯავშნოსანის შეპყრობა. სადახლოში ღამით მივედით. იქ ჩემი ძმა ალფეზი დამხვდა. იგი მე თბილისის საავადმყოფოში დაეტოვე და ამიტომ წყენით ვუ

თხარი: ავადმყოფი აქ რად მოდიოდინ-მეთქი! მას თურმე გულმა აძო მოუთმინა და ჩვენკენ გამოეშურა. თბილისის მშვიდობით ჩავედით. ხელისუფლებამ მადლობა გამოამიციხა და ამოცანის შესრულებისათვის. რუსის პოლკოვნიკი, რომელმაც საქართველოს დიდებულნი ძღვენი მიართვა, კარგად მიიღეს და დაჯილდოვებული ბათუმიდან, როგორც ეს მას სურდა, რუსეთს გაუშვეს.

1918 წლის გაზაფხულიდან 1919 წლამდე ბორჩალოს მაზრაში სომხეთიდან გამოქცეული სომხის ბავშვები და ქალები, მთებში სიცივე-ყინვაში მიტოვებულნი, მოვაგროვე ორი ათასი სული და ნავთლულში სომხების თავშესაფარს მიუყუყანე. სომხების საზოგადოებამ გაზეთ „კავკასიის სლოვო“-ში დიდი მადლობა გამოგვიცხადა.

ამიერკავკასიის მთავრობამ გვიბრძანა: ჯავშნოსანი გავეგზავნა ნახიჩევანზე რკინის გზისა და საერთოდ წესრიგის აღსადგენად. ამ ოპერაციისათვის გაგზავნილ იქნა ჯავშნოსანი ნომერი პირველი. ევტიხი ხუნგიას მეთაურობით. ჯავშნოსანს გაჰყვა დელეგაცია სომხებისა, რუსებისა და თათრების. ჯავშნოსანმა წესიერება აღადგინა. აღმოუჩინა დახმარება რკინის გზის მუშა-მოსამსახურეებს, შეაჩერა სომეხ-თათართა შეტაკება, გამოიყვანა მრავალი ლტოლვილი რუსის და ქართველების, სომეხთა და თათრების ქალები და ბავშვები. ჯავშნოსანმა ექსპედიციაში დაჰყო 13 დღე. დაკისრებული მოვალეობა ჯავშნოსანმა კარგად შეასრულა და მცირე მსხვერპლიც გაიღო.

1918 წელში მატიდან ოსმალეთი კავკასიის და განსაკუთრებით ამიერკავკასიის დაპყრობის სამზადისს შეუდგა. ამ მიზნით ოსმალურმა შტაბმა დაგზავნა თავისი აგენტები, უმთავრესად კავკასიის მუსულმანურ მხარეებში.

მალე ოსმალეთის ჯარი საქართველოზე შემოტევას შეუდგა. 1918 წლის 17 მარტს მე ჯავშნიანი მატარებლით ჩავედი ქობულ

ლეთში. მოვიწვიე იქაურების კრება. კრებას დიდძალი ხალხი დაესწრო. ქობულეთლებს ავუხსენი ჩვენი რთული მდგომარეობა. გავიხსენე აგრეთვე ზოგი აქარელის შავბნელი მოღვაწეობა 1905 წლის რევოლუციონური მოძრაობის დროს; 1914 წელს თუ რა უბედურება დაატყდა აქარას, როგორი ძმური დახმარება გაუწია მას ქართველმა ხალხმა. დაბოლოს მოვეუწოდე ქობულეთელებს მოძმე ქართველებისათვის მომხდური მტრის წინააღმდეგ დახმარება გაეწიათ და თუ შავი ძალები გაჩნდებოდნენ, მათი მოქმედებისათვის ხელი შეეშალათ. ქობულეთელებმა დაადგინეს: დახმარებოდნენ საქართველოს, მათ დედას. ასეთივე კრება გავმართე ჩაქვშიაც.

ამიერკავკასიის მთავრობამ დელეგაცია გაგზავნა ტრაპიზონში აკაკი ჩხენკელის მეთაურობით ოსმალეთთან მოსალაპარაკებლად. ოსმალებმა დელეგაცია დიდი პატივით მიიღეს. მაგრამ საქართველოს დასაპყრობად დიდი ჯარიც გამოაგზავნეს. 25 მარტს ოსმალეთის მთავრობამ ჩვენ დელეგაციას მოსთხოვა ბათუმის ოლქის დატოვება. ჩვენმა დელეგაციამ უარით უპასუხა. ოსმალეთმა ჯერ შეტევა დაიწყო პატარა რაზმებით. 26 მარტს მათ სიმაგრე ერგეთზე იერიში მიიტანეს. ცნობა მოვიდა, აქარლებმა ქობულეთსა და ჩაქვს შორის რკინის გზა გააფუჭესო. მაშინათვე ვავემგზავრე ჯავშნოსანით და რკინის გზა აღვადგინე.

27 მარტს მათ ორთა ბათუმის წყალსადენი გააფუჭეს. იქაც გაგზავნილ იქნა დამცველი რაზმი. აქარლების პატარა რაზმები ახდენდნენ შემოტევას. მათ ჰქონდათ ორი მოტორის ხარბაზანი. 31 მარტს ოსმალთა მხედართმთავარმა ულტიმატუმი წარმოადგინა, რომ ბათუმი დაგვეცალა.

გენერალ ართმელაძემ მითხრა, რომ ფრონტიდან ჩვენი ჯარები მოიხსნენ. „გოროლოკში“ ჩამოვიდნენ და ზომები მიიღეთო. მე ამ აღგილთან ჯავშნოსანით ახლოს მივედი. შემდეგ ჯარს მივეუახლოვდი და მე მას სიტყვით მივმართე: ყველას მოვეუწოდებდი უკან დაბრუნებულიყო და ებრძოლა სამშობლოსათვის. ზოგი გაჯავრდა და



სოკოლამ. ს. შაოლის იორგანის დელეგატი აულო. 1937 წ.

შემომიტრა კიდეც. მე მაშინვე ჯავშნოსანზე მივუთითე და მოვაგონე, რომ ცეცხლს გაეხსნიდი. ისინი შეშინდნენ და ისევ წაყვიდნენ პოზიციებზე. იქ გავიგე, რომ ჩემი მტრები, რომლებმაც მე 1916 წ. დამკრეს, მოკვლას მიპირებდნენ. მათ თვითონ ვლადიმერ თავაბთქილაძის პირით შემომითვალეს: სადაც შეგვხვდებით მოკლავთო!

ბათუმის რკინის გზის საბაგო სადგურის კანტორისაკენ მარტო წავედი. უცბად შემეჩხენენ მაუხერიით და კაბაბინით ხელში ხალვაში და სირაძე. ისინი საფარისაკენ გაიქცნენ. მე დავასწარი და ორივე უსულოდ დაეცა.

ბათუმის საქმე წაგებული იყო. ჩვენ მას ვერ შევიმაგრებდით და ოსმალეთის ჯარი მას აიღებდა. გადავწყვიტე მტრისათვის არც ერთი ვაგონი არ დამეტოვებინა. განკარგულება გავეცი. ყველა ორთქლმავალი და ვაგონები ბათუმიდან გამოეშვათ, რაც სისრულეში მოიყვანეს.

ცნობა მივიღეთ, ზღვის პირით ბაჩცხანაში მტერი ცდილობდა სიმაგრეების ხელში ჩაგდებას. იქ ჯავშნოსანით გაეჩხენი და მტერი უკუ ვაქციე. ამავე დროს ორთა ბათუმიდან მტერმა დიდი ჯარით წინ წამოიწია და ცდილობდა თამარაზე რკინის გზის ხაზის ხელში ჩაგდებას. მე ეს გავითვალისწინე ადრე და იქ რკინის გზის შტო გავიყვანე. ჯავშნოსანით იქ დავდექი და მათი სვლა შეჩერდა. აქ ჩემთან მოვიდა ჩემი ნაცნობი ბაქოდან კონდუქტორი სკამკოჩაიშვილი და მთხოვა ჯავშნოსანზე მიმელო იგი. მოხალისე მივიღე და თავის თანამდებობაზე დავნიშნე.

შუა ღამისას ბათუმიდან ყველა მატარებელი გავიდა. მე თამარის ხიდზე გავმაგრედი. ჩემთან მოვიდა ერთი ჯგუფი ოფიცრებისა (ოცდაათი კაცი) და თავისი თავი ჩემს განკარგულებაში გამომიცხადეს.

მტერმა არტილერიის ცეცხლით დააზიანა რკინის გზის ხიდი; იძულებული გაეხდი გალმიდან მებძოლა ზარბაზნებით. გზა და გზა

ბავშვები და ქალები მოვავროვე და ქობულეთში მივიყვანე. მერმე ისევ ჩაქვისაკენ გავსწიე. ის ღამე ჩაქვსა და ბათუმს შორის გავატარე და ვებრძოდი ოსმალთა იმ რაზმებს, რომლებიც რკინის გზის დაპატრონებას ღამობდნენ.

1916 წ. 2 აპრილს გენერალ გაბაშვილისაგან ცნობა მივიღე, რომ პოლკოვნიკ ყარალაშვილის ჯარი, რომელიც ჩაქვის თავზე გაჩიხულიყო, ოსმალებს გზა მოეჭრათ მისთვის და ტყვეობა მოეღისო. მიბრძანებდა მივშველებოდი და ტყვეობიდან გამომეყვანა. ამ დროს ნატანებოზურგეთის ხაზის ხელმძღვანელი იყო გენერალი მაზნიაშვილი. 2 აპრილს დილით ადრე ჯავშნოსანით გავემგზავრე. ქობულეთს რომ მივუახლოვდი, ოსმალოს ჯარები ქობულეთის აღმოსავლეთით გორებზე მოსჩანდნენ. დილის რვა საათი იყო. სადგურში ჩემი ქობულეთელი მეგობრები შემხედნენ. მათ გაუკვირდათ ჩემი ამ დროს მისვლა ქობულეთში. მე მათ ავუხსენი ჩემი მიზანი ჩაქვში წასვლისა და ვთხოვე დამხმარებოდნენ: მათ უნდა გაეგზავნათ ოსმალებთან დელეგაცია და ეთხოვათ: სანამ ქობულეთლები საზეიმო შეხვედრას არ მოაწყობდნენ, მანამ იქ არ ჩამოსულიყვნენ. თუ ასე არ იზამდნენ, მაშინ მე ოსმალოებს ბრძოლას გავუმატავდი და ქობულეთი დაზიანდებოდა. მათ ჩემი აზრი მოეწონათ. დახმარებაც შემპირდნენ.

დილის 9 საათზე ჩაქვის სადგურზე ჩავედი. ჩაქვის სადგური ოსმალო ცხენოსან ათასეულს დაეკავებინა. ისინი ტყვიისმფრქვეველის ცეცხლით გავანადგურეთ. ოსმალები ჩაქვის მიდამოებშიც ყოფილან და ყოველი მხრიდან სროლა აგვიტყხეს. რკინის გზის გასწორებ ქვევით ქვეითი ჯარი გამაგრებულყო, ყარალაშვილის შტაბი დაეპატიმრებინა და ამისი ჯარი ჩაქვის მთაზე იყო მიჩიხული. შევეუდექით ბრძოლას რკინის გზის გასწორებ. ერთი ნაწილი მტერისა ბამბუკის ქაჩანაში იყო, რომელსაც ჯავშნიანით ვერ მივღდექით. ამიტომ ჯავშანიდან 25 კაცი გადავსხი პორტირე გორგიშვიდის მეთაურობით. ჩვენებმა ქაჩანაზე იერიში მიიტანეს და მტერი მოსპეს.

რკინის გზა გაეწმინდეთ; ამით ჩვენმა ჯარმა ისარგებლა და მცირე მსხვერპლით დაიხია უკან. 2 საათზე ჩვენები მოვიდნენ; მე მათთვის ვაგონები მზად მქონდა და შიგ ჩავსვი. არტილერიისათვის ადგილი არა მყოფო და იგი ცხენებით გადავაზიდვინე; მცველებად 50 ცხენოსანი ჯარისკაცი გავაყოლე. 4 საათზე ეშელონებს გაეუძებინე და ქობულეთისაკენ წავედი. სადგურს ცოტა რომ გავშორდი, მტრის არტილერიამ მოგვისწრო; ცეცხლი გაგვიხსნა. ეშელონში მოგვიკლეს რამდენიმე კაცი. ქობულეთიდან ნატანებში უნდა წავსულიყავი. ამ დროს ჩემთან მოვიდა ერთი დაჭრილი მეომარი და გამიცხადა: არტილერიას მტერი დაეცა და მოგვეშველეთო. ჯავშნოსანით მტრისაკენ გავეშურე. სამი ვერსი გავიარე და ბრძოლის ველს მივუახლოვდი. ჩვენები ყველა დაეხოცა მტერს. მას შევებრძოლეთ და დავამარცხეთ. ჩვენი დაზოცილები, დაჭრილები და არტილერია ვაგონებში მოვათავსე და ქობულეთში დავებრუნდით. აქედან ნატანებს წავედი.

3 აპრილს ქობულეთთან ტყეში დავატუსაღე ხუთი ოსმალო მზვერავი და სამტრედიაში გენერალ გაბაშვილს მივუყვანე.

4 აპრილს გენერალ მაზნიაშვილმა ცნობა მიიღო, რომ ოჩხამურის ხიდთან ჩვენ მოწინავე რაზმს ოსმალები დაესხაო. გენერალმა მიბრძანა საჩქაროდ წავსულიყავი და ჩვენებს დავებმარებოდი. მეც იმ წუთსავე ოჩხამურისაკენ ავჩქარდი; გენერალიც თან წამომყვა. ორივე ორთქლმავალზე ვიყავით. პოზიციას რომ მივუახლოვდით. მზვერავები გადაესხი, რათა მათ გზა გაეშინჯათ და მატარებელი ნელა წავიყვანე. გენერალი მეუბნებოდა: ჩემი პასუხის მცებლობით მატარებელი ააჩქარეო. ბრძანებას დავემორჩილე.

ოჩხამურის ხიდზე მტრის მზვერავებს გზა გაეხსნათ. წინა ვაგონი და ორთქლმავალის ტენდერი ხრამში ვადაიჩხება. ორთქლმავალის ცხელი წყლის მილი გასკდა და ჩვენ კარი ჩაგვეკეტა. შემანქანეს ვუთხარი კარი გაეტეხა ზღმილით. კარი მან ჩქარა გახსნა და ჩვენ მოხარშვას გადავრჩით. გენერალი ჩემზე უფრო დაიწვა. მე მაშინვე ხრამში გადავეშვი ვაკონის დასათვალიერებლად. საბედ-

ნიეროდ ზარალი მცირე იყო. მეომრები გაბეთ გამოვიყვანეთ და პოზიცია დავიჭირეთ. დამსხვრეული ვაგონიდან ყველაფერი მოეხსენით და უკანა ვაგონში გადავიტანეთ. პოზიცია აღვადგინეთ ჯარის მეოხებით და ჩვენ ნატანებში დავებრუნდით. ეს ჯავშნიანი იყო ნომერი მესამე. ხოლო მეოთხე ნომერი სამტრედიის სახელოსნოში იყო შესაკეთებლად.

5 აპრილს ჯავშნიანი ნომერი მეოთხე ნატანებში მოვიდა. ჯავშნოსანები ასე იყო განაწილებული: ორი იყო ბორჩალოს მაზრაში, ერთი იყო კახეთში, ორი ნატანებში და ერთი განჯაში.

5 აპრილს ნატანებში ჩამოვიდა ნოე ყორდანი, ირაკლი წერეთელი, ვლასა მგელაძე და სხვ. ისინი კარაბინით იყვნენ შეიარაღებული და მთხოვეს ჯავშნოსანზე მეომრად მიგვიღეთო. ნატანებში ბევრი გუბული ჩამოვიდა და მიტინგზე ირაკლი წერეთელს სთხოვეს სიტყვა წარმოეთქვა. წერეთელმა უარი განაცხადა: მე ვალოდია გოგუაძის ჯავშნოსანზე ჩავეწერე მეომრად და ახლა მტერს კარაბინით უნდა ველაპაჯო. სამაგიეროდ მე თვითონ მთხოვა — შენ ელაპარაკე ხალხსო. მიტინგზე შეიარაღებულ გურულებს მოვუწოდებრძოლისაკენ. ბევრი გუბული ჯარში ჩაეწერა და პირდაპირ ფრონტზე წავიდა.

ნატანების ქვევით სტრატეგიული მნიშვნელობის რკინის გზის შტო გავიყვანეთ და ღამით ჯავშნოსანით საღარაჯოდ დავდიოდით. 5 და 6 აპრილს ჩვენს ჯავშნოსანს ახალი მეომრები ამშვენებდნენ. კაკი წერეთელი ცხარობდა, რომ ბრძოლა არ შეგხვდა. ამბობდა: ვმობა ვერ გამოვაჩინეო!

6 აპრილს თბილისიდან მივიღეთ ჯავშნიანი ვაგონი და ტენდერი; მესამე ჯავშნიანი აღვადგინეთ.

ჩემი ახალი მეომრები მეხვეწებოდნენ: დიდ ბრძოლაში წავიყვანეო.

7 აპრილს ღამის პირველ საათზე ჩვენთან მოვიდა გენერალი

მაზნიაშვილის აღიუტანტი და მთხოვა გენერალთან გამოცხადებულ-
ლიყავი. გენერალმა გადმოძცა: ოსმალოს გალიპოლის დივიზიის
ერთი ბრიგადა, შვიდი ათასი კაცით, მდინარე ჩოლოქის ხიდს გაღმა
დაბანაკდაო. რადგან საკმარისი ძალები არა გვეყავს, ამიტომ მდი-
ნარე სუფსის გაღმა უნდა დაიხიოო. მიბრძანა: დახვეის დროს ჯავ-
შნიანით არიერგარდში ვყოფილიყავი და მტრის თავდასხმისაგან
იგი დამეცვა, ბოლოს ამეფეთქებინა რკინის გზის ხიდები და სუფ-
საში მივსულიყავი. მე მას ჩემი გეგმა მოვახსენე: მტრის პოზიციებში
შევიქრები და ბრძოლას გავუმართავ-მეთქი. გენერალმა ეს განზ-
რახვა არ გაიზიარა და ამიკრძალა კიდევ: ტყუილაუბრალოდ დაი-
ლუპებითო. მე თუ არიერგარდში უმოქმედოდ ვიქნებოდი, მაშინ
მტრის არტილერია დამაზიანებდა. გენერალმა ბოლოს მითხრა და
დამლოცა: ნახე! როგორც სჯობდეს, ისე მოიქეციო.

ჯავშნოსანის მხედრებს არ ეძინათ. უკვე ორი საათი იყო მებრ-
ძოლები შევეკრიბე და მათ მდგომარეობა განვუმარტე, ჩემი გადა-
წყვეტილებაც გავაცანი. ისიც არ დამიმალავს მტერი ჩვენზე მრავ-
ალრიცხოვანია, ერთზე ოთხმოცი იქნება და თუ ვინმეს არ შე-
გიძლიათ, ძირს ჩადით და სიტყვას გაძლევთ: საყვედურსაც არ გე-
ტყვი-მეთქი. პასუხად ყველამ ერთხმად შემძახა — სამშობლოსა-
თვის ვიბრძვით და მისთვის დავიხოცებით წაგვიყვანე მტერთან პი-
რისპირა შესახვედრად!

ჯავშნოსანის მეომართა შორის არც ერთი სუსტი, ან ლაჩარი
არ აღმოჩნდა! შევეჯდექით სამზადისს: ტყვიათმფრქვეველის „ლენ-
ტები“, ყუმბარები, ვაზნები გაანაწილეს, თავ თავის ადგილას მოა-
თავსეს, ყველა იარაღი შეამოწმეს, ჯავშნოსანის ბორბლები დაზე-
თეს და სხვა. მემანქანე გავაფრთხილე. რათა მას ორთქლმავალის იმ-
დენი ძალა დაეგროვებინა, რომ სამ კილომეტრზე დიდი ცეცხლი
არ დასჭირვებოდა. გიორგის ჯვარის კავალერი გობრონიძე თავისი
ჯკუფით გაემგზავრა დასაზვერავად და მალეც დაბრუნდა. მტრის
რაოდენობა, მისი განლაგების სურათი ზუსტად გამაცნო.

გათენების ხანს მებძოლებს შემდეგი სიტყვით მივმართე —

სამშობლოს დროშა აემართოთ, საქვეყნოდ ავაფრიალოთ,
გავიდეთ ბრძოლის ველზედა. ბომბები დავაგრალოთ.

სამშობლოს დროშა აემართოთ, წინწინ გავსწიოთ მტრებზედა.
მას უყვარს დედა-სამშობლო, ვინც მიდრს ბრძოლის ველზედა!

დილის ხუთ საათზე ჩოლოქას ხიდს მივადექით. ოსმალთა გუშაგები დავიქირეთ. მტრის ბანაკში შევედით და შუა ადგილი დავიპყრეთ. ოსმალების ჯარს იქაურობა აევსო. რკინის ვზის აღმოსავლეთით ნაყანევი ადგილები მტრის ჯარებით იყო გავსებული. მე სროლა არ ავტეხე. მტერს ვაპრობინე. რომ მე შეცდომით მოეხვდი მტრის ბანაკში და ვნებდები. უკვე გათენდა და ოსმალნი ჩვენი ჯავშნოსანისაკენ გამოიქცნენ. ახლოს მოვიდნენ. მატარებლის საფეხურებზეც ამოცოცდნენ. ზაბაზნებისა და ტყვიისმფრქვეველების ლულებს ჩამოეკიდნენ. ჯავშნიანი მატარებელი ჩაკეტილი იყო. შიგ შემოსვლა არავის შეეძლო. ოსმალთა იქ მყოფი ჯარი შეგროვდა რკინის გზასთან. როცა აქ ყველამ მოიყარა თავი, მაშინ გავეცი ბრძანება ცეცხლი გაეხსნათ. შეიქნა სასტიკი ბრძოლა. მოწინააღმდეგე მამაცად იბრძოდა. ერთი საათის ბრძოლის დროს ბევრი ოსმალთა დაიღუპა. შემდეგ ოსმალებმა მიაშურეს საფარს და იქიდან დაგვიწყეს სროლა. მე დავიწყე მანევრების კეთება და სადაც ოსმალოებს უფრო მეტი ჯარი ჰყავდათ, სწორეთ იქითკენ გავხსენი მომაკვდინებელი ცეცხლი. ერთ ადგილას სიმონი სიღნაღის მიცემის დროს შეხტა და დაიძახა: მომკლესო. ეს იყო ობერკონდუქტორი სომონ სკამკოჩაიშვილი. რომელიც გზას შინჯავდა ხოლმე და მის ნიშანზე ვმოძრაობდით ხოლმე. მეომრებმა იგი მძიმედ დაჭრილი ამოიყვანეს ვაგონში.

მტრის უმთავრესი ძალა უკვე განადგურებული იყო. 11 საათზე ჯავშნოსანის წინა ეპიზონი გადავარდა რელსებიდან. გადავარდნილი



ვ. კოგუაძე და მისი მეუღლე ნამეტია ბერძენ-შვილის ასულისა
პარიზი, იანვარი 1937 წ.

ვაგონისაკენ მტრის ჯარისკაცები გაიქცნენ. ბოლო ვაგონიდან აღარაინ ისროდა. ამბის გასაგებად გავეზავნე ერთი ჩემი მეზობელი, მაგრამ იგი მაშინვე დასჭრეს და ვაგონში ამოიყვანეს. შემდეგ შემანჯანე ელიზბარ გავანიძე თოფით ხელში ძირს ჩახტა, მაგრამ ისიც დასჭრეს. მერმე მე თვითონ გადავხტი ვაგონიდან და, როგორც იქნა, ხოხვით მივალწიე გადავარდნილ ვაგონამდე. კარზე დავაკაკუნე და ვუთხარი, ვინც ვიყავი. კარი დაჭრილმა ვამიღო. ვაგონში სისხლის მორევი იდგა. სამი მკვდარი და ოცდახუთი დაჭრილი მეომარი იატაკზე ეყარნენ. დაჭრილები მაშინვე ტყვიამფრქვევლებზე დავაყენე და ვუბრძანე: მოახლოვებული ოსმალთა ჯარისათვის ცეცხლი გაეხსნათ. მაგრამ დაჭრილები ისე მძიმედ იყვნენ, რომ მათ ძალა აღარ ეყოთ. მარტო ჩემი ძმა ნოე იყო უვნებლად და ის ისროდა. ნოეს ვუბრძანე წასულიყო უკანა ვაგონთან და გადაეცა ჩემი ბრძანება, რომ ცეცხლი წინ ვადმოეტანათ. ჩემი ძმა ვაგონიდან ჩახტა და იქვე დაჭრეს; მაშინვე მომადახა: არ შეშინდე, დაჭრილი ვარო! თურმე მკლავი მოსტეხეს. მაინც მიაღწია დანიშნულ ადგილამდე და ჩემი ბრძანება გადასცა. უკანა ვაგონმა ცეცხლით დაგვიფარა. მე ავედი სათვალთვალო კოშკზე. მტერი ისევ დაიძრა ჩვენსკენ. უკანა ვაგონიდან მაცნობეს, რომ ნაწილი ტყვიამფრქვევთა სროლისაგან გაფუქტაო.

მტერმა დასავლეთის მხრიდან მაშველი ჯარით მოიტანა იერიში, მაგრამ ახლოს ვერ მოხედეს. რაკი ტყვიაწამალი, იარაღი და მეოპრები აღარ მყოფნიდა, ამიტომ გადავწყვიტე მტრისათვის ჯავშნოსანი არ ჩამებარებინა. განვიზრახე იგი ამეფეთქებინა.

ღილის 11 სრულდებოდა. კოშკიდან ვაგონ ცეიპაუზში მავთული მქონდა ვაყვანილი. შიგ ათ ფუთამდე პეროქსილინის ასაფეთქებელი მასალა იყო მოწყობილი. ერთხელ ლამაზ ბუნებას გადავავლე თვალი, მსურდა დამენახა კიდევ ამ ქვეყნის სილამაზე, მაგრამ დამენანა მისგან მოცილება... მაინც... ელექტრონის ფოლაქს

დავაპირე თითი და... აფეთქება არ მოხდა. თურმე მტრის ტყვიას ელექტრონის მავთული გაეწყვიტა და ამგვარად აფეთქებას ავცდით.

ჩემ მიერ გაგზავნილი აკაკი ურუშაძე გენერალ მაზნიაშვილთან, როგორც იქნა, მივიდა და ჩემი თხოვნა გადასცა. გენერალმა დასახმარებლად ჯარი გამომიგზავნა, გორის გვარდია, ოთხასი კაცისაგან შემდგარი. მტერი წინ ველარ წამოვიდა.

შემდეგ მოალწიეს ხელოსნებმა და ჯაგენიანის წინა ვაგონი რელსებზე შეაყენეს. მოვიდნენ თვითონ გენერალი მაზნიაშვილი და ვალიკო ჯუღელი თავისი ამალით. დაათვალიერეს ბრძოლის ველი. ყველა გამარჯვებას გვილოცავდა. დაქრილ ჯარისკაცებს, როგორც ჩვენსას, ისე მტრისას, დახმარება აღმოუჩინეთ და შემდეგ ნატანებში მივედით. მოკლულთა შორის აღმოჩნდა ჩემი ბიძაშვილი ბარნაბ გოგუაძე, ანდრო ცეცხლაძე და კირილე ბოლქვაძე. დაქრილი 25 კაცი ქუთაისს გაეგზავნენ. მე თვითონ ოთხი კრილობა მქონდა. ერთი ტყვია ბარძაყის ძვალამდე იყო მისული. მიშა ნაკაშიძემ თავის ბინაზე წამიყვანა, კარგად მომიარა და გამიმასპინძლა.

ფოთიდან გამოვუძახე ჯაგენოსანს, რომელსაც დაზიანებულის ადგილი უნდა დაეკავებინა. თვითონ დავაპირე ოზურგეთს წასვლა, რათა იქაური ჩვენი ჯარისათვის ჩვენი გამარჯვება და სალამი გადამეცა. ვიცოდი, რომ ვალიპოლის დივიზიის ბრიგადა ოზურგეთის დასაპყრობად იყო წამოსული. ოზურგეთში მყოფ ჯარს შემდეგ უნდა დაეკემოდი. ჩემი განზრახვა ოზურგეთს წასვლისა გენერალს გავაცანი და მან მომიწონა კიდევ. გენერალმა ავტომობილი მათხოვა. წავიყვანე ჩემი უმცროსი ძმა მელენტი და შეავანაძე. თან წავიღე ორი ტყვიამფრქვევი და ერთი ყუთი ხელის ყუმბარებისა. გენერალს ვკითხე: გზა ნატანებიდან ოზურგეთზე თავისუფალი თუ იყო. გენერალმა დამიდასტურა, თავისუფალი არისო. სამის ნახევარზე გზას გავუღეკი.

როცა ოზურგეთს მივუახლოვდი და ავიარეთ ვაშლნარის დუქ

ნებთან, თოფის სროლა აგვიტყვის... ტყვია მანქანის მექანიზმში მოხვდა და გავჩერდით. წოფერს შემდეგ ტყვია ფეხში მოხვდა და დაიჭრა. ბიჭები ძირს ჩამოხტნენ. ჩვენც დავიწყეთ სროლა ტყვიამფრქვევით. თავდამსხმელების უფროსი მიზანში ამოვიღე და მოვკალი. მე ეჭვი შემეპარა: გურულები არ ისროდნენ-მეთქი! გამოსარკვევად ხმა მალლა ვიყვირე, ვინც ვიყავი. მათ სროლა შეაჩერეს და თურქული ყვირილით ჩემსკენ გამოიქცნენ: გაიძახოდნენ: თაალიმ თაალიმ გოგუაძეო! დაგვენბდი! დაგვენბდი! მათ იცოდნენ. რასაკვირველია, რომ ჩვენ ცოტანი ვიყავით და ცოცხლად დაქერა მოგვინდომეს. შეაენახე ნატანებში გავგზავნე, რომ ჩვენებისათვის ეს ნობელებნათ ჩვენი მწარე ხვედრი. ჩვენ კი მტერი ახლოს მოვუშვიტ. შემდეგ დავაყარეთ ავტომატებიდან ტყვია და ცამეტი კაცი იქვე დაეცა. მტერმა სამხრეთით დაიწია და გორაკზე თავისიანებს შეუერთდა; ჩვენ კი ჩრდილოეთით დავიხიეთ. მე აქაც დავიქედი. ტყვიით გახეთქილი ქვა მომხვდა! ღონემ მილალატა. ჩემს ძმას ვთხოვე მე დავეტოვებინე და თვითონ წასულიყო. მან პასუხად ზურგზე ამიკიდა და წამიყვანა. მტერი მალლობიდან გვესროდა; ჩვენ მაინც სამშვიდობოს გავედით. გზაში ჩვენი ჯარი შეგვხვდა; მოგვცეს ორი ცხენი და ნატანებისაკენ წავედით.

შელამებისას ორ ვესრზე ნატანებიდან ჩვენი ჯარი შეგვხვდა ჩვენდა საშველად წამოსული. მის მზვერავენს ძლივს გადავურჩით. მტერი ვეგონეთ და კინალამ დაგვხოცეს.

ნატანებში ხალხი ბევრი შეკრებილიყო. ჩვენი გამარჯვება გავგოთ. ნიშნად პატივისცემისა ხელში ამიყვანეს და მალლა ამწიეს. მე ქრილობები მტკივოდა და ვყვიროდი.

ავტომობილი ვაშლნაზიდან ჩამოიტანეს დაზიანებული. მ აპრილს ბრძოლაში ტყვიამ ჩემი ოქროს ჯვარი მომგლიჯა; ის გვარდიელებს ეპოვნათ და მომიტანეს. მტრის ტყვიას ჩემი წმიდა გიორგის სურათი გავგლიჯა. როგორც დაჭრილსა და ბევრ სისხლ დაკარგულს.

მოსვენება მერგებოდა. 10 აპრილს ჯართან ერთად ჯავშნიანი მატარებელი დავტოვე და დაზიანებული ჯავშნოსანით თბილისს გავემჯებე. მოკლულები გზა და გზა თავიანთ ქირისუფლებს დავტოვე სამძიმრის წერილითურთ. დიდ სადგურებზე აუარებელი ხალხი გვხვდებოდა და სიტყვებით მოგვმართავდნენ ხოლმე. თბილისი დიდი სიხარულითა და ზემით შეგვეგება. მთავრობა, ჟურნალისტები და ხალხი. დაიწერა გაზეთებში მრავალი წერილი. მთავრობამ მიბრძანა ჯავშნოსანი არ შემეკეთებინა, რადგან ის საჭირო იყო მუზეუმისათვის. მე დასტური დავრთე, მაგრამ ჯავშნიანი მატარებელი შესაკეთებლად სახელოსნოში მივეცი, რათა იგი მომავალ ბროლებში გამომეყენებინა.

ათასცხრაას თვრამეტ წელში ოსმალეთი თავს დაგვეცა
ვაჟკაცები შევიკრიბეთ მტრისთვის პასუხი გავვეცა;
რვა აპრილს დილით ჩოლოქთან შევიქერ მტრისა ბანაკში.
შვიდი ათასი ოსმალო სულ ყველა დაგვხვდა საფარში.

სამშობლოს მცირედმა ჯგუფმა მტერს გაუმართა ომია,
ჩვენები მტრებსა უტევდნენ ვითა მამაცი ლომია!
ხუთი საათის ბრძოლითა გავწყვიტეთ მტრისა ჯარია,
მომხვდურ მტერზედა ვიყარეთ უსასტიკესი ჯავრია.

გავწყვიტეთ სამშობლოს მტერი, გავუნადგურეთ ჯარია;
ჩვენც ბევრი გვეყავდა ბრძოლაში დაქრილები და მკვდარია.
გადავარჩინეთ სამშობლო, მოხუცი, ბავშვი, ქალია
თავდადებული ბრძოლითა ჩვენ მოვიხადეთ ვალია.

1918 წ. 12 აპრილს ჩემთან მოვიდა კვესტორი სერგო ჟორჯოლიანი და მითხრა: ხვალ სალამოს შვიდი საათისათვის ნოე ჟორჯიანი გიბარებსო. მე დანიშნულ დროს მივედი. ს. ჟორჯოლიანი შემხვდა და მითხრა თეთრ ზალაში მობრძანდითო. თეთრ ზალაში მოწვეული

იყო ამიერკავკასიის საოლქო დელეგატების სხდომა. ზალაში ათას ხუთასამდე კაცი იქნებოდა. ნოე ჟორდანიამ ხელი მომკიდა და მასთან კათედრაზე ამიყვანა. შემდეგ მან დელეგატებს მიმართა — დროებით კამათსა ვწყვეტ და გთხოვთ მიესალმოდეთ ამხანაგ გოგუაძეს, რომელმაც მტერი დაამარცხა და ხიფათისაგან გვიხსნაო. გამომართეს დიდი ოვაციები. ილაპარაკა ირაკლი წერეთელმა. სიტყვა წარმოსთქვა ევგენი გეგეჭკორმა; მან აღნიშნა ჩემი როლი თვითმპყრობელობის რეჟიმის ხანგრძლივი ბრძოლისა და შეაქო ჩემი მეთაურობით ჯავშნოსანის ბრძოლა ოსმალთა წინააღმდეგ. მან სხდომას მიმართა წინადადებით: დავეჯილდოვებინე რევოლუციის პირველი გმირის სახელწოდებით. სხდომამ ეს წინადადება ერთხმად მიიღო. მე ამდენი ცერემონიისა და პატივისცემის გამო სირცხვილით ვიწვოდი. საზოგადოებას მადლობა გადაუხადე და შინ წავედი. ოპერაცია მალე გამიკეთეს და ფეხიდან ტყვია გამომიღეს.

15 დღის შემდეგ ჯავშნოსანი მატარებელი სახელოსნოდან გამოვიყვანე; შევიაარაღე; მეომრები შეეკრიბე და მომავალი ბრძოლისათვის მოვამზადე.

ყაზახის მაზრაში მოხდა აჯანყება. ხელისუფლებამ აჯანყების წინააღმდეგ ჩემი ჯავშნოსანი გაგზავნა. ოთხი ზარბაზნითა და ჯარით დავიძარიოთ ყაზახისაკენ. ყაზახი და მისი მიდამო აჯანყებულთა ხელში იყო.

ეს აჯანყება მოეწყოთ ბეგებს ოსმალთა ოფიცერთა ხელმძღვანელობით. ორ საათზე ქ. ყაზახს მიეუახლოვდით. დაიწყო ბრძოლა. მალე მტერი ძლეულ იქმნა და გაიქცა. ჩემთან მოვიდნენ ქალების დელეგატები და მთხოვეს მტრისათვის ზარბაზნებიდან მესროლა. მე მათი თხოვნა შევასრულე. შემდეგ გაიმართა დიდი მიტინგი. აქ ილაპარაკეს ქართველებმა და თათრებმა. ქართველთაგან ილაპარაკა გრ. ცინცაბაძემ. მიტინგმა გამოიტანა დადგენილება: გავიგეთ რა ამიერკავკასიის დამოუკიდებლობა, ჩვენ მივესალმებით მას; ჩვენ ყაზახის მაზრა ძველთაგან ვიყავით საქართველოსთან ერთად და ეხ-

ლაც გვსურს მასთან დავრჩეთო. გვთხოვდნენ ჩვენ ეს მათი სურვილი ჩვენი ხელისუფლებისათვის გადაგვეცა. ამით საქმე გავათავებთ და თბილისს მოვბრუნდით.

1918 წელს. იენისში ოსმალოები ბორჩალოს მაზრიდან თავს დაგვესხნენ და მაზრის უდიდესი ნაწილი ხელთ იგდეს. ადგილობრივი მოსახლეობა, უმთავრესად სომხები, ააწიოკეს.

9 იენისს გვაძღვია და ჯარი თბილისიდან მათ წინააღმდეგ დაიძრა. ოსმალეთის ჯარი მდინარე ხრამთან დაბანაკდა. მათი მზვერავები სადგურ სანდაარში მოვიდნენ. ბრძოლა დაიწყო 9 იენისს. მე წავიყვანე სამი ჯავსნოსანი. დიდი შეტაკება მოგვიხდა ხრამის სიღთან. მომიკლეს არტილერიისტი დანელია და დამიჭრეს რამდენიმე კაცი. ჩვენ მტერს მკაცრად შევეუტიეთ და იგი აშავსერალთან დავამარცხეთ.

13 იენისს, ღამის 12 საათზე, პოლკოვნიკი ჩხეიძის ბრძანება მივიღე, რომ სადახლოში, 14 იენისს მტერს თავს დავსხმოდი და აქედან მევლო წინ საქართველოს საზღვრამდე. მე ბრძანების თანახმად შულავერიდან სადახლოში წავედი სამი ჯავსნოსანით. 8 საათზე უკვე სადახლოში ვიყავი. 58 ფურგონი სამხედრო მასალით დატვირთული და ჯარისკაცებით ხელთ ვიგდეთ და აქედან სანაინისაკენ გავეშურე, რათა ოსმალებს მოულოდნელად თავს დავსხმოდი. გადავქერით ტელეფონის ხაზი; სადგურ აირუშში ხელთ ვიგდეთ 50 ოსმალო მხედარი; სადგურ ახპატში — 20 ჯარისკაცი; ახტალაში — 60 და აქედან გავსწიეთ ალავერდისაკენ. ალავერდის აღმართს რომ შევეუდექით, დავინახე, რომ თავდაღმართში ოსმალოს ჯარით დატვირთული მატარებელი ჩვენსკენ მოჰქროდა. ეშელონს გაფრთხილება მივეცი, რომ გაჩერებულიყო. მე კი ვესტინგჰაუსის მსხრუტით ჯავსნოსანი გავაჩერე. ერთმანეთთან საყენ-ნახევარზე გავიჩრდიით და ამგვარად საშინელ კატასტროფას გადავრჩით. ჩემი ჰეომრების ნაწილი ძირს გადავიდა და მალღობები დიკავა. მე სწო-

ლა არ დამიწყია, რადგან მეშინოდა რკინის გზა არ გამეფუჭებინა. წინ კიდევ უფრო ბევრი ბრძოლა მომელოდა. ამით ისარგებლა ემზლონმა და უკან გაბრუნდა. მე ვუბრძანე ჩემს მეომრებს უკანვე ჯავშნოსანზე ამოსულიყვნენ.

მე ჯავშნოსანზე მყავდა ახალი მეომარი — ჩემი მეუღლე. მე ჩემ ძმას და ნათესავეებს დავავალე: ბრძოლის დროს ჩემს ცოლთან ახლოს ყოფილიყვნენ და თუ საქმე ცუდად წავიდოდა, მოეკლათ კიდევ, რათა ოსმალოებს ტყვედ არ ჩავარდნოდა.

შევიქერით ალავერდში და მტრის საკმაო ჯარი და არტილეგია დავიბყარით. მას წავეართვით დიდი რაოდენობის სამხედრო მასალა და სურსათი.

თათრებს გაეძარცვათ ალავერდის ქაზანა და რამდენიმე მილიონი მანეთის საქონელი მზად ჰქონდათ წასაღებად. ყველა ნადავლი უკანა ჯავშნიანს ჩავაბარე და მე სანაინზე გავილაშქრე. სანაინზე 200 კაცი ტყვეთ ავიყვანეთ და ეშელონს გავეკიდეთ. მათ ორთქლმავალი გაფუჭებოდათ და ამის შედეგად მათ სადგურ კობერთან დავეწიეთ. მე ბრძანება არ მქონდა კობეს იქით წავსულიყავი. ეშელონს ზარბაზანი ვესროლეთ და დავამტვრიეთ. ოსმალოს ჯარისკაცების ნაწილი ტყვეთ წამოვიყვანეთ. სანაინში ხელთ ვიგდეთ სურსათი და ცხენის ჯოგი. აქვე ვიშოვნეთ სარაკამიშიდან ჩამოტანილი ტელეფონისა და ტელეგრაფის აპარატები. ყოველივე ეს თბილისს გავაგზავნე ტყვეებთან ერთად.

ბალამოს ექვს საათზე სანაინში მოვიდა ჩვენი ჯარი. ჯავშნოსანმა სხვების დაუხმარებლად დაიცვა ოცდაათი ვერსის მანძილი. რკინის გზა ამ რაიონში გაყვანილია მდინარე დებედაჩაის პირზე და შექრილია კლდეებში. ამიტომ აქ ჯავშნოსანის მოქმედება ძალიან შეფერხებულია და ძნელი.

ბორჩალოს მცხოვრებნი, ბერძნები და სომხები, გამარჯვებას

გვლოცავდნენ და იარაღითაც გვეხმარებოდნენ მტერთან ბრძოლაში.

1919 წელს, ქრისტესშობისთვეში, სომხებმა ომის გამოუცხადებლად შემოგვიტიეს და რუს თეთრგვარდლიელთა დახმარებით ჩვენს მცირერიცხოვან ძალებს აძლიეს და ბორჩალოს მახრა დაიკავეს; ადგილობრივი სომხების დახმარებით წინ წამოიწიეს და თბილისს დაემუქნენ. საქართველოს მთავრობამ მოზილიზაცია გამოაცხადა. და ჩვენი ძალები ბორჩალოსაკენ გაემართა. მე მებრძანა ორი ჯავშნოსანით ფრანგზე წავსულყავი. რკინის გზა სანდაარიდან სომხეთამდე მტერს ეკირა.

9 ქრისტესშობისთვეს მტერს პირდაპირ მივადექი და ორი დღის განმავლობაში რკინის გზა ბამბაკამდე გავწმინდე და სანაინში დავდექი.

10 დეკემბერს ბამბაკის იქით, ხილთან მოგვიხდა დიდი შეტაკება. სომხები აქაც ვძლიეთ და ტყვეებიც წამოვიყვანეთ. 35 ვერსის მანძილზე ჩვენს უკან რკინის გზას არავინ იცავდა. რაც ჩვენთვის სახიფათო იყო. ჩვენებმა სომხებს შეუტიეს შჯლავერის მიმართულებით და უკუაქციეს. ჩვენს რიგებში ჩადგნენ ადგილობრივი მკვიდრი ბორჩალოელები და დახმარებას ვეიწვედნენ. სომხებმა მათი ოჯახები შემოსვლისათანავე აიკლეს და ააწოკეს.

თბილისს ვაცნობე: თუ რკინის გზის დამცველ ჯარს არ გამოაგზავნიდნენ. ჩემი მდგომარეობა კრიტიკული იქნებოდა. მართლაც, სომხები ჩვენს უკან რკინის გზის გაფუჭებას შეუდგნენ. თბილისიდან მებრძანა, რომ სანაინის რაიონში დავრჩენილიყავი; თან დახმარებაც აღმითქვეს. რკინის გზა სომხებმა ჩვენი შეუჩერებელი მუშაობის მიუხედავად მაინც გააფუჭეს. 14 დეკემბერს ჩვენ უკან დასახევი გზა უკვე მოქრილი გექნდა. დახმარება ჯარით და სასწოლი იარაღით არ მოგვევიდა. თავის დროზე უკან დახვეის საშუალება არ მოგვეცა. 14 დეკემბერს შევეკრიბე ჩემი მცირედი მეომრები და მდგომა-



3.

1930



გოგონა, 1935 წ.

რობა ავუხსენი. დავადგინეთ სანაინის მიტოვება და იმავე ღამეს უკან წასვლა. ამ საქმის ასრულება მომანდევს მე. აქ მე მყავდა შეპყრობილი ხეთი სომხის შპიონი, რომელთაც სიკვდილი მოელოდათ. მოვაყვანინე ისინი ჩემთან და მოვაგონე მათ, თუ რა მოელოდათ დანაშაულისათვის. მე მათ აღუთქვი პატივება, თუ ისინი ჩემს დავალებას შემისრულებდნენ. ავუხსენი მათ, რომ ამალამ სანაინს ეტოვებდით და ალავერდის გზით თბილისისაკენ მივდიოდით და ისინი ჩვენ უნდა დაგვხმარებოდნენ მეგზურობაში. ჯაშუშები სიხარულით დამეთანხმნენ. მე მათ ფული ვაჩუქე და დიდი ჯილდო აღუთქვი. დარწმუნებული ვიყავი, როცა მე მათ გავუშვებდი, მილალატებდნენ და სომხებს აცნობებდნენ ჩემს განზრახვას.

მეც ეს მინდოდა. ჩვენ სამზადისს შევუდექით. დახოცილები მიწას მივაბარეთ, დაქირალები საიმედო სახლებში მოვათავსეთ. ერთი ჯავშნოსანი ავაფათქეთ, მეორე დავაზიანეთ.

ჯაშუშები მართლაც ისე მოიქცნენ, როგორც ვფიქრობდი. მათ სომხის ოფიცრებს აცნობეს, რომ ჩვენ ალავერდის მიმართულებით უკან ვიხევდით. სომხებმა რკინის გზაზე ჯარი მოხსნეს და ალავერდისაკენ წაიყვანეს. ალავერდთან შეყრილ სომეხთა ჯარს შრაპნელი დავუშინე და მას დიდი ზიანი მივაყენე. ღამით ჩავდექი ავანგარდში და უკან დავიხიეთ. სახიფათო ადგილი ტვინელი და ახტალა მშვიდობით გავიარეთ. სომხებს სულ მოეხსნათ თავისი ჯარი რკინის გზაზე და ალავერდის მონასტრის გზაზე გველოდებოდნენ. მივუახლოვდით სოფელ შენისს. იქ სროლა აგვიტეხეს, მაგრამ ისინი ჩავაჩუმეთ; სადგურ აირმურთან მივედით. აქ მალეობები სომხის ჯარებს ეკავათ. ჩვენმა მეომრებმა მტერს შეუტყეს და გაფანტეს. მათ მოიყვანეს ტყვედ 60 კაცი. გავეშურეთ სადახლოსაკენ; გზაზე ჩივნი ჯარი დანგრეულ ხიდს აკეთებდა. იქ ორი ჯავშნოსანი ალფესი გოგუაძის მეთაურობით იცდიდა. მივედით სადახლოში და დავისვენეთ.

15 დეკემბერს ჯავშნოსნებს ჩავუდექი სათავეში და მტერს წევუტყეთ. სომხის ჯარი დამარცხდა და უთავბოლოდ უკან დახევა და

იწყობ. ჩვენ მათ დავცდევნეთ და ორ დღეში ჩვენი ანტიკომუნისტური
საგან გავწმინდეთ.

ამ დროს საქართველოში იმყოფებოდა ინკლისის მხედრობა.
მათი გენერლები საქმეში ჩაერივნენ და სომეხ-ქართველთა ბრძოლა
შეწყდა. დაკავებულ ხაზს იქითა ნაწილი გამოაცხადეს ნეიტრალურ
ზონად. ასე დასრულდა ეს სამწუხარო ამბავი... სომხები ჩვენ საქართველოში
დავასახლეთ. ჩვენ მათ ვეძმეთ. მათ მუდამ კარგად
ვეპყრობოდით, გასაქირში ვშველოდით და სომხის პოლიტიკოსებმა
ჩვენი ამაგი ასე დააფასეს.

3. გოგუაძე

შენიშვნა: გადარჩენილ ფურცელთა შორის მხოლოდ ეს მო-
ვიპოვეთ და ამით ვასრულებთ კიდევ ვლადიმერ-ვალოდია გოგუაძის
მოგონებათა შემცირებულ რვეულს.



ვოვუაძის დასაფლავება ლეკოლში 1954 წ.

ღამატება

გრიგოლ რობაქიძის სამგლოვიარო ბარათი

დიდათ პატივცემულო

ქალბატონო ნამეტი!

გავიგე: გარდაცვლილა დაუვიწყარი ვალოდია. მეტად ღამა-მწუხრებელი ამბავი თანამემამულეთათვის მისსა — თქვენთვის პირადად კი დამმეხავი.

ვალოდია ამოწრდილი იყო ქართული ეპოსითგან. ფესვმაგარი, მტკიცე, ურყევი, უდრეკი, უტეხი, უშიშარი: როგორც თავგამოდებული მებრძოლი თავისუფლებისათვის სამშობლოსა. თვითონ ჯავშანი — საარაკო ბელადი შემმართველი „ჯავშნოსანისა“. არავითარი სიძნელის წინაშე უკანარ-დამხვეი — ძალაყრით მოშვიდული, ყოველი დაბრკოლების გადამლახავი.

ამასთანავე: ხალისიანი, მონადიმე, მოლხინე, მომღერალი, მოშირიე — ქართულ სუფრასთან. არაოდეს დამავიწყდება პირველი შეხვედრა მასთან 1948 წელს ივნისში, როცა მან პატივსაცემი სუფრა გაგვიშალა უხვად, თქვენი მეშვეობით, ჩემს უფროსს მეგობარს გრიგოლ დიასამიძეს და მე, ბერლინითგან სტუმრად მოსულთ პარიზში. არც ის სუფრა დამავიწყდება, რომელიც მე ვიგემე 1950 წლის დამდეგს ჟენევიტგან პარიზში მოსულმა. განსვენებული, ახლა უკვე დაავადებული, ლოჯინს იყო მიკრული. მოიგონებთ: ლხინი თანისთან ნალისდებოდა: ველარ მოითმინა ავადმყოფმა: წამოდგა იგი: მოვიდა სუფრასთან: შესვა ამხიარებულმა სხარტი სმური: სმურს სიმღერა მიაყოლა და სიმღერას ეპიური შაირი. ლოჯილი მაშინაც და ახლაც საქართველოს ერთ-ერთ დამატყვევებელ კუთხედ გადამეშალა.

ვგრძნობ თქვენს მწუხარებას. სამშობლოში მაინც იყვით! იქ, ნათესავთა და მეგობართა არეში, უფრო ადვილად გადაიტანდი ტკივილს, რა ვქნათ? ბედის-წერას მედგრად უნდა შევხვდეთ! მჯერა, თქვენც ასე შეხვდებით.

ქართველი ქალი ქართველ ვაჟთან შედარებით უფრო მაგარია: უფრო „ამტანი“. ესაა ჩემი დაკვირვება. თქვენ ამ „სიმაგრიტ“ მრავალ ქართველ ქალთაგანაც გამოირჩევით. ჩემი ორხელ შეხვედრა თქვენთან საკმაოდ იყო, ასეთი შთაბეჭდილება მიმეღო. იმედია, ვერ გაგტეხთ თავს-დატეხილი უბედურება.

თანაგრძნობით

თქვენი

გრიგოლ რობაქიძე